

**DIALOGI  
VICTORIS  
TERTII  
ROMANI  
PONTIFICIS**

---

Victor 3.>, Giovanni Battista  
Mari





Ex Bibliotheca  
majori Coll. Rom.  
Societ. Jesu

Li. 33.

16 15  
C C



~~1195~~  
B1195

1712



*Biblioth. Sec. Coll. Rom. Soc. Jesu*

# DIALOGI

VICTORIS TERTII

ROMANI PONTIFICIS.

*Ex libris: Rev. Wm. L. G. Jones*

DIALOGI

VICTORIS TERTII


ROMANI PONTIFICIS

VICTORIS TERTII  
ROMANI PONTIFICIS  
Olim Desiderij  
ABBATIS CASINENSIS  
DIALOGI

EX VATICANA BIBLIOTHECA  
DE PROMPTI

Haëtenus inediti, pietate referti, & ad  
Religiosam vitam accuratè con-  
formandam accommodati,  
notisque illustrati.

STVDIO, ET OPERA  
IOANNIS BAPTISTÆ  
MARI ROMANI,  
Collegiatæ Ecclesiæ S. Angeli in foro  
Piscium Canonici.



ROMÆ, Ex Typographia Francisci Alberti Tani,  
apud Michaelem Cortellinum. M. DC. LI.

---

SVPERIORVM PERMISSV.

VICTORIS TER TI  
ROMANI MONITICIS  
Gum Deditij  
TREATIS CASIMIRI  
DIALOGI

AD VICTORIS TER TI  
F. 2. 2. 2. 2. 2. 2.

ROMANI MONITICIS  
Gum Deditij  
TREATIS CASIMIRI  
DIALOGI

STYLIS ET CETERIS  
ROMANIS MONITICIS  
DIALOGI

Collegium Romanum  
Romani Canonici

ROMANI

ROMANI MONITICIS  
Gum Deditij  
TREATIS CASIMIRI  
DIALOGI



ILLVSTRISSIMO.

ET REVERENDISSIMO D.

D. DOMINICO

DE QVESADA.

Sacri Monasterij Casinensis  
Abbati dignissimo, &c.



IOANNES BAPTISTA MARVS. F.

**D**IALOGOS Victoris Tertij Romani Pontificis, olim Desiderij Abbatis Casinensis, qui in lucem nunc exeunt, ne nomini tuo dicarem, muneris exilitas dissuadebat, nisi animum ea spe confirmassem, quod tibi

\*

4

præ



præ cæteris quodam præcipuo  
titulo deberetur. Cui enim po-  
tius Desiderij sanctissimi scri-  
pta conueniunt quàm tibi? qui  
in hoc eodem Casinensi Cœ-  
nobio cum laude præsides, in  
quo Archangelus Monachorū  
dum viueret mirificè pastoralī  
solicitudine, sanctitate, virtu-  
te, rerum usu, gubernandique  
peritia, ac vigilantia insigni,  
etiam ipse præsidebat, virtutes-  
que dein Religiosorū eius pro-  
lixè in istis dialogis persequen-  
do est veneratus. Porro quæ de  
his scriptis adferri possent, fusè  
fatis in ea, quæ ad Lectorem  
subijcitur epistola, cōmemora-  
ui. Tuum igitur ista monumen-  
ta


ta ambiunt patrocinium, tuam  
deposcunt dexteram, dum re-  
ligiosæ disciplinæ Monasterij  
huius, cuius non minori cum  
fructu, quàm laude, guberna-  
cula tenes. Accipe interim hi-  
lari fronte hoc pignus non  
modò obseruantix ac amoris  
in me tui, sed & testimonium  
grauissimum antiquitatis mi-  
raculorum in hoc sacro Cœ-  
nobio, aut, vt potiùs dicam, in  
Noetica arca factorum; & si  
quando curis grauioribus quid  
superfit temporis, eorum te-  
lectione vtiliter oblecta, tuis-  
que subditis, vt ex eisdem fru-  
ctus vberes percipiant, legen-  
do trade. Vale.

*Im-*

*Imprimatur,*

Si videbitur Reuerendiss. P. Magistro  
Sacri Palatij Apostolici .

*Ascanius Riualdus Vicesg.*



*Imprimatur,*

Fr. Vincentius Fanus Mag. & Socius  
Reuerendiss. P. Mag. Sacri Palatij  
Apost. Ordin. Prædicatorum .



LE-



# LECTORI.



*N* tibi, Lector, Dia-  
logi Victoris Tertij  
Romani Pontificis,  
tamdiu à multis ex-  
petiti, qui sub nomi-  
ne Desiderij olim

Abbatis Casinensis antequàm ad su-  
premum omnis humane Maiestatis  
fastigium inuitus, ac diutius relu-  
ctans ascenderet, Longobardorum li-  
teris descripti in Vaticana Bibliotheca  
M. S. sign. nu. 1203. hætenus de-  
litescebant, nunc primum oculis tuis  
se offerunt. Continent enim miracu-  
la, quæ in Casinensi Cænobio, & ali-  
bi, diuina operante Virtute, gesta re-  
periuntur. De fide autem eorum, quæ  
vir sanctitate, compunctione timoris  
Dei plenus, iudicioque integerrimus  
narrat,

narrat, quis audet ambigere? dum ad  
stabiliendam fidei rationem, nihil in  
eis commemoret, quod ipse aut non  
spectarit, aut ab alijs fide bona rela-  
ta non audierit: testatur id ipse in  
ipso Dialogorum limine dicens: Et vt  
omnem dubitationis scrupulum  
legentibus auferam, per singula  
quæque personas, à quibus mi-  
hi hæc sunt relata, subnectam:  
melius esse reputans ex toto file-  
re, quàm aliquod falsum, men-  
dosum uè narrare. Hæc sanctissi-  
mus Pontifex, Uniuersè pro toto Dia-  
logorum opere: ex quibus clarissimè  
videre est, qua religione & quàm an-  
xiè singulis ferè exemplis, suum assi-  
gnet auctorem; SS. Gregorium Ma-  
gnum pariter imitatus, qui miracula  
plura ac mortem Sanctorum hominū  
dialogistico charactere, singulis etiam  
exem-



*exemplis suum attribuendo auctorem,  
descripsit : Dominum omni tempore,  
operatum fuisse & hactenus operari  
Euangelicæ auctoritatis Voce cunctis  
manifestum est; Deus certè semper &  
Ubique memoriam fecit mirabilium  
suorum , Ut ait diuinus Psaltes : &  
quid est (rogat Ioannes Chrysostomus  
in Psalm. 110. ) memoriam fecit  
mirabilium suorum ? nunquam,  
inquit , miracula facere intermi-  
sit . Hoc enim est , fecit memo-  
riam , non cessauit , non destitit  
per omnem generationem face-  
re miracula , & per res admirabi-  
les excitare crassiores,&c. Multa  
autem videri possunt , & priua-  
tim,& in domo , & in ciuitatibus  
fieri miracula : Eximia illa Basilij  
Seleuciensis vox est aduersus incredu-  
los potentia diuinæ aestimatores, lib. 2.*

*de*

*de Sancta Tecla : Donec namque  
erunt homines , simul miracula  
fontis instar abundabunt, semper  
scaturient, semper florebunt, sem-  
per salutifera omninò erunt . In  
re notissima Verbum non ampliùs ad-  
dam . Nihil igitur scripsit Sanctissi-  
mus Pontifex, quod non sit Utile maxi-  
mè Deo sacratis hominibus, & euan-  
gelicæ perfectionis candidatis, ad mun-  
di contemptum , ad morum simplici-  
tatem, ad excitandam piam deuotio-  
nem , ad alendam obseruantiam ,  
Ascetisque salaberrima deindè præbens  
amuleta . Ad hos Dialogos, si attentus  
fueris , Lector , anxietatem à te qui-  
dem depellent, cordi tuo inserent incre-  
dibilem Voluptatem , sublata malitia,  
radices Virtutum affigent animæ tuæ,  
& tandiù latuisse deindè dolebis . Ci-  
tantur ab Ostien. in Chron. Casin. à  
Pe-*

*Petro Diacono de Viris illust. Casin. &  
à Cardinali Baronio in suis Annal. &  
ab alijs, suntque apud omnes in pre-  
tiorum & fructu, ut ob id meritò è tene-  
bris erutos cum tinea & blattis iam  
conflictantes, incredibili rei literariæ  
damno, tibi quàm primùm hos saltem  
tres Libros Dialogorum bono publico  
proferendos censerem; ne fatorum liuo-  
re etiam isti perirent, dum in his, se  
quartum adhuc Librum scribere, le-  
gatur, ut propterea perdifficile sit iu-  
dicare, an iniuria temporum deperdi-  
tus, aut non absolutus, & adumbra-  
tus tantùm remanserit; certum enim  
est, quod in Autographo Vaticanæ Bi-  
blioth. finis tertij Libri, totusque etiam  
quartus desideratur. Reminiscere in-  
terim, benigne Lector, quod non solùm  
commune bonum quærunt, qui pro-  
prijs scriptis in lucem edendis aliorum*

*uti-*



utilitati consulunt; Verùm etiã illi,  
qui veterum scripta, quæ in obscuro  
latent, & à tineis, ipsaque vetustate  
ferè absumpta, primum in lucem &  
publicum proferunt. Fruere igitur fe-  
liciter & vale.

VITA

V I T A  
BEATISSIMI VICTORIS  
P A P Æ T E R T I I.

Ex diuerfis Scriptoribus  
breuiter defumpta.



**V**ICTOR Papa  
Tertius huius no-  
minis, in seculo  
Daferius, deinde  
Monachus Desi-  
derius vocatus, Sa-  
muis Beneuentani Principis vni-  
ca proles, originem trahens ex  
familia Epiphania, natus in anno  
Domini ferè 1027. à primis an-  
nis amores suos, ac delicias in  
cœlo collocans in Eremum clam  
secedit, vt clauſtri potiùs frugali-  
a tatem



tatem ac continentiam, quàm  
parentum blandicias, aulæque  
lenocinia sectaretur. Vnde Ro-  
mani Pontificis opera inter Casi-  
nates admissus est, & à Siconulfo  
Monacho religioso habitu dona-  
tur, nil aliud in votis habens, quā  
latere & nesciri; quapropter non  
multo post, scilicet anno 1056.  
ætatis suæ 30. Abbas Casinensis  
effectus, quique deinde à Roma-  
no Pontifice in procurandis ma-  
gni momenti negotijs solertissi-  
mus inuentus Apostolicæ Sedis  
Apocrisarius ad Michaellem Im-  
peratorem cognomento Stratio-  
ticum mittitur, tantæ enim apud  
Romanum Pontificem Deside-  
rius auctoritatis erat, ṽt in quibus  
vellet Ecclesijs, siue Monaste-  
rijs suo pastore viduatis, iure suo  
posset

posset vel Episcopus vel Abbates  
substituere ; sic testatur Leo Ost.  
deinde è Legatione Constanti-  
nopolitana regressus, denuò ad-  
ministrationē Cœnobij capeffit,  
ingenti lætitia summaque gratu-  
latione omnium exceptus. Inte-  
rim libros plurimos scribendos  
curat, oppida aliquot & castella  
ad Monasterij tutelam condere  
facit: templum pro Cœnobij di-  
gnitate iterum erigere decernit,  
& Constantinopolim ad locan-  
dos artifices ac peritos in arte  
musiua homines destinat, vt ab-  
sidam atque vestibulum maio-  
ris Ecclesiæ Basilicæ CœnobijCa-  
sinensis musiua opere ornent, ac  
pauimentum totius Ecclesiæ di-  
uersorum lapidum varietate cō-  
sternant : quoniam artium ista :

rum ingenium à quingentis, & ultra iam annis magistra Latinitas intermiserat, studio Desiderij inspirante, & cooperante Deo nostro (vt testatur Leo Ostiens.) hoc tempore recuperare promeruit: ne sane id ultra Italiæ deperiret, studuit vir totius prudentiæ plerosque de Monasterij pueris, diligenter iisdem artibus erudiri. Non autem de his tantum, sed de omnibus artificijs, quęcunque ex auro vel argento, ære, ferro, vitro, ebore, ligno, gypso, vel lapide patrari possunt, studiosissimos prorsus artifices de suis sibi parauit. His autem peractis, Desiderius à Nicolao Papa Secundo anno 1059. inter Cardinales titulo Sanctæ Cæciliæ interim cooptatur, eique per omnem Cam-  
pa-



paniam, Principatum, Calabriam,  
vices suas pro reformandis San-  
cti Benedicti Ordinis Monaste-  
rijs amplissima cum potestate  
committit. Extincto apud Sa-  
lernum Gregorio Septimo anno  
1085. Desiderius omnium con-  
sensu Christianæ Reipublicæ præ-  
ficitur, quo ille accepto nuntio  
tanquam repentinæ calamitatis  
inopinato casu perculsus, nun-  
quam persuaderi potuit, vt ele-  
ctioni assentiretur, & res Ponti-  
ficia in præsens refrixit, id enim  
non nisi ab excellentissima virtu-  
te proficiscebatur. Cum verò ite-  
rum aliquot post menses coacto  
Patrum conuentu ad suffragia  
ventum esset, iterum in Deside-  
riū vniuersi consensere, nomen-  
que Victoris Tertij indicunt: ve-

rum ne ità quidem res processit ,  
nam Victor quatrIduo post Ro-  
ma digrediens , vbi Tarracinam  
ex itinere attigit , disertè conte-  
statur, se Pontificem esse nolle ,  
& depositis sacris insignibus Ca-  
sinum ad suos remigrauit : demū  
Cleri , ac Principum importunis  
precibus victus Pontificatum ad-  
mittit anno Domini 1086. nono  
Kal. Iunij in Pentecoste ( delibe-  
ratum enim erat ac constitutum,  
neminem alium , ipso quidem  
superstite ac viuo, ad illud digni-  
tatis culmen euehere ) qui mini-  
mè postea consecrari passus est  
vsque ad XIII. Kal. Aprilis , die  
Dominico in ramis Palmarum  
in Diaconia Sanctæ Luciae ad Se-  
ptisolum anno 1087. quo tem-  
pore Henrici Quarti opera vene-



no in calicem infuso, dum rem-  
diuinam faciebat in Monasterio  
Casinensi ad Cœlum euolauit,  
anno ætatis suæ 60. circiter, XVI.  
Kal. Octobris. Cum præfuiſſet  
Casinensi Cœnobio annos 29.  
dies XVI. In ſede verò Apoſtoli-  
ca ab ipſo ſuæ electionis exordio  
annum vnum, à conſecratione  
menſes quatuor dies ſeptem.

Multa dum vixit ſcripſiſſe fer-  
tur, inter quæ tantummodò ex-  
tant de miraculis à Sancto Be-  
nedicto alijsuè Monachis in Ca-  
ſinenſi Cœnobio, & alibi geſtis  
dialogiſtico charactere conſcri-  
ptis. Vitam & res geſtas Victoris  
diligentiſſimè ſcripſit Leo Oſt.  
in Chron. Caſin. lib. 3.

Quædam quæ ad vitam, laudem-  
que Victoris Papæ Tertij  
pertinent, ex grauibus  
Scriptoribus excerpta:

*Ex Martyrologio Monastico Benedictino,  
sub die 16. Septembris.*

**I**N Monasterio Casinensi obitus Bea-  
ti Victoris Papæ Tertij sanctitate  
vitæ, & miraculorum gloria clarissimi.

*Petrus Diaconus lib. m. f. de viris illustri-  
bus Casinen. cap. 18.*

**V**ictor & ipse Apostolicæ Sedis Põ-  
tifex Casinensis Abbas, compun-  
ctione timoris Dei plenus, castitate sin-  
gularis, professione & opere Monachus,  
in nuptijs sponsam suam relinquens,  
Eremum petijt, ibique sanctæ religio-  
nis habitum sumpsit: cuius fugam rabi-  
do furore insequentes Parentes, eum  
reperitum veste monastica exuunt, mili-  
tari-

taribusque illum tegminibus induentes,  
 ad eius genitricis domum Sanniū vsque  
 deducunt. Inde igitur naſta quadam  
 hora auſugiens, Sanctæ Trinitatis Cœ-  
 nobium petijt. Inde igitur Magellæ  
 Eremum, ac dein Montem Caſinum,  
 adueniens, monaſticam vnctus confe-  
 crationem accepit: factus deinde Ab-  
 bas totum Caſinum Cœnobium reno-  
 uauit. De miraculis præterea, quæ à  
 B. Benediſto, & à Monachis Caſinen-  
 ſibus geſta ſunt vnà cum Alberico Dia-  
 cono libros edidit quatuor. Cantum *Legen-*  
 etiam B. Mauri composuit, in quibus *dum*  
 qui vult artis Grammaticæ tramitem, *puro*  
 & monochordi ſonori Magade reperiet *Theo-*  
 notas: factus dehinc Sedis Apoſtolicæ *philo*  
 Pontifex ſcripſit ad Philippum Regem  
 Francorum, ad Vgonem Cluniensem  
 Abbatem quamplures epiſtolas. Cla-  
 ruit autem temporibus Imperatorum  
 Michaelis Conſtantini, Alexij, atque  
 Henrici, ſepultus verò eſt in abſida Ca-  
 pituli Caſinenſis.

San-



*Sanctus Petrus Damiani lib. primo  
epistolarum epistola 9.*

**E**Cce Desiderius religiosus Casinensis Monasterij Abbas accedit, qui nimirum sicut Beato Danieli cognatione iungitur nominis, sic eum ab illo non separat assertio veritatis.

*Idem lib. 2. epistolarum epistola 15.*

**D**omno Desiderio Archangelo Monachorum ac cæteris Sanctis Fratribus Petrus peccator Monachus deuotissimi famulatus obsequium.

Cum in meo pectore tuæ charitatis ardor inextinguibilis ferueat, meque circa tui memoriam tepescere non permittat, &c.

*Baronius tom. II. ad ann. 1049. n. 27.*

**D**esiderius Abb. Casinensis & Cardinalis Sanctæ Cæcilie, qui creatus postea Romanus Pontifex, Victor Tertius dictus est. Scripsit enim exemplo



plo Sancti Gregorij Papæ quatuor libros Dialogorum, quos habet Vaticana Bibliotheca.

*Idem ad ann. 1063. num. 51.*

**A**T historia hæc maiorem adhuc sibi vindicat auctoritatē ex testificatione Desiderij Abbatis Casinensis Cardinalis tituli Sanctæ Cæcilie, qui & Victor Tertius eius nominis est appellatus Papa. Ipse enim in lib. 3. Dialogorum totam hanc texit historiã, &c.

*Idem ann. 1085. num. 18.*

**D**Esiderius enim præter id, quod Romanæ tunc Ecclesiæ Presbyter Cardinalis esset, & prudentia summa, & religione præcipua, & singulari Principum beneuolentia, amicitiaque pollebat, &c.

*Antonius Possevinus in Apparatu sacro.*

**D**Esiderius antea Dauferius vocatus è nobili Principum Beneuentanorum sanguine ortus, & ex Monacho San-

Sanctæ Trinitatis Cauensis, primò præpositus, deinceps autem omnium Monachorum votis die sancto Paschæ 13. Kal. Maij anno 1058. Abbas 37. Casinensis electus anno sequenti pridie nonas Martij Auximi in Piceno à Nicolao Papa II. Cardinalis tituli S. Cæciliæ creatus, ipsis Nonis Dominica proxima Abbas Casinensis consecratus est: Præfuit annis 29. mens. 4. diebus 27. Demùm mortuo Gregorio Papa VII. inuitus, ac renitens, die 9. Kal. Iunij an. 1086. Pontifex Maximus renunciatus, ac Victor III. acclamatus, consecrari minimè passus est vsque ad 12. Kal. Aprilis sequentis anni. Sedit in Apostolica Sede à die creationis ann. vnum, menses 3. dies 4. à consecratione verò menses 5. dies 27. Obijt in Monasterio Casinensi 16. die Septembris ann. 1087.

Multa dum vixit scripsisse fertur, inter quæ tantummodò feruntur quæ extant de miraculis à Sancto Benedicto, & alijs Monachis in Monasterio Casinensi ope diuina factis, lib. 4. & Cantus quidam de S. Mauro.

Ex

*Ex Commentarijs Constantini Caietani  
in Gelasij Secundi Papæ vitam.*

**D**Enique hanc ipsam Gelasij eiusdē sanctitatem etiam post mortem celebrem fuisse, grauiissimum illud ostendit monumentum, quod in Oratorio Sancti Nicolai Episcopi (in quo Lateranenses nunc celebrant Pœnitentiarij) intra septa quondam, nunc diruti, Apostolici Patriarchij, etiamnum visitur. Ibi enim ad altare inter alios Pontifices sanctitate claros, & sanctitatis aureola in capite redimitos, Gelasius idem ponitur, & sanctus nuncupatur. A dexterris enim illius altaris, quod in Oratorio vnicum est, conspiciuntur S. Gregorius, S. Alexander II. S. Gregorius VII. S. Victor III. A sinistris verò S. Leo, S. Urbanus II. S. Paschalis II. S. Gelasius II. &c.

*Ex P. D. Marco Scipione Benedictino in  
Elogijs Abb. Casin. in Desiderio.*

**E**Xtant eius ingenij ac religionis specimen tres Dialogorum libri, quos  
Gre-



Gregorium Magnum imitatus de probatissimis sui Cœnobij viris, ac miraculis perscripsit, minus elaborata oratione illos quidem, suavi tamen stylo & vt ea ferebant tempora, non vulgari.

*Ex Abb. Vghello tom. 3. Ital. Sac.  
in Episc. Florent.*

**S** Ed omnium diligentiam superauit Desiderius Abbas montis Casini, qui postea Victor Tertius fuit Pontifex Max. in lib. 3. suorum Dialogorum m. s. &c.

*Ex Codice m. s. Bibliothecæ eruditissimi  
viri Marci Rucoli Iurisconsulti Cla-  
rissimi, literarum ac literatorum  
fautoris, & Mæcenatis eximij.*

**V**ictor Papa Tertius, antea Desiderius, Beneuentanus, Abbas Casinensis, à nonnullis inter Martyres adscribitur, Imperatoris, & Pseudopapæ insidijs, veneno, dum sacra faceret, in calice dato extinctus anno 1087.  
Musi-

Musices, & Medicæ artis peritissimus fuit. Scripsit Dialogorum libros, qui extant m. ff. in Vaticana Bibliotheca sub hoc titulo. De miraculis à Sancto Benedicto, alijsue Monachis in Monasterio Casinensi ope diuina factis: scripsit etiam epistolas ad diuersos, sed hæc tenus ignotas.

---

*Auctoritatem prætereà Leonis Ostiensis in Chron. Casin. hoc loco afferre idèd distuli quia eius Chronicon facile quilibet consulere poterit. Multa enim ille lib. 3. scribit de sanctitate, doctrina, ac rebus gestis Desiderij. Consule etiam præcipuè Camillum Peregrinum in historia Principum Langobardorum in serie Abb. Casinen. in Desiderio. Et Arnoldum VVion in libro ligni vitæ, Ciacconium & Platinam in Vitæ Tertio, aliosque, &c.*

S. GREGORIVS PAPA

*Lib. 2. Homil. XXIX.*

Charitatis atque pietatis  
miracula amate: quæ  
tanto securiora sunt ,  
quanto & occultiora :  
Et de quibus apud Do-  
minum eo maior fit re-  
tributio, quo apud ho-  
mines minor est gloria.





# VICTORIS TERTII<sup>1</sup>

ROMANI PONTIFICIS,

Olim Desiderij

ABBATIS CASINENSIS

D I A L O G I.

LIBER PRIMVS,

*In quo agitur de miraculis à S. Benedicto,  
alijsuè Monachis in Monasterio  
Casinensi, ope diuina factis.*



VIA, donante Deo,  
miracula, quæ ipse ad  
laudem sui nominis in  
hoc Casinensi Coeno-  
bio fieri voluit, quæuè  
nostra memoria facta.

sunt, vel à senioribus nostris relata co-  
gnoui, scribere disposui, licet omnia  
nequeam stylo comprehendere: tum  
quia plura exciderunt memoria: tum  
quia occupatus regimine, vel ea quæ  
scribo, discutere ipse non possum, pau-

A

ca

ca tamen de pluribus ad ædificationem audientium mandare curabo memoriæ. Nam si omnia quæ vel ipse vidi, vel quæ mihi relata fuere, per ordinem referre velim, dies me, vt æstimo, ante, quam sermo, deficeret. Et hæc non tam fretus ingenio, quam quia res omissa videbatur, scribere sum aggressus: metuens, ne sicut hætenus, ita etiam amodò scriptorum negligentia derelicta, à memoria elapsa, obliuioni traderentur. Insuper etiam rogatus à Fratribus, & præcipuè à te, Frater Theophile Leuita charissime, vt cuncta vel audita, vel visa memoratu digna, tuis tuorumque auribus studiosè fidelitèrque referre deberem, rusticano licet stylo, tam deuotæ, atque sedulæ studui parere petitioni: omnipotentem Dominum deprecans, vt qui seruis suis gratiam tribuit ad virtutes & mirabilia facienda, mihi quoque sermonem non deneget, quatenus ea dignè ac fideliter ad multorum profectum valeam enarrare.

*Theophilus:* Ego quidem non solum

ca

ea quæ in hoc Casinensi Cœnobio miracula, Domino largiente, patrata sunt, nosse desidero: verum etiam ea, quæ in alijs partibus, his vicinis temporibus Christus Dominus per seruos suos dignatus est operari, si quæ nosti, mihi hæc audire sitienti, te quæso, narrare ne pigeat. Et hæc idcirco te maximè scribere rogo, quia plerosque magis virtutum exemplis, quàm exhortationum verbis ad exercitium boni operis, ac ad amorem patriæ cœlestis accendendos esse non dubito.

*Desiderius:* Primum quidem voluntati tuæ fauens, ea, quæ in hoc nostro Cœnobio facta sunt, duobus cōprehendam libellis: dein cætera, quæ ex alijs partibus vel audisse, vel vidisse me contigerit, alijs duobus libellis concludere, comite vita, studebo. Et vt omnem dubitationis scrupulum legentibus auferam, per singula quæque personas, à quibus mihi hæc sunt relata, subnectam: melius esse reputans ex toto silere, quàm aliquid falsum mendosumè narrare.



4 LIBER PRIMVS DIALOG.

*Theophilus:* Cum Scriptura dicat :  
*Sap. 1. Os, quod mentitur, occidit animam; quare*  
*e. 11. B. Paulus vnà cum Sila carceris custo-*  
*diæ* mancipatus, Romanum se esse asse-  
 ruit, cum non Romanum, sed Iudæum  
 fuisse luce clarius constet?

*Desiderius:* Absit hoc à fideiū cordi-  
 bus, vt veritatis Prædicator, Doctorque  
 Gentium, mendaciū in aliquo incurrisse  
 credatur. Beatissimus enim Paulus &  
 Romanus erat, & Romanus non erat:  
 Romanus nō erat, quia ex Romana vrbe  
 oriundus non fuerat: <sup>4</sup> Romanus verò  
 erat, quia omnis Iudaica plebs, vt vni-  
 uersus pene Orbis, sub Romani tunc  
 temporis Imperij ditione degebat. Vel  
 etiam propterea, quia Romanus, ex-  
 celsus interpretatur, congruentissimè,  
 iustissimèque se Romanum potuit ap-  
 pellare, quia se excelsum esse nullate-  
*Phil. 3.* nus hæsitabat, sicut ipse dicit: *Nostra*  
*autem conuersatio in cælis est.*

---

<sup>4</sup> Fuit hereditario iure S. Paulus ciuis  
 Romanus, & hoc modo natus, non quia  
 in

*in ipsa Vrbe, sed quia patre ciue Romano:  
natus enim erat Tarsi, quæ Ciliciæ metro-  
polis erat, & ius municipale à Romanis  
fuerat consecuta, ità ut Tarsenses cense-  
rentur ciues Romani, & ciuium Romano-  
rum priuilegijs fruerentur. Vide Lorin. in  
Acta Apost. cap. 22. vers. 28.*

---

*Theophilus* : Fateor, valde mihi sunt  
grata quæ dicis, sed ea quæso, quæ pro-  
miseras, narrare iam incipe.

*Desiderius* : Res valde est noua, quam  
narro, & seniorum nostrorum assertio-  
ne roborata, de Reuerendissimo viro  
<sup>A</sup> Apollinare, Abbate scilicet nostri  
Monasterij, cui, Deo fautore, licet in-  
dignus deseruiro : cuius sanctitas, beni-  
gnitas, largitas, omnibus penè in hac  
prouincia commorantibus lucidissimè  
patuit. Qui dum quadam die, necessi-  
tate cogente, prædia requireret Mo-  
nasterij, venit ad fluuium <sup>B</sup> Lirim : cum-  
que naus deesset, qua fluuium transire  
posset, plenus fide, signaculo sanctæ  
Crucis se munens, accessit ad oram flu-

6. LIBER PRIMVS DIALOG.

minis, atque vt erat indutus vestibus, calciatus pedibus, fluuium est ingressus, & ita c sicco vestigio ad alteram ripam peruenit, vt nec calceamenta quidem ipsius madefacta viderentur. Animaduerte precor, quantæ sanctitatis, quantæque religionis, ac meriti apud omnipotentem Deum iste vir extitit, cui adhuc pondere grauato corporis concessum est elementum super liquidum, ac si super aridam ambulare: vt videlicet Apostolorum principi similis hoc in facto habeatur, cum desuper vndas iubente Domino sicco vestigio gradiebatur.

---

*A* Creatur Apollinaris Abbas Casin. anno Domini 817. & in Martyrol. Benedictino titulo sanctitatis decoratur sub die 5. Kal. Decembris: cuius gesta luculenter descripsit Petrus Diac. lib. m. f. de ortu, & vita Iustorum Casin. cap. 26. Vide etiam Leonem Ost. in Chron. lib. I. cap. 18.

*B* Liris, qui & Garilianus, fluuius Campaniæ præcipuus, eam à Latio distinguens,



cuius fontes in Apennino monte suprâ Soram ciuitatem monstrantur.

C Sic etiam super aquas fluminis, quod Tla dicitur, gradiuntur præcisa capitage-  
flantes Sanctus Frontosius & socij Marti.  
Et S. Hyacinthus Ord. Præd. expanso su-  
per undas pallio sicco vestigio ambulauit,  
sociosque secum traducens. Nazarium, &  
Celsum super undas etiam ambulasse, cum  
in mare proiecti essent, refert Marulus  
lib. 3. cap. 3. Gloriosa Charitine anno 308.  
lapide collo eius alligato demersa in pro-  
fundum maris, & per aquas tanquam per  
terram solidam incedens ad littus perue-  
nit, Sur. 5. Octobris. Quirinus Martyr,  
Prudentio, & Eusebio in Chron. auctori-  
bus, anno 314. alligatus ad saxum, de-  
mersusque in flumen enatauit; & placide  
super aquas ambulauit, sustentibus sa-  
xum ferentibusque undis. Sub pedibus  
Bessarionis Abbatis aqua solidata legitur  
in vit. Patr. lib. 6. libel. 2. n. 2. Et B. quo-  
que Oringa siue Christiana virgo in Etru-  
ria fugit per fluuium siccis pedibus, ne nu-  
bere cogatur.

8 LIBER PRIMVS DIALOG.

*Theophilus*: Animaduerto vtique & vehementer admiror, cū in nostris temporibus ( in quibus iuxta Prophetæ vaticinium, *defecit Sanctus, diminutæ sunt veritates à filijs hominum, non est qui faciat bonum, non est vsque ad vnum* ) omnipotens Deus talia dignatus est operari.

*Desiderius*: Si illud, charissime Frater; attendas, quod Dominus discipulis suis promittere est dignatus: *Ecce ego vobiscum sum omnibus diebus vsque ad consummationem sæculi*, lætari potius, quàm mirari poteris.

*Theophilus*: Et lætor quidem, & vehementer exulto: sed prorsus precor, inchoata prosequere.

*Desiderius*: Eo quoque tempore, quo gens <sup>A</sup> Agarenorum deuecta classe, latè deuastauere Italiam, qualiter omnipotens Deus hoc de manibus illorum liberauerit Monasterium, non duxi dignum silentio præterire. Cum igitur omnia circumcirca igne, ferroque consumpsissent, Ecclesias etiam sanctissimorum

Petri

Petri & Pauli adeuntes deprædati sunt. Dein Appiæ carpentes iter, Fundanam aggressi urbem igne eam cremarunt, cunctique in ea cominorantes ab eis vel occisi, vel capti sunt. Indeque digressi, in vicinia nostri Monasterij, trans Lirim fluuium applicantes, quia nox iam imminebat terris, castra posuerunt, vt facto mane omne Monasterium funditus diruerent, vel quidquid ibi inuenire possent, in prædam abducerent: & vt sunt nimis sitientes sanguinem, omnes, quos illic reperissent fratres, gladio iugularent. Cumque hoc tam horrendum, tam immane, tamque formidandum periculum esset in Monasterio nunciatum, omnes fratres nimio pauore perculsi, terræ consternati sunt, diuinam maiestatem obnixè precantes, vt illorum animas benignè recipere dignaretur, quarum corpora tam subitæ, tam formidandæ morti, peccatis exigentibus, tradere decreuisset: non enim amplius in hoc mundo se victuros credebant, qui tam proximæ mortis gladium



dium sibi imminere cernebant. Igitur cum per totam noctem aspersi capita cinere, vigilijs, & orationibus essent intenti, Reuerendissimus vir Apollinaris Abbas, cuius superius mentionem feci, <sup>B</sup> Bassatium Abbatem, religiosum scilicet virum, per visionem allocutus est dicens: Nolite timere, ne mœstum geratis animum, non enim in hoc tempore ab Agarenis capiemini, nec aliquid damni diuina protegente dextera vobis inferre poterunt: sed quantocys reuertentes suos adire tentabunt fines: vos autem deinceps securi, ac illæsi manebitis: quia Sanctissimus Pater Benedictus vestram ab omnipotente Domino salutem obtinuit: ipse enim venit ad adiuuandum vos, nosque omnes cum eo simul. Igitur venerabilis vir Bassatius Abbas expergesfactus somno, conuocatis in vnum fratribus, retulit quæ vidisset, quæque sibi reuelata fuissent: & vt instanter omnipotentem Dominum deprecarentur, admonuit. At illi certi de diuina misericordia alacres effecti

lau-

# VICTORIS PAPÆ TERTII. II

laudantes ac benedicentes Dominum;  
 quod reliquum erat noctis, precibus;  
 orationibusque consumunt. Tanta ve-  
 ro erat serenitas aeris, ut nulla in eo vel  
 tenuis quidem nubecula videretur: cū  
 subito cœlum densatur nubibus, toni-  
 trua concrepant, coruscationes ac ful-  
 gura crebra micant, tantusque imber  
 effusus est terris, ut Liris fluuius latè re-  
 dundans, quasi mare videretur. Igitur  
 illucescente diluculo, surgentes è castris  
 Barbari, accesserunt ad oram fluminis,  
 diligentius perscrutantes, si quam fortè  
 nauim vadumue reperire possent, ut  
 fluuium transmeare valerent: sed cum  
 omnis transeundi spes eis esset ablata,  
 dira incitati barbarie, manus sibi digi-  
 tosque corrodes, quod spe frustrati  
 prædæ, vacui remanserant. Cellas nostri  
 Monasterij trans Lirim positas igne  
 cremantes, verso exercitu quantocyus  
 abire cœperunt. Cumque ad eum lo-  
 cum peruenissent, quo prædictus Liris  
 fluuius patenti ostio mari influit, omnes  
 quos habebant equos debilitatis cru-  
 ribus

ribus, præcisis nervis, quia secum ferre nequibant, reliquerunt. Ipſi vero aſcenſis nauibus, dantesque carbafa ventis, recto curſu ſulcantes æquora, Siciliam tendunt. Cum autem iam prope Siciliam deueniſſent, & ſe celeriter aridam contingere ſperarent, repente paruum cernunt nauiculam, huc illucque inter ſuas naues liquidas ſuper vndas celeriter diſcurrentem: in qua Clericus veneranda canitie & alter Monachus ſedere videbantur. Et cum ab eis ſolicite interrogarentur, vnde tam læti, tam alacres, vel tam onuſti repedarent? ab Italia ſe venire profeſſi ſunt, ibique omnia igni ferroque tradidiſſe: domos etiã Petri ac Pauli, necnon Benedicti ſe expoliaſſe gloriati ſunt. Et vos, inquiunt, qui eſtis, qui tam ſolicite, tam diligenter, tamque curioſe nos interrogare nitimini? Nos, inquiunt, vnus Petrus, alter Benedictus vocamur, quorum domos vos inuaſiſſe iactatis: ſed cuius virtutis, cuiusue potentiæ ſimus, quàm citiſſimè experiemini. Et his dictis ab oculis eorum

rum



rum ablati sunt. Mox igitur vndique furentibus ventis, tumescentibus fluctibus tanta subito tempestas exorta est, vt naues omnes vel collisæ inter se, vel impulsæ scopulis confractæ sint. Ita vt ex omni illa Paganorum copia vix pauci superfuerint, qui suis hæc, à quibus missi fuerant, ciuibus nuntiare potuissent. Et quidem permisit omnipotens Deus ad tempus suas ab eis Ecclesias deuastari, sed non est passus eos super tanto facinore diutius gratulari. Hoc in facto illud mihi videtur esse impletum, quod B. P. Benedictus suis olim Discipulis promiserat, dicens: Præsentior vobis, dilecti filij, carnis deposito onere, vestrique per Dei gratiâ cooperator existam assiduus. Illud etiam quod B. Petro Dominus intulit dicens: *Tu es Petrus,*

*Math*  
16.

*& super hanc petram ædificabo Ecclesiam meam, & portæ inferi non præualebunt aduersus eam.* Non, inquit, non valebunt, sed non præualebunt: portæ enim inferi pagani sunt, hæretici atque Iudæi, qui tunc aduersus Dei valere videntur

**Eccle-**

14 LIBER PRIMVS DIALOG.

2. Co-  
rinth. 4

Ecclesiam, cum per eos Dominus suos  
flagellari fideles permittit, sed non præ-  
ualebunt, quia omnipotens ac miseri-  
cors Deus non eos de Ecclesia sua per-  
petuos finit habere triumphos. Vnde  
& Apostolus hortatur, dicens: Tribu-  
lationem patimur, sed non coangustiamur:  
aporiāmur, sed non destituimur: perse-  
cutionem patimur, sed non derelinqui-  
mur; humiliāmur, sed non confundimur:  
tribulamur, sed non perimus.

---

A Anno Dom. 846. Agareni seu Sara-  
ceni, utpotè gens populosa, magna Italiae  
damna intulerunt, omnesque ferè Roma-  
nas prouincias incendijs & direptionibus  
vastarunt. Ost. in Chron. lib. 1. c. 26. Ba-  
ron. hoc eodem anno.

B Bassatius creatur Abbas Casin. ann. Do-  
mini 837. Ost. in Chron. lib. 1. cap. 23. &  
obiit anno 856. die 16. Kal. Aprilis.

---

Theophilus: Placent vehementer quæ  
dicis.

Desiderius. A Ioannes sanctæ record.  
Pre-

Presbyter , qui in nostro Monasterio Decanatus officio aliquo tempore functus est, vestri postmodum Monasterij, quod intra Lucensem urbem constructum est , Præpositus fuit , qui quantæ obedientiæ , quantæq; humilitatis fuerit , plures , qui eum nouerunt , Monachi, & adhuc superstunt, testes existunt. De mirabilibus verò , quæ per eum diuina Maiestas operari dignata est, quia plura à memoria lapsa sunt , quæ recolo , pauca narrabo . Cum idem vir Dei, ieiunijs, vigilijs, orationibus, maximè-que largitati eleemosynarum esset intentus, tantam lachrymarum gratiam Domino largiente promeruit, vt dubium non esset , quod illæ lachrymæ multa apud Deum impetrare valuissent; quæ ex tam simplici humilique corde editæ fuissent . Cumque fama sanctitatis eius totam, per eandem urbem claresceret, Dæmoniaca quædam, quæ grauiter vexabatur, ad Monasterium, cui ipse præerat, adducta est . Et cum ab eis, qui eam duxerant, vt pro ea Dominum pre-



caretur, magnis precibus fuisset obstrictus, conuocatis Fratribus Oratorium intrauit, atque multis effusis lachrymis preces pro ea Domino fudit, statimque ab ea Dæmonium effugauit.

---

*A Gestā Ioannis, genere ac cognomine Apuli, Abbatis Lucensis sanctitate conspiciui, descripsit Petrus Diac. lib. M. S. de ort. & vit. Iust. cap. 33. Ost. in Chron. lib. 2. cap. 92. & in Martyrol. Benedictino sub die 22. Febr. inter Beatos adscribitur. Vixit anno Domini 1055.*

---

Sed neque hoc fileam, quod veridicis viris de eodem venerabili viro narrantibus agnoui, quod videlicet ita clarum est, vt nullis pene, qui intra moenia eiusdem præfatæ vrbis Lucensis commorantur, occultum sit, vel incognitum. Cuiusdam namque illustris viri vxor infirmitate detenta iacebat in lectulo, quæ adeo crescente languore ad extrema perducta est, vt per tres dies sine sensu, sine voce recubans, velut

lut mortua haberetur. Cumque omnes qui aderant, funditus de eius vita desperarent, ad Dei hominem missum est, ut pro ea omnipotenti Domino hostias precesque offerre dignaretur. At ille, ut erat benevolus animo, & ad supplicantium vota paratus, mox Sacerdotalibus indutus vestibus, ad altare omnipotenti Deo sacrificium oblaturus, accessit. Igitur cum intra sacra Missarum solemnia nomen illius memoraretur, illa in domo propria, longè a Monasterio posita, ex lectulo, in quo quasi exanimis iacebat, tamquam si ab aliquo vocaretur, respondit. Cumque ab illis qui aderant, interrogaretur, quid diceret, vel cui responsum dedisset? illa, inquit, Dominus Ioannes Præpositus nunquid non est hic? ipse enim vocavit me, illique respondi. At illi obstupefacti ex tam inusitato, tam celebri, tamque obstupendo miraculo, tum quia illam, quæ ferè exanimis iacuerat, sanam pene, & incolumem videbant: tum quia vocem illius tam lon-

gèpositi audisse se referebat, statim curauerunt ad Monasterium nuncios mittere, vt quid seruus Dei ageret, agnoscerent, & indicarent: proculdubio credentes, quod non abs re mulier tam celeriter in lectulo surrexisset, responsumque dedisset. Cumque illi, qui missi fuerant ad Monasterij Oratorium intrassent, virum Dei inuenerunt iuxta altare stantem, ac pro ea longinquitatis auctori Domino sacrificium offerentem: & subtiliter notantes horam, reppererunt, eodem momento, quo intra sacra Missarum solemnia nominata est, eam ex lecto surrexisse, responsumque dedisse.

Felicis etiam memoriæ <sup>A</sup> Alexander Papa, vir disertissimus, ac eruditissimus extitit: qui primùm Lucensem, postmodum verò Romanam Ecclesiam rexit: ex cuius ore ea, quæ nunc refero, de eodem Venerabili viro audisse me contigit. Cum quodam tempore idem præfatus Pontifex febre correptus grauiter ægrotasset, & quotidie languore crescente



sciente vehementius fatigaretur, repente ei ad memoriam redijt, quod fama vulgante de prædicto seruo Dei sæpius audierat: quod videlicet, quicumque febre detentus, haussisset <sup>B</sup> ex aqua, quæ de manibus ipsius defluebat, dum post Missarum solemnia ablueretur, mox recepta sanitate liberaretur. Latenter igitur misit, qui sibi ex illa aqua aliquantulum afferre debuissent. Cumque hi, qui missi fuerant, aquam, quam postulauerat, attulissent, mox ebibit: atque ita repente sanitati pristinae restitutus est, vt nulla in eo languoris illius indicia remanerent,

<sup>A</sup> Hic fuit Alexander Papa II. creatus anno Dom. 1061. moritur Romæ miraculis illustris, anno 1073.

<sup>B</sup> Refertur etiam hoc miraculum à Leone Ost. lib. 2. cap. 92. & à Baron. an. Domini 1070. num. 22. In Græca etiam Natione elucet ista pietas bibendi aquam, qua Sacerdos post Missarum solemnia manus suas abluit, ad varias egritudines repel-

B 2 lendas,

*lendas, testatur eruditissimus Leo Allatius,  
lib. de quorundam Græc. opinat. num. 6.*

---

Alius quoque vir venerabilis vitæ,  
<sup>A</sup> Guinizzo nomine, mente & habitu  
 Monachus fuit, qui ex vltiori Hispania  
 nostrum ad Coenobium veniens, in  
 hac vicina sylua, non paruo tempore,  
 vitam solitariam duxit: vbique in omni-  
 potentis Domini Iesu Christi seruitio  
 vitam finiuit. De quo venerabili viro  
 Ioannes Abbas Monasterij S. Vincen-  
 tij, siti iuxta ortum Vulturni amnis, qui  
 ei familiarissimus fuit, multa miranda  
 mihi, cum adhuc in nostro Monasterio  
 Præposituræ curam gereret, referre so-  
 litus erat. Cuius discipulus <sup>B</sup> Ianuarius  
 nomine, magnæ obedientiæ, magnæ-  
 que abstinentiæ Monachus extitit.  
 Qui dum quodam tempore à Magistro  
 suo, venerabili videlicet Guinizzone, vt  
 ferramenta, quibus operari soliti erant,  
 reficeret, Aquinum missus fuisset, do-  
 mum fabri ferrarij adiit, atque ab eo  
 eadem ferramenta reparari, data mer-  
 cede

cede, poposcit. Faber verò ferrarius  
 cœpit eum irridere, dicens: Num ex  
 pane & aqua solitarius iste tam rubi-  
 cundus, tamque pinguis extat? <sup>C</sup> ru-  
 bor iste, vt mihi videtur, magis ex vino,  
 quam ex latice hausto procedit. At ille:  
 Hodie, inquit, tibi, vtrum ex natura,  
 an ex assidua vini potatione rubore,  
 conspergar, ostendam. Cum verò fer-  
 rum in ignem missum vehementer fer-  
 ueret, & faber ferrarius, id acceptum  
 forcipe, super incudem possuisset, ac  
 scintillæ, huc illucque vndique volan-  
 tes, totam penè domum illustrauissent;  
 casu ferrum ex incude in terram desi-  
 liens cecidit. Igitur venerabilis vir Ia-  
 nuarius, ferrum ex incude cecidisse,  
 • conspiciens, inclinans sese, feruens fer-  
 rum nuda manu tenuit, & super incu-  
 dem ponens, malleatorem, vt quanto-  
 cyus id percuteret, hortatus est. At illi  
 qui aderant viso tanto miraculo, nimio  
 pauore perterriti, pedibus eius prouo-  
 luti, veniam ex irrisione, quam in eum  
 exercuerant, humiliter deprecati sunt.



Sicque factum est, vt omnis illa irrisio in venerationem versa sit, quam stulti homines in Dei seruum procaciter inferre præsumpserant. Itaque cum venerabilis vir ad Magistrum, atque ad cellam propterea remeasset, ab eo vehementer correptus est, quod insultantibus cedens, talia in oculis hominum facere præsumpsisset. Cumque ille, vnde hoc sciret, vel quis sibi indicasset, percunctaretur: Ille, inquit, qui tibi præstitit, vt posses facere: mihi etiam, vt possim scire.

---

*A Vixit Guinizzo circa annum 1080. tempore quo Henricus Romanum, Basilius Constantinopolitanum gubernabat imperium. Vir planè mirabilis, sanctitate conspicuus, & prophetiæ spiritu splendidus, & in Mart. Benedicino inter sanctos, sub die 26. Maij recensitus, cuius acta descripta videntur apud Leonem Ost. lib. 3. c. 47. & Pet. Diac. lib. de ortu Iust. Casin. c. 30. quo loco etiã memorantur dial. Desiderij.*

*B De Ianuario habetur mentio in vita*  
*Gui-*

*Guinizzonis descripta à P. Diacon. lib. de  
or. iustorum Casinen. cap. 30.*

*C Sic etiam Sanctus Cassius Narniensis  
Episcopus à Totila Gothorū Rege bibaci-  
tatis est insimulatus, fundamentū ex rubo-  
re faciei desumptum, ad quam calumniam  
depellendam insurgit S. Greg. 3. dial. c. 6.*

---

*Theophilus: Cum Dominus dicat: Lu-  
ceat lux vestra coram hominibus, ut vi- Luc. 12  
deant vestra bona opera, & glorificent Pa-  
trem vestrū, qui in cœlis est, quid est, quod  
Sancti viri bona sua occultant, & ne ab  
aliquibus videātur, omni nisu elaborant?*

*Desiderius: Sancti viri, etsi quando-  
que opera sua ostendant in publico, in-  
tentio tamen illorū manet in occulto:  
per hoc enim quod intus agunt, laudes  
exterius non requirunt: quia & de bo-  
no opere proximis cupiunt præbere  
exemplum, & tamen, per intentionem,  
qua soli Deo placere desiderant, sem-  
per optant esse secretū. Tunc, inquam,  
bona sua occultari appetunt, quando  
ex eorum propalatione nullum anima-*

*Viden-  
tur de-  
sumpta  
ex bo-  
mil. 11  
in Eu-  
angel.  
S. Gre-  
gor. Pp.*

rum lucrū, nullum fraternæ salutis emolumentum cernunt affuturum. Cum autem exinde ad gloriam omnipotentis Dei aliquid se lucrari posse cōspiciunt, tunc bona sua declarari, ac propalari patiuntur: quia non suam, sed Conditoris sui laudem requirunt.

*Theoph.* Satis aperta ratio patet, nec aliquid inde vltra requirendum puto.

*Desiderius:* Ea quoque quæ de hoc egregio viro, videlicet Guinizzone, Ioannes Religiosus Monachus, qui in hac vicina sylua sub Anachoretica disciplina solitarius commoratur, solitus est referre, dignum duxi huic nostro associare libello, dicebat enim: Quia, cum adhuc in Beneuentana ciuitate in suo Monasterio degeret, quadam die, quidam Dei seruus sibi, alijsque fratribus, qui ibi aderant, intulerit, dicens: Pro certo sciatis hodie aliquem magnū virum è Monachis apud montem Casinū ex hoc mundo migrasse ad Dominum: quod illi audientes, mirati sunt, quod per octoginta ferme miliaria

egre-



egredientem è corpore animã illius videre potuèrit: & nō adhibentes fidem, subtiliter studuerunt indagare. Et re-  
pertum est eo die illum venerabilem,  
virum emisisse animam, quo prædictus  
Dei seruus Beneuenti positus agnouit.

Sed neque hoc tacebo, quod de  
Mancuso Monacho fratribus referen-  
tibus agnoui, quem ipse in Monasterio  
positus vidi, nostroque iam tempore  
defunctus est. Qui cum ex Apuliæ par-  
tibus, conuersionis gratia huc venisset;  
à <sup>4</sup> Richerio Abbate nostro præde-  
cessore susceptus, Fratrum Congrega-  
tioni sociatus est. Itaque in Monaste-  
rio corpore, in seculo mente degens,  
semper terrena quæque meditabatur:  
Onne magisterium regularis disciplinæ  
sibi graue, & importabile videbatur.  
Tunc cœpit ab Abbate licentiam pe-  
tere, multasque occasiones adinuenire  
qua patriam, parentesque posset reui-  
sere. Cumque ab Abbate suo sæpius  
fuiſſet admonitus, vt viam veritatis,  
quam semel arripuerat, in melius profi-  
ciens

ciens de die in diem ad finem vsque,  
 perducere, depolita omnis torporis  
 ignauia, fummpere ftuderet: ne fortè  
 iuxtà fententiam Domini, aratrum te-  
 nens retroque refpiciens Regno coelo-  
 rum aptus effe non poffet: & ne vxor-  
 em Loth imitans, in ftatuam falis ver-  
 fus, horrendum cunctis fpectaculum  
 præberet. Ille nihilominus (cuius mens  
 femel à maligno obfelfa fuerat) nullo  
 modo quiefcebat: fed quotidie Abba-  
 tem fratresque precibus fatigando, vt  
 eum patriam reuifere finerent, omni-  
 modè poflulabat. Cumque fpem re-  
 deundi fruftratam fibi effe confpice-  
 ret, clam de Monafterio egreffus, mo-  
 re fugacis ferui nocturnas tenebras ca-  
 ptans, vt canis ad fuum vomitum, <sup>B</sup> ad  
 patriam, diabolo infligâte, reuerfus eft;  
 atque in parentum domo manficans,  
 feculariter ibi, vt iamdudum mente  
 conceperat, viuere cœpit. Sed cum  
 ab Abbate fuo per nuncium fæpe fui-  
 fet admonitus, vt ad Monafterij clau-  
 ftra rediret, & ille falutaria monita  
 parui-

*Luc. 9.  
 ver. 62.  
 Genef.  
 19. ver.  
 10.*

paruipendens, obtemperare negligeret, ab eodem Abbate communione priuatus est. Cum itaque non post multos dies paululum languore correptus in lectulo resideret, immanem leonem ingredientem ostiū, ac contra se aperto ore venientem cernit. At ille ad ingressum ferocis bestię territus, cœpit magnis vocibus clamare, dicens: Currite, currite, quia leo iste me deuorare contendit. Leo vero rugiens irruit in eum, & mordiens coxā illius apprehendens, maximum ex ea carnis frustum abstulit, sicque eum ementatum ac seminecem relinquens, disparuit. Cumque plures ad clamorem vocis illius obstupefacti concurrerent, leonem quidem minime viderunt, sed ementatum ac seminecem Monachum in terra prostratum inuenerunt. Itaque cum eum à terra eleuarent, paululum recepto spiritu, cuncta, quæ sibi acciderant, per ordinem pandit, & vt quantocyus se ad Monasterium reducerent, propinquos, ac vicinos obnixè precatus est. Pro-

pin-



pinquis igitur eius voto obtemperantibus ad cellam huius nostri Monasterij, quæ cōtra Asculanum oppidum sita est, eum portauerunt, ibique post paululum recuperata sanitate, huc ad Monasterium est reuersus, ac ex perpetrata culpa, pœnitentia accepta, plures postea in sanctæ conuersationis habitu vixit annos.

*A Richerius creatur Abbas Casin. anno Domini 1038. obiit ann. 1055. infra quod spatium temporis accidisse hoc miraculum deprehenditur. Vide Ost. lib. 3.*

*B Quàm exitialis sit Monacho patria refert Cassian. collat. Pat. lib. 5. cap. 32. de Abbate Machete, qui non solum fasciculum epistolarum à parentibus delatum voluere non præsumpsit, sed igni tradidit comburendum: Ite, inquit, cogitationes patriæ, pariter concremami, nec me vltius ad illa, quæ fugi, reuocare tentetis. Scribit Simon Milletius, hodie ostendi locum in descensu montis Casini ad Sanctum Germanum, in quo draco*  
*Mo.*

*Monacho in Monasterio permanere nolenti & postea exeunti apparuerit, quem dæmonem draconis specie transformatum fuisse ait. Sed illustre prorsus est, quod in vita Sancti Dominici, lib. 3. c. 2. à Theodorico proditum legitur. Vide S. Hieron. epist. ad Heliodor. de laude vitæ solit. & S. Ambros. de fuga seculi. Attendant igitur sibi, & caueant illi Monachi, qui non solum patriam non deserunt, parentes, & amicos non dimittunt, sed quotidie animi sui causa Magnatum sectantur aulas & oculos. Utinam non seculi nostri hoc vitium sit.*

---

*Theophilus.* Monachus iste, ut video, idcirco leoni, idest diabolo, visibiliter ad tempus traditus est, ut postmodum inuisibiliter ab eius potestate liberari in perpetuum mereretur.

*Desiderius:* Vis etiam ut narrem tibi, qualiter omnipotens Deus hoc Monasterium de tyrannorum manibus semper eripuit: atque ab inimicorum infestatione, meritis B. P. Benedicti, dexte-

ra suæ Diuinitatis protexit ?

*Theophilus* : Narra quodlibet : nam alacri animo, deuota mente, attentisque auribus me cuncta hæc auscultare profiteor.

*Desiderius* : *A* Pandulphus Capuanus Princeps, vir potentissimus ac ditissimus fuit, qui, latrocinando, humanum sanguinem fundendo, ciuitates, oppida, ac aliorum prædia circumcirca, manentium crudeliter auferens, suo subdidit dominatui: quique stupra, cædes, rapinas, distractionesque bonorum Ecclesiarum multa per tempora, absque vlla miseratione, insatiabiliter exercuit. Igitur cum plurimas opes Christi Ecclesijs diripiens abstulisset, omnia, castra, villas, ac prædia huius Monasterij cupiditate ductus sacrilega abstulit: ita vt nec vnum rusticum, qui rura coleret, vel rura, quæ à rustico colerentur, Monachis reliquisset. Insuper etiam omnem thesaurum huius Monasterij auferens asportauit, ac in arce, quam non longe à Capuana vrbe, in,

mon-



monte, qui <sup>B</sup> S. Agathæ Martyris dicitur, construxerat, in qua multa spolia orphanorum, viduarum, & Ecclesiarum, ac pauperum intulerat, cōdens reposuit. Cū verò iam omnipotens Deus tantis sceleribus finem vellet imponere, & lachrymæ & voces pupillorum, viduarum ac pauperum, nec non orationes, precesque seruorum Dei, in conspectu Diuinitatis eius essent admisæ, sicut scriptum est: *Cor Regis in manu Dei est*, Conradi Imperatoris menti inspirauit, vt ad vindicandas eius Ecclesias, ac de tyrannorū manibus eruendas Italiam reuisens Romam veniret. Cum igitur magno exercitu congregato, Italiam ingrediens Romam venisset, optimos ex latere suo viros Capuam, mittere placuit Pandulpho Principi, cui, vt bona S. Benedicti iniuste à se ablata, omni postposita mora, restitueret, & nobiles vel cuiuslibet generis viros, quos captos ac magno ferri pondere connexos multos in carcere detinebat, dimitteret, omnesque res illorum eis

Prou.

cap. 21

Anno  
1038.

eis festinanter redderet, per eosdem viros voluit imperare: nam voluntas veniendi ad has partes minime animo eius infederat, si ea perficere posset, quæ per præfatos viros eidem Pandulpho præcipiebat. Sed Deus omnipotens, qui cor Pharaonis induravit, ob multa quæ in populum Dei sine causa irrogauerat mala, vt Moyfi seruo suo signa & prodigia mirabiliter ostendenti nõ crederet; induravit etiam & cor istius, ne iussioni Imperatoriæ obediret. Cumque ij, qui missi ab Imperatore fuerant, Capuam venissent, multis cū eodem Pandulpho verbis frustra habitis, ad Imperatorem sine effectu reuersi sunt. At vero postquam Imperator se cõtemptum à Principe vidit, ira commotus, Roma exercitu moto egrediens, Casinum venit, ac ad B. P. Benedicti limina cõscendit. Facta hora Fratrum Capitulum intrauit, congregatisque in vnum Fratribus, vt pro se Dominum precarentur, rogauit: ibique coram eis Deum, Beatumque Benedictum, non ob aliud se ad

ad has partes venisse, nisi vt eius Monasterium de manu crudelissimi tyranni eriperet testatus est. Dein benedictione petita inde egressus Capuam venit, satellites verò præfati Principis, qui Monasterij bona eius imperio ad suum vsum detinebant, postquam de Augusti aduentu certificati cognouerunt, omnes huc illucque fugientes, dispersi sunt. Sicque factum est, vt Monasterium omnia castra, villas, ac prædia sibi ablata vno die reciperet: & ea, quæ ibi ad alienum vsum ministri scelerum congregauerant, in Monachorum potestatem deuenirent. Vnde eis mihi contigisse videtur illud, quod B.P. Benedictus discipulis suis ex inopia panum tristantibus olim prædixerat: Vt hodie minus, crastina vero abundanter haberent. Præfatus igitur Augustus Capuam ingressus, eidem Pandulpho Principatus honorem auferens, alterum in locum eius constituit. Ipse vero in arcem, quam in monte S. Agathæ Martyris summo studio munierat, ex eadem

C

vrbe



vrbe fugiens, se contulit. Vnde diuina dispositione contigit, vt omnia quæ latrocinando, peierando, multorumque cruorem innoxium effundendo, multa per tempora acquisierat, in spatio vnus septimanæ amitteret; nihilque sibi, ex tot, & tantis acquisitis municipijs, præter arcem quam prædiximus, remaneret: & qui multos aliorum natos, suis ablatis rebus, mendicare cōegerat, qui ex eo orti sunt vsque hodie huc illucque mendicatum pergant. Quæ omnia meritis B. Benedicti sibi euenisse quis dubitet, cuius ipse bona, iniqua ductus cupiditate, distraxit.

---

*A* Istum Pandulphum fuisse quartum Principem Capuanum, qui obiit an. 1050. docet eruditissimus Camil. Peregr. in hist. Principum Langob. Eius gesta recitat Leo Ost. lib. 2. cap. 60. 64. 84. & Baron. anno 1038. num. 3.

*B* Mons sanctæ Agathæ nunc dicitur sancti Nicolai. Vide S. Capuan. Mich. Monachi in not. ad S. Offam.

Theo-

*Theophilus:* De hac re minime dubitandum est, quando coram Fratribus præfatus Imperator non ob aliud, nisi ob defensionem S. Benedicti Monasterij se Romam transisse testatus est.

*Desiderius:* Alio tempore quidam Capuanus <sup>A</sup> Pandulphus nomine collectis ex amicis & vicinis vndique equitibus, ac non paruo militum numero congregato, castellum huius Monasterij quæ Concha dicitur, diabolo instigante, aggredi ac capere conabatur. Qui è Capuana vrbe suis cum sequacibus, inclinato iam ad vesperam die, egressus, vt per totam noctem deambulans, antequam dies illucesceret, cunctis adhuc securè illic dormientibus, prædictum castellum aggredi & capere posset, iter arripuit. Cum verò egressi vrbe, aliquantulum processissent, atque in eum locum, ex quo ipsi iam non in die, sed in nocte, ne ab aliquibus viderentur, ambulare disposuerant, peruenissent, eis paululum ibi remorantibus, optata nox superuenit. Qui vt filij tenebrarum,

Anno  
1049.

IOANN.  
cap. 11

magis tenebras quàm lucem diligentes, ac illud, quod Dominus in Euangelio dicit: *Qui ambulat in nocte, offendit*, minime attendentes, per agrum vnius fundi cœperunt ambulare, & ad inuasionem præfati castrî quantocyus properare. Igitur equis calcaribus cruentatis, recto se itinere ire putantes, per totam noctem prædictum agrum discurrentes, circumierunt. Sed operis Dei mirabili dispositione facto mane, ibi se eos, vbi se nox ceperat, inuenerunt: sicque eis, quæ cupierant, frustrati, confusi ac mirabiliter fatigati, ad domum suam vacui sunt reuersi.

---

<sup>A</sup> *Ea, quæ narrantur à Desiderio, sibi etiam relata affirmat Leo Ost. in Chron. lib. 2. c. 81. ab vno eorum, qui tanto equitatu interfuit. Refertur etiam à Petro Diac. in serm. m. s. de octaua S. Benedicti. Euenerunt hæc omnia anno Dom. 1049.*

---

Alio quoque tempore, dum <sup>A</sup> pisca-  
tores huius Monasterij retia in mare,  
qui



qui pisces ad refectiōem Fratrum caperent, misissent. Nortmannus quidam mente tumidus, ac inflatus superbia, furibundus spiritu, superuenit, & ut sunt ad rapinam auidi, ad inuadenda aliena bona inexplebiliter anxij, comprehensum vnum ex piscatoribus, vestimentum ei, quo erat indutus, abstrixit, sibi que mox induit: deinde nauiculam ingressus, piscatorem cogere cœpit, ut retia ex alto educeret, quatenus pisces, qui in eis inuenti essent, secum abstrahens deportaret. Cumque piscator renueret, & se pisces ad Monachorum, non ad Nortmannorum refectiōem capere velle se diceret, valde cæsus ab eodem Nortmanno, in mare proiectus est. Cum vero idem Nortmannus piscium prædæ auidus, retia ex alto per semetipsum trahere, & pisces legere cœpisset, subito inde ex nauicula cecidit, atque interclusus ab æquore spiritum exhalauit. Sed mirabile dictu: ante illum vnda mortuum proiecit in littore, quam piscator, qui ab eo pro-

iectus in aquas fuerat, viuis natando  
peruenire potuisset.

---

4 Circa ann. Domini 1038. lege Leon.  
Ost. in Chron. lib. 2. cap. 65. & Petrum  
Diac. in serm. m. s. de ost. S. Benedicti.

---

Alio etiam tempore, 4 latrones noctu  
huius nostri Monasterij cellariũ ingres-  
si, carnes, caseum, lardumque exinde  
furripientes suos sacculos impleuerant;  
sed foras egressi, sacculos, quos imple-  
uerant, leuare conati minime potue-  
runt: dein relictã sarcina tentantes fu-  
gere, per totam noctem hac illac per  
claustra Monasterij deambulantes, fo-  
ras egredi nullatenus valuerunt. Igitur  
facto mane cũ se intra Monasterij clau-  
stra conspicerent, timore exterriti, ac  
sui reatus conscij, quid facere nescie-  
bant. Tandem reperto inter se consi-  
lio, exeuntes per portam Monasterij,  
si quo modo possent euadere, quasi ni-  
hil mali perpetrasse viderentur, cæte-  
ris se, qui de Monasterio ad quodlibet  
opus

opus egrediebantur, miscuerunt, & lento pede, ne aliqua de eis suspicio oriretur, carpentes iter, haud longiusculè à Monasterio substiterant. Cum interea cellarius Fratribus solita stipendia præbiturus, cellarium ingrederetur: refertos ante aditum sacculos inuenit, & miratus, ignoransque quid esset, quæque condita requisivit. Cum autem reposita ablata conspiceret, turbatus damno, foras egressus, quidquid perdiderat, in ipsis sacculis reperiit. Qui vehementer attonitus, & iam quid esset intelligens, mox conuocatis ad se duobus vel tribus pueris, per viam vergentis deorsum montis, si forte latrunculos, qui id admiserant, inuenire possent, mittere curauit. Illi autem iussa complentes, cum Monasterio egressi, paululū processissent, reppererunt illos iuxta stantes in ipso itinere montis. Cumque iam pene pertransissent eos, ac nullam in eos, quia noti erant, suspicionem haberent, cito gressu iter quod coeperant, peregerunt. Illi vero diui-



nitus exterriti, ac velut amentes effecti, cœperunt post eos clamare & dicere; Scimus domini, quia vt nos comprehendatis venistis: sed miseremini nostri, nihil enim inde asportauimus, sed ablata omnia in ipso cellarij ingressu dereliquimus. At illi talia audientes, comprehenderunt eos, ligatisque post tergum manibus, ad Monasterium perduxerunt, atque ita vt erant connexi vinculis, Fratribus præsentauerunt. Præterea fuerunt nonnulli, qui minus circa præceptum Domini cauti, cædi eos, atque ita sic dimitti iudicauerunt: cæteri autem, quorum mens pia in Domino erat, & magis erga mandata diuina solícite studentes, iussa complere Dominica, solutos vinculis, cibo potuque refectos, liberos abire permittunt. O mira Domini Iesu Christi benignitas, mira pietas, mira quã docuit patientia: cum in lege scriptum sit: *Diliges amicum tuum, & odio habebis inimicũ tuum: necnon manum pro manu, dentem pro dente, oculum pro oculo, talionem pro talio-*

Mat. 5

talione reddi mandatum sit: ipse diligere inimicos, benefacere se odientibus, salutare non resalutantes, auferenti tunicam dimittere pallium, ac bona proximalis reddere, se sequentibus voluit imperare.

---

*A Meminit Leo Ost. in Chron. lib. 3: cap. 62. & Petr. Diac. in serm. m. s. de ost. S. Bened.*

---

*Theophilus:* Grata mihi fateor nimium esse, quæ narras.

*Desiderius:* Res est mirabilis, & vehementer stupenda, quam narro, sed ita  
*A* à pluribus cognita, ut de ea ab aliquo in nullo debeat dubitari. Quodam itaque tempore Sergius Magister militum, qui Neapolitanæ præerat urbi, venatum in ipso sancti Paschali sabbatho pergens, syluam suis cum pueris, ut aprum caperet, est ingressus: tensisque retibus ad insequendos eos sese cum canibus huc illucque vnanimiter omnes per syluam diffundunt: sed antequam

quam aper, à retis laqueo fugiens inuolueretur, occupatus à venatoribus, confossus, captusque est. Cum autem hora iam tardior esset, & sol ad occasum vergens, vmbra atram iam pene induceret terris: prædictus Magister militum, ne noctis tenebris occuparetur, sumpta, quam ceperat, venatione, omni cum clientela domum quantocyus repedare cœpit, vni tantummodo puero Pythagoræ nomine, vt retia colligeret, & se perniciousiter sequeretur, imperauit.

Igitur cum puer, qui relictus fuerat, collectis retibus recto calle suum dominum sequeretur, subito duo Monachi reuerendi admodum vultus ei se in itinere contulerunt. Cumque timore exterritus, quinam essent, inquireret? Illi: ne timeas, inquiunt, tantummodo sequere nos. Cum itaque aliquantulum simul per eandem syluam graderentur, venerunt ad quendam locum cœnosum valde atque horribilem aspectu; ibique <sup>B</sup> Pandulphum Capuanum Principem, cuius superius mentionem feci, qui non lon-



longo ante tempore defunctus fuerat, ferreis nexum, vinculis, atque in illius cœno, lacu ad gulam, vsque demersum, ei miserabiliter ostendunt. Interea duo nigerrimi spiritus retortas ex agrestibus vitibus facientes, per gulam eum ligauerunt, ac in ipsam lacus profunditatem merferunt, iterumque sursum extraxerunt. Cumque hæc sæpius facerent, prædictus puer Pythagoras tremula licet voce eum alloquitur, vt sibi, qua de causa talia pateretur, ediceret. Ille verò flens, & eiulans ad verba interrogantis pueri mox tale responsum protulit, dicens : Quamuis, ô puer, ex innumeris meis sceleribus mihi plurima & infinita pœna parata sit : tamen ob nullam causam hanc, quam cernis patior pœnam, nisi propter aureum calicem, quem de Monasterio S. Benedicti, sacrilega ductus cupiditate, abstraxi, ei que etiam moriens reddere neglexi. Sed obnixè deprecor, ac per Iesum, Christum Dominum Saluatorem omnium, cuius ego miser præcepta contemnens,

in

in hanc sum voraginem mortis demersus, te obtestor, vt Capuam ad vxorem meam vel ipse pergas, vel nuncium dirigas, qui ei, & tormenta quæ patior, & vt calicem Monasterio S. Benedicti reddat, insinuet. At ille: quid prodest, inquit, si ei nunciauero? non enim quod te vidissem, vel quod talia patiaris, mihi creditura est. Cui ille respondit: Hoc sibi signum ex mei parte denuncia, quod Pandulphus Gualæ filius calicem ipsum pro pignore habeat, & vt datis solidis, quos ei debuimus reddere, illum recipiat, atque S. Benedicti Monasterio omni postposita mora restituat, sibi celeriter rogo insinuare ne differas. Quibus dictis visio illa ab oculis eius ablata est. Puer verò statim, vt domum regressus est, infirmitate detentus intra paucos dies defunctus est: ea verò, quæ viderat, quæuè sibi dicta fuerant, omnibus ad se venientibus patefecit. Pandulphus etiam ipse, qui causa pignoris calicem apud se habebat, hoc ipso tempore, nescio qua de causa Neapolim per-

pergens, hæc omnia ex ore ipsius Pythagoræ se audisse retulit: per quem quoque idem Pythagoras vxori illius omnia, quæ de viro eius viderat, vel quæ ipse ei mandauerat, Capuæ nunciavit. Illa autem sibi potius, quam marito consulens, pretium, quod vir eius accommodauerat, reddere nolens, nec calicem recipere, nec Monasterio reddere curauit.

---

*A Recitatur à Leone Ost. in Chron. lib. 2 cap. 60. & à Baron. an. 1038. nu. 11.*

*B Visio Pythagoræ de damnatione Pandulphi ad inferos intelligenda videtur de quarto huius nominis Principe Capuano, qui obiit anno 1050. probat Camil. Pereg. hist. Princ. Langob. in serie Abb. Casin. in Richerio, qui etiam aduertere docet quamdam alteram visionem cuidam solitario factam damnationis animæ alterius Pandulphi, de quo Petrus Damianus epist. ad Dominic. cap. 13. Leo Ost. lib. 2. cap. 84. & Baron. an. 1038. num. 12. 13. competere Pandulpho cognomine Caputferreo*



*ferreo Principi Capuæ, qui vixit vsque ad ann. 981. & non Pandulpho quarto Principi Capuano, qui obiit anno, vt diximus 1050. vbi etiam non discrepare ab alijs historijs clare demonstrat.*

*C Sperabat forsitan Pandulphus ex restitutione minui pœnam, sed in inferno, vbi est summa miseria, nullum refrigerium est; adeò quod diues Epulo tamdiu desiderauerat guttam aquæ vt refrigeraret linguam suam, sperans refrigerium obtinere, & non valuit, Luc. cap. 16.*

---

*Theophilus : Mirandum valde est ac magna cū cautela pensandum, cur omnipotens Deus talia huic puero ostendere voluit, cum ille, qui sibi ostensus est, à poena liberatus non est, vel cum tot, tantisque sceleribus occultatis, pro solo aureo calice cruciari visus est.*

*Desiderius : Quod vir iste in poenis visus est, & tamen vxorem calicem reddere paruipendentem, à poenis liberatus non est, iusto, occulto tamen, omnipotentis Dei iudicio factum est, eiusque*

que pia, ac benigna providentia in notitiam hominū deducta est, vt videlicet quicumque hæc audierit, pertimescat, & à rapinis Ecclesiarum mentem, manusque compescat; ne & ante mortem sese pœnitere non liceat, & post mortem parentibus, propinquisque ea, pro quibus ipse à supplicijs liberetur, operari non libeat: sicque fiat, vt pro eis supplicia æterna possideat, qui Dei timore postposito, in vita positus, nullatenus perpetrare formidat: & iam veniam non mereatur in vita illa, qui bonis, sanctisque operibus neglexit promereri in ista. Quod verò cæteris facinoribus tacitis, de solo aureo calice, iudicari visus est, aperte datur intelligi, quàm fortiter, quàm atrociter, quàmque miserabiliter pro alijs pluribus, immensisque sceleribus torquebatur, quando parui calicis rapina tam dirè, tamque crudeliter cruciabatur. Nam superius retulimus, quod idem Pythagoræ puero dixerit, quod multa & immensa delictis alijs fuerant sibi præparata.

tor-

tormenta. Quod verò is, qui eum in supplicijs vidit, cōtinuò languore correptus, non post multum tempus est mortuus, non multum miremur, si illud, quod Danieli, viro desideriorum, & somniorū veridico interpretatori contigit, attendamus: nam post visionem spiritualium mysteriorum, continuo ægrotavit, & per dies plurimos, sicut ipse testatur, elanguit. Si autem talis tantusque vir spiritualia visa non tulit, sed cōtinuò languore apprehensus per dies plurimos infirmatus fuit, quid mirum, si puer iste curis secularibus deditus, carnalibus desiderijs pressus, visionem spiritualium rerum ferre non potuit, sed infirmitate detentus ad extrema deuenit? Sed in his omnibus diuina iudicia magis metuenda quam indaganda sunt. Quæ magna & inscrutabilia sunt, teste Psalmista, qui ait: *Iudicia tua abyssus multa*: testante quoque Paulo, qui dicit: *O altitudo diuitiarum sapientiæ & scientiæ Dei, quam incomprehensibilia sunt iudicia eius, & inuestigabiles*

Ps. 35.  
Rom.  
II.



VICTORIS PAPÆ TERTII. 49  
*biles viæ eius? Quis enim cognouit sensum  
Domini, aut quis consiliarius eius fuit? aut  
quis prior dedit illi, & retribuetur ei?  
Quoniam ex ipso & per ipsum, & in  
ipso sunt omnia; ipsi gloria & imperium  
in secula seculorum. Amen.*

---

INCIPIT  
LIBER SECVNDVS  
DIALOGORVM  
VICTORIS PAPÆ TERTII.

*In quo agitur de miraculis à S. Benedicto,  
alijsquẽ Monachis in Monasterio  
Casinensi, ope diuina factis.*



Præmissis utcumque primo,  
ut promiseramus, libello,  
nunc secundum Deo auxi-  
liante scribere aggrediar:  
in quo cætera, quæ super-  
sunt in hoc Monasterio, vel à Monachis  
huius sacri Coenobij vbicumque diuina

D

lar-

largiente clemētia his temporibus facta  
miracula, quæ nostræ occurrunt me-  
moriam, curabo concludere.

Cum adhuc essem laicus, & intra  
annos adolescentiæ ætatem ducerem,  
quæ à multis in Beneuentana ciuitate  
degens audiui, de <sup>A</sup> Ioanne tunc eius-  
dem Beneuentanæ Ecclesiæ Archidia-  
cono, postmodum vero huius S. Cœ-  
nobij Abbate silenter non transibo.  
Cum idem Ioannes de illustri prosapia  
originem duceret, & quod maius est,  
religiosè viuens omnipotenti Domino  
omnimodo placere studeret, ita à Cle-  
ro & populo diligebatur, vt omnes ei  
vnanimiter post mortem Archiepisco-  
pi eiusdem vrbis summum Sacerdotium  
peroptarent. Alter quidam in eadem  
Ecclesia, <sup>B</sup> Alix nomine Diaconus erat,  
qui ad adipiscendum Pontificium omni  
nisu aspirabat, nec quo ordine id asse-  
qui posset, quidquam pensi habebat.  
Sed dum idem Ioannes Archidiaconus  
supereffet, ad culmen tanti honoris se  
posse pertingere desperabat. Cumque  
hæc

hæc quotidie in animo volueret, vana illum cogitatio haud quiescere permittebat. Cum quadam die vterque secreto in loco confedissent, & nemo alius cum eis esset, sermo inter eos orsus est de huiusmodi miseræ vitæ fragilitate, de cœlestis ac perpetuæ vitæ iucunditate, de pœna peccatorum, ac de gloria sempiterna iustorum. Itaque statuerunt inter se huius gloriam mundi relinquere, ac sanctæ conuersationis habitum suscipere; & vt magis fidi esse possent, iuramento, quod statuerant, firmauerunt. Dein diem decernunt, quo apud castrum Casinum limina B. Benedicti peterent, ac sub eius magisterij Regula Iesu Christo Domino deseruirent. Igitur postquam ad statutum diem ventum est, quo ab eis aggrediendum erat iter, Alix, qui aliud animo, aliud gestabat in ore, Ioanni Archidiacono dixit: Charissime frater, quoniam de rebus meis aliquid adhuc superest, quod secundum Deum ordinare cupio, tu obsecro, præcede, & mox vt sanctæ con-



uersationis habitum suscepis, mihi  
 nuncium mitte: ego autem his expletis  
 quanto citius te subsequi curabo. Ar-  
 chidiaconus vero ad Monasterium,  
 B. P. Benedicti veniens, mox ut habi-  
 tum sacrum suscepit, nuncium ut de-  
 creuerant, socio direxit, qui eum sub  
 sanctæ institutionis Regula iam colla-  
 submisisse, & ut ipse celeriter veniret,  
 ut pollicitus fuerat, nuntiaret. At ille  
 mox ut talia audiuit, alacer effectus,  
 quod illum, qui sibi in Ecclesia præemi-  
 nebat, recessisse cernebat, omnino se  
 ad eum accedere, atque tam arctam  
 ingredi viam posse negavit. Deinde ad  
 acquirendum culmen Pontificatus ho-  
 noris totis viribus nitebatur. Sed om-  
 nipotens ac iustus Deus, aliter quam  
 ipse sperabat, disposuit. Nam cum Im-  
 perator Otho egressus Germania Ita-  
 liam intrasset, postquam Romanas res,  
 ut sibi videbatur, disposuit, Beneuen-  
 tum adiit, cui Alix ita familiaris effectus  
 est, ut idem Augustus eum eligi in Pon-  
 tificem, Ecclesia renuente, præciperet.

ret. Postmodum verò Imperator Romanam rediens, Romanum Pontificem, cum consecrare rogavit, & consecratum Beneventum remisit; Imperator deinde febre correptus, post aliquos dies diuina dispositione defunctus est. Ille verò Beneventum rediens, ne mœnibus quidem ciuitatis appropinquare ausus fuit, sed cum dedecore illo repulso, alium sibi ciues Pontificem elegerunt. Fecit quidem hæc omnipotens Deus ad vindictam malefactorum, laudem verò bonorum, vt qui cupiditate honoris ductus fraudulenter fratrem suum studuit ab Ecclesia pellere, ipse pulsus patria, exul in alieno solo vitam finiret.

Præter hæc ea, quæ sequuntur, Leone venerabilis vitæ, qui ante paucos annos defunctus est, & alijs veteranis Monachis narrantibus audiui. Cum igitur idem Ioannes aliquantos in Monasterio sanctæ institutionis Regulæ expleffet annos, petita ab Abbate suo licentia, Hierosolymam perrexit, atque

in Sinai monte per sex continuos in  
 Dei seruitio degit annos. Postmodum  
 verò in Græcia in monte, qui <sup>c</sup> Hagio-  
 noros dicitur, aliquanto tempore man-  
 sit. Sed ea, quæ illo in loco eum vidisse  
 contigit, haudquaquam mihi videntur  
 reticenda.

---

*A* Ioannes Abbas Tertius huius nomi-  
 nis & tricesimus à B. Benedicto ex illustri  
 Beneuentanorum ciuium prosapia genus  
 duxit. Suscepit Abbatiam an. Dom. 997.  
 & peruenit vsque ad ann. 1010.

*B* Alix Archiepiscopus IV. Beneuentanus  
 Siluestro Papa II. anno D. M. ad instan-  
 tiam Othonis III. Imp. ab eodem Pontif.  
 ad Archiepiscopatum euectus, à populo  
 tamen minime receptus, ut habetur in  
 Chron. Arch. Beneuent. Indigna res Reli-  
 gioso; sed nostri seculi mores huc deuenere,  
 ut quod abhorrent & execrantur pagani,  
 hoc quasi pro lege à nostris politicis ha-  
 beatur, dum docent viro bono & sapien-  
 ti ac præsertim Principi mentiri fas esse,  
 & licere alijs struere insidias, aliudque  
 cl24-



*clausum in pectore, aliud verò in lingua promptum habere regnandi cupidine, irridendo Sex. Pompeium, cui cum facillimum esset aduersarios suos violata fide obtruncare, atque ita toto terrarum orbe potiri, pluris fidem, quàm imperium sece- rit. Et sunt tam impudentes, ut docere audeant Religionem virtutemque imperio famulari debere, licereque Principi pro re nata fidem vel iureiurando firmatam aequè atque cothurnum exuere. En quibus in rebus gloriantur. Utinam spe sua fru- strarentur, qui dolos concinnare, aliosque capere student, eosque eluderent aues, quas captant & euolarent, sicuti euenit Alix Archiepiscopo, qui non assecutus fuit vena- tionem. O quam longe à primis seculis, ubi Christiani malle mori volebant, ut scribit Iust. Mar. apol. 2. quàm vel semel mentiri.*

*C De peregrinatione Ioannis ad mon- tem Hagionoros siue montem sanctum, qui olim Athos dicebatur in Macedonia Græ- ciæ Prouincia meminit etiam Petrus Diac. lib. m. f. de ortu Iustorum Casin. cap. 35. & Ost. in Chron. lib. 2. cap. 22.*

Quidam namque Eremita in eodem monte manens, à paucis vel frequentabatur, vel noscebatur. Dum quadam die frater, qui ei ministrabat, & certis diebus victum deferebat, supramemoratum Ioannem venerabilem virum ad eundem Dei seruum duxisset, sicut ipse postmodum discipulis suis cum lachrymis solitus erat referre, benignè vt decebat, ab eo susceptus est: & cum sermo inter eos de coelestis vitæ gaudijs diutius agigaretur, seruus Dei ijs, qui aduenerant, dixit: Venite Fratres quia iam hora est, alimenta sumamus corporis, ne reuertentes in via deficiatis: nec enim ieiuni à nobis recedere debetis, propter quem tanti subijstis iter laboris. Et hæc dicens, mensam præparat, prandium apponit. Cum denique, oratione facta, ad mensam confedisent, mirabile dictu, immanis <sup>A</sup> vrsus è vicina silua veniens, sese ante ora prandentium fauam melliflui mellis ferens exhibuit. Cumque illi valde perterriti, fugam inire tentarent, venerabilis Eremita ille

eos

eos compescuit, & ne terrentur admonuit, dicens, multos esse iam annos, quo sibi omnipotens Deus per bestiam illam sæpissimè hoc melliflui nectaris donum, sua pietate transmiserit. Peraçto itaque prandio surgentes è mensa, animo magis satiati quàm corpore, percepta benedictione, ad Monasteriũ sunt reuersi. Post non multos verò dies Beatissimus P. Benedictus eidem Ioanni per visionem apparuit, & dans ei pastorem virgam, quã manu gestabat, vt Casinum ad suum Monasterium quantocyus reuerteretur, admonuit.

Facto itaque mane Abbati ipsius Monasterij, religioso scilicet viro, visionem, quam viderat, per ordinem pandit. At ille, vt erat vir prouidus atque discretus, voluntatem Dei in hac visione cognoscens, intulit dicens: Frater Ioannes celeriter ad tuum Monasterium, reuerti festina, ne tanto Patri, qui tibi per visionem apparuit, esse inobediens videaris: decreuit enim, vt mihi videatur, omnipotens Deus te suo gregi præpone-



ponere, & vt suas fideliter pascas oues, sua miseratione elegisse. Ille igitur visio- ni & admonitioni obtemperans, trans- marina relinquens arua, Christo duce, reuersus est, atque à religiosissimo vi- ro Ioanne, qui tunc Fratribus præerat, Præpositus factus, non multo post tem- pore ( quia idem Abbas corpore iam debilis erat, atque pondus tanti oneris ferre nequibat ) consilio & electione cunctorum Fratrum, ab eodem vene- rabili Patre Abbas est ordinatus. Ille verò, Abbatia relicta, in vicinam sil- uam secessit, atque ibi vsque ad vitæ suæ terminum solitarius degens in omni- potentis Dei seruitio vitam finiuit.

---

*A Non pauci reperiuntur Sancti, qui bruta quædam animantia habuerunt fa- miliaria, quibus aut cibum tribuebant, aut ab ijs accipiebant. Recordare vitæ insignis Eliæ & coruorum ministerij, qui manè quidem panem, vespere autem ei carnem perpetuò afferebant: similiter & eorum, quæ in vita Pauli primi Eremitæ referun- tur,*

*tur, licet soleant talia ista Sanctorum miracula Nouatores hæretici exhibilare. Et hoc est, ut S. Aug. ait lib. 21. de Ciuit. Dei cap. 3. eorum tota ratio, ut quod experti non sunt, nequaquam esse posse arbitrentur. Et ignorare videntur Sanctis viris à Deo non rarè restitutum dominium in bestias ante peccatum primo parenti concessum. Vide ven. Bedam in Hexameron, Philonem Iudæum lib. de præmio & pœnis. Magnus Antonius etiam bestiis imperauit, ne paruulam messem suam læderent, ut auctor est Athanasius in vita cap. 25. Pachomium verò, ut in vita eius cap. 19. legitur, Crocodilorum ministerio fluuium transeuntem, qui eum cum summa subiectione portabant exponentes ad locum quocumque præcepisset. Simeon quoque priscus, ut refert Theodoretus in Philotheo cap. 6. duobus leonibus iussit, ut hospites ducerent, & à via à qua aberrarent, reducerent. Plura occurrunt passim in Sanctorum historijs.*

---

Interca nec ea, quæ de <sup>A</sup> B. Felice audiui

diui, Monacho videlicet huius Monasterij, silentio sunt prætermittenda.

Quodam tempore nescio qua de causa ad Teatinam urbem esse me contigit, & cum ab <sup>B</sup> Episcopo & Clericis illius Ecclesiæ benignè & amicabiliter susceptus essem, atque orationis gratia ad orationem me duxissent, facta oratione, ad dexteram Ecclesiæ me contuli, ibique ædiculam & altare conspexi. Cumque Episcopum & Clericos interrogassem, in cuius honorem altare illud conditum esset? responsum mihi est, quod in honorem B. Felicis Confessoris Christi altare illud esse dedicatū. Cum autem quis fuerit ille Felix, inquirerem, dicebant mihi, quod Monachus Casinensis Congregationis fuerit: atque ab Abbate suo illis in partibus missus, ut pastoribus egregiè præesset, ibi vitam finiuit. Et cum ad corpus eius omnipotens Deus multa mirabilia operaretur, à maioribus suis de loco, in quo prius iacuerat, leuatus, atque in hac Ecclesiā, sub hoc, ut cernis, altari condi-

tus



VICTORIS PAPÆ TERTII. 61  
tus fuerit. Igitur quoddam memorabile  
illo in loco nuper ab eo patratū, omni-  
potente Domino largiente, narrabatur.

Cum quidā cæcus ad cuncta obstan-  
tia pedes offendens, misericordem Do-  
minū rogaturus, ante eius altare venisset,  
& prostratus toto in terra corpore, ge-  
mitu ac suspirijs, vt meritis B. Felicis sui  
misereretur, orasset; mox depulsis cæ-  
citatis tenebris, ita sanus & incolumis  
surrexit, vt mirantibus cunctis, ipse suis  
oculis lucem coeperit cernere, quam  
semper ab alijs desiderauerat audire.

---

*A Agit etiam de B. Felice Petrus Diac.  
lib. de or. Iustor. cap. 37. Pertinent enim  
quæ narrat Desiderius, ad ann. 1052. vt  
videre est apud Camil. Pereg. in serie Abb.  
Casin. in Desiderio.*

*B Episcopus Teatinus, de quo hic inijci-  
tur mentio, Arnulphus fuisse creditur, quem  
circa ann. 1049. sedisse & successorem ha-  
buisse Actonem ex Comitibus Marforum  
opinatur eruditissimus Abbas D. Ferdinan.  
Vghellus tom. 6. suæ Italiæ sacræ m. s. mox  
eden-*

*edendo. De antiquis rebus Teatina ciuitatis nuperrimè egit Lucius Camarra vir eiusdem ciuitatis patricius humanis ac diuinis disciplinis insigniter expolitus stylo satis eleganti, & erudito.*

---

*Theophilus:* Velim scire, si vir iste venerabilis, qui ita claruit, post mortem in hac vita positus aliquod signum de vitæ suæ merito dederit?

*Desiderius:* Non quidè hunc venerabilem virum, dum in hoc seculo vixit, aliquod indicium suarum virtutum dedisse comperi: veruntamen omnipotens Deus plerumque agere consuevit, vt illi, qui deuota mente illi seruire student, licet in carne positi, nullum signũ suæ sanctitatis ostendant, post mortem tamen cuius meriti fuerint, celari minime patiatur; vt dum extincta illorum corpora ita miraculis coruscant, cernuntur, in ipsius seruitio humanæ mentes acrius accendantur.

*Theo.* Fateor mihi placere quæ dicis, sed quæso te, inchoata prosequere; vt  
dum

dum quæ valde cupio, audio, ad amorē  
supernæ patriæ fessus animus releuetur.

*Desiderius:* Gregorius quidam, sum-  
mæ religionis Monachus, in hoc Coe-  
nobio dictus est, qui, sicut à plerisque  
huius loci Fratribus audisse me remi-  
niscor, dum in præsentī vita moratus  
est, sub monasticæ disciplinæ Regula  
omnipotenti Domino studuit strenuis-  
simè deservire. Cumque expleto vitæ  
termino ex hoc mundo migrasset, tan-  
ta odoris fragrantia de loco, in quo  
exanimis iacebat, emanavit, ut omne  
subito Monasterium illius odoris suavi-  
tas, quasi vnius angulum domatis miri-  
fice resperferit. Et dum omnes odo-  
ris illius ineffabili quadam suauitate re-  
creati mirarentur, ac quid esset omni-  
no nescirent, nuncius repente ab infir-  
morū domo properans venit, qui Gre-  
gorium Monachum obiisse retulit. Vo-  
luit itaque omnipotens Deus ostende-  
re, quanti meriti iste vir fuerit, cuius  
egrediente anima tam mirifico odore  
Coenobium omne repleuerit.

*Refer-*



*A Refertur etiã à Leone Ost. lib. 3. cap. 50.  
 & à Petro Diac. lib. de ortu Iust. cap. 44.*

---

Alter quidam, vt Fratres, qui adhuc  
 supersunt, referunt, *A* Angelus, in hoc  
 Monasterio Monachus, dictus est, cuius  
 profecto vita nomini dissimilis non fuit.  
 Qui dum infirmitate tactus corporis,  
 vltimũ diem clausisset, dæmoniacus qui-  
 dam fortè in coquinam intrauerat: &  
 ecce subito cœpit strepere, ac se, furi-  
 bundus à terra dissiliens, in aera ele-  
 uare, magnisque vocibus clamans, cum  
 se à Benedicto perpeti conquerebatur,  
 dicens: O quid nunc mihi modò Bene-  
 dictus fecit, animam Angeli Monachi,  
 ob paruum cucullum quod gestauit in  
 capite, mihi auferens secum detulit.  
 Cumque omnes qui aderant ad verba  
 illius stupefacti intenderent, & quid  
 diceret ignorarent, repente signum, quo  
 Fratrum obitus significari solet, inso-  
 nuit: statimque Fratres omnes festinan-  
 ter ad domum infirmorum pergunt, &  
 Angelum Monachum iam defunctum.

re-

reperiunt. Qua de re apertè monstra-  
tum est, quod animam illius, in aliquo  
nocere non potuit, de cuius morte co-  
ram Fratribus tàm tristem, tàm lugu-  
brem se antiquus hostis ostendit.

---

*A De Angelo Monacho habetur mentio  
in Petr. Diac. lib. m. f. de ortu Iust. cap. 39.  
& in serm. m. f. de oct. S. Benedicti, ac in  
Leone Oct. lib. 3. cap. 42.*

---

*Theophilus:* Quæso vt dicas, cur dia-  
bolus tantum inimicetur humano gene-  
ri, vt ab ortu natiuitatis vsque ad exi-  
tum vitæ omnibus modis elaboret, à  
mandatis Creatoris sui hominem auer-  
tere, atque ad æternam patriam tenden-  
ti quascunque poterit insidias tendere.

*Desiderius:* Aperta ratio patet, quod  
antiquus hostis, qui se Creatori suo æ-  
quiparare contendit, passus magnam  
ruinam, in voraginem profundi barathri  
demersus sit: & idcirco humano generi  
omnibus modis contrarius existat, quia  
illuc eum ascendere cernit, vnde ipse

E

per

per superbiam deiectus irrecuperabiliter cecidit; inde est quod strepere, insanire, frendere in electorū Dei transitu terribiliter videtur.

Azzo <sup>4</sup> etiam quidam religiosæ sat̃is vitæ Monachus fuit, qui Ecclesiam B. Michaelis Archangeli in valle, quæ dicitur Regis, à Ludouico Christianissimo Imperatore mirifico opere constructam, postmodum verò à Saracenis destructam omni cum studio restaurauit, ibique Fratres ad omnipotentis Dei seruitium, prout potuit, congregauit. Cumque ibidem in seruitio Dei compleffet annos, vltimam iam penè agens ætatem, ad Monasteriū nostrum, ex quo ab Abbate suo missus fuerat, est reuersus. Qui senio morboque cōfectus in domo infirmorum, in lectulo iacens, extremum vitæ spiritum iam moriturus trahebat, multique è Fratribus excubantes circa lectum ipsius hymnis, & psalmis vacantes, eius exitum expectabant. Quidam vero <sup>B</sup> Frater, qui adhuc superest, & nobiscum in Monasterio conuersatur,

tunc



tunc iuuenis, nunc autem ætate moribusque grandæuus, in dormitorio cum cæteris Fratribus quiescebat: cum ecce subito nocte intempesta respiciens, vidit per visionem B. Michaellem Archangelum, cuius vultum pictura eum docente cognouerat, per dormitorium venientem: cuius alter Angelus vestigia subsequens paulo longius gradiebatur: quem intuens dixit: Domine, nonne tu es B. Michael Archangelus? Et ille: Ego sum vtique. At ille: Quo tendis, inquit, Domine? Ad domum, inquit, infirmorum, vt Fratrem Azzonem mecum assumam, quia iam tempus est, pergo. Et his dictis, visio quam videbat disparuit. Qui statim euigilans, surrexit, & festinanter ad domum infirmorū perrexit, Fratremque Azzonem è corpore animā iam exhalasse inuenit. Qua de re apertè datur intelligi, quod idem B. Michael eum secum detulerit, qui ad assumendum eum se venisse testatus est.

---

*A Floruit Azzo ad ann. Domini 1022.*

E 2 Vide

*Vide Leonem Ost. lib. 2. cap. 34. & Petr. Diac. lib. m. f. de ortu iust. Casin. cap. 40.*

*B Cui nomen erat Petrus, refert Ost. lib. 2. cap. 34.*

---

Frater quidam in nostro Monasterio <sup>A</sup> Stephanus Veneticus dicebatur, qui ex Venetiæ partibus adueniens, in sanctæ conuersationis habitu studiosissimè vixit: cuius humilitatis, patientiæ, ac obedientiæ bonū omnibus, qui tunc in omnipotentis Dei seruitio ibidem congregati erant, liquidissimè patuit, Cumque iam tempus esset, vt eius digna conuersatio à iustissimo Domino remunerari debuisset, molestia grauatus corporis, Fratribus coram positus, diem clausit extremum. Tunc quædam religiosissima anus Agundia nomine, virgo mente & corpore, quæ in Sanctimoniali habitu iuxta Ecclesiam B. Mariæ semper Virginis sitam in ciuitate, quæ circa radicem Casini montis est condita, manebat more solito, antequam Clerici eiusdem ciuitatis, ad reddendas

dendas nocturnas Deo laudes, surrexissent, ante prædictam Ecclesiam Dei genitricis stans, gemitu, lachrymis ac suspirijs omnipotentem Dominum precabatur: cum ecce subito intempesta noctis hora respiciens, vidit columnam igneam è cella, in qua infirmi Fratres quiescere erant soliti, exeuntem, cœlumque tendentem. Quæ mox nuntium Monasterium subire præcepit, qui studiosè inquireret, si aliquis ex infirmis fratribus in cella illa degentibus ex hoc mundo migrasset. Tum is, qui fuerat missus nuncius, perniciter montē ascendit, Monasterium intrauit, domum infirmorum adiit, atque Stephanum religiosum Monachū defunctū reperiit; & studiosius inquirens, inuenit eū ea hora emisisse animā, qua columna ignea ab ancilla Dei visa est, celsa penetrare polorum.

---

*A. Recitatur etiam hoc miraculum à Petro Diac. lib. m. f. de ort. Iust. Cas. cap. 42. & à Leone Ost. in Chron. lib. 3. cap. 42. Vixit Stephanus Veneticus sub ann. 1080.*



Alter quidā in iam dicto nostro Monasterio <sup>A</sup> Ioannes Veneticus dictus est, miræ patientiæ, obedientiæ ac humilitatis Monachus, qui quanti meriti apud Iesum Christum Dominum fuerit, suum post obitū manifestissimè claruit. Cum quidam Frater, cuius <sup>B</sup> nomen à memoria excidit, casu in inguine crepuisset, ita vt interiora eius membrano disrupto, inter carnem & corium dilaberentur, sepulchrum ipsius adiit, ac se super illud prosternens, lachrymis gemitibusque, vt pro se Dominum precaretur, ex intimo cordis postulabat affectu: pròculdubio credens eius meritis se posse sanitatem recipere, qui in hac vita positus omnipotenti Domino totis viribus studuit deseruire. Cum igitur aliquantulum super sepulchrum eius orans incubuisset, ita restitutus est sanitati, vt languoris pristini nec vllum in eo quidem indicium remansisse videretur.

---

<sup>A</sup> *Meminit Ioannis Venetici Petr. Diac. lib. de or. iust. c. 41. & Leo Ost. lib. 3. c. 42.*

Smaragdus Monachus, qui adhuc superest, & in nostro Monasterio commoratur, retulit mihi quod narro. Quod à Leone venerabili Presbytero, auunculo scilicet suo se audisse referebat de Antonio Monacho atque Presbytero. Qui secularibus ac diuinis literis haud mediocriter eruditus, ab adolescentia vsque ad vitæ exitum in sæpe dicto Monasterio degens, omnibus penè in hac Prouincia notus extitit. Qui dum quodam tempore, casu accidente, sicut prædictus Presbyter ex ore illius accepit, loco in secretiori crepuisset, & languore crescente quotidie vehementer fatigaretur, medicum, à quo secari vel exuri deberet, si quo modo posset sanitatem recipere, conducere meditabatur. Timebat tamen si secaretur à medico, vt multoties euenire solet, ne fortè moreretur: & rursus si non secaretur, sedulum sustineret dolorem, quod est ipsa morte dete-

rius, periculosius sibi videbatur. Igitur cum intra se hæc diutius agitare, vnum sibi fore remedium credidit, vt ad sepulchrum B. Benedicti pergens, ipsius misericordiam imploraret, sperans se eius patrocínio posse saluari, sub cuius magisterio se recedens à seculo deuotissimè contulerat. Statim igitur Ecclesiam intrauit ac se coram altari humiliter prosternens, diutius orauit, vt omnipotens Deus meritis tanti Patris, salutem sibi conferre dignaretur. Expleta verò oratione, è pauimento, in quo prostratus iacuerat, surrexit: atque ex crepidine altaris puluerè collegit, & ligans in pāno, loco, in quo patiebatur, superimposuit: atque die altero ita sanus reperi-  
tus est, vt nec signum quidem præteritæ infirmitatis in eo omnimodo remaneret.

De <sup>4</sup> Paulo sanctæ conuersationis Monacho, quod à Fratribus, qui adhuc in hac præsentī vita viuunt, & eū optimè norunt, audisse me memini, referre curabo. Cum idem Paulus salutis suæ causa nostrum ad Cœnobiū deuenisset,  
à Theo-



à Theobaldo Abbate, religioso videli- Ann.  
1022.  
 cet viro, qui tunc Fratribus honestissi-  
 mè præerat, deuotè susceptus est. Quem  
 venerabilis Pater in Monasterio B. Pa-  
 tris Benedicti, quod intra Capuanam  
 urbem constructum est, habitare præ-  
 cepit: qui postquam ad eundem locum  
 peruenit, ita se sub sanctæ institutionis  
 Regula constrinxit, vt ob hoc omnibus  
 mirabilis haberetur. Sed omnipotens,  
 misericors ac pius Deus, quantum sibi  
 eius digna conuersatio in hac vita pla-  
 cuerit, illius post obitum ostendere est  
 dignatus. Cum namque in eodem Mo-  
 nasterio religiosam, honestā, ac dignam  
 Deo cōuersationem exercens, aliquan-  
 tos expleffet annos, infirmitate pulsa-  
 tus corporis & carnis ergastulo iubente  
 Domino exiliuit. Igitur quidam vene-  
 rabilis vitæ Episcopus ex Galliæ par-  
 tibus veniens, orationis gratia ad Ec-  
 clesiam B. Michaelis Archangeli in Gar-  
 gano monte cōditam properabat. Cum  
 autem ad Capuanam urbem deuenisset,  
 iuxta Ecclesiam B. Protomartyris Ste-  
 phani

phani diuersus, hospitatus est. Denique cū nocte intempesta è lectulo surrexisset, ante Ecclesiam prædicti Martyris stans, vicinas sibi omnipotentis Dei aures precibus, lachrymisque reddebat: cum ecce subito, ad dexteram orientis partem oculos porrexisset, vidit instar solis radijs lucem splendidā è Monasterio per aera mirabiliter aduolare. Cumque diu lucem, quam videbat, attonitus miraretur, signum in Monasterio insonuit, quo Fratris exitus significabatur. Intellexit protinus è Fratrum numero aliquem magni meriti ex hoc mundo migrasse, simulque cum ipsa luce coeli sublimia penetrasse. Mox itaque conuocatis Clericis, quæ viderat enarrauit; statimque ad Monasterium nuncium misit, vt quis ibi defunctus esset, agnosceret. Cumque is, qui missus fuerat, Monasterium intrasset, inuenit Paulum venerabilem Monachum è corpore animam emisisse.

---

*Eadem de Paulo Monacho referuntur.*

*tur ab Ost. lib. 2. cap. 55. & à Petr. Diac. lib. m. f. de or. iust. c. 43. Floruit ad ann. 1035. Vide Sancti. Capuanū Mich. Monachi de SS. Ioanne Primicerio & Paulo Præposito. B Nominatur in Chron. Casinen. lib. 2. cap. 55. & in Petr. Diac. cap. 43. Ecclesia Sancti Laurentij, non Stephani.*

---

Ioannes <sup>A</sup> admodum religiosus Monachus, & Sacerdos, cuius superius mentionem feci, qui relicto regimine, Monasterij ad Eremitæ secreta se contulit, in hac vicina silua vsque ad extremum vitæ suæ terminum solitarius mansit: ibique ieiunijs, vigilijs, ac orationibus operam dans, studuit omnipotenti Domino sollicita mente seruire. Hic verò cum temporibus Theobaldi Ab-  
 batis ex hac luce migrasset, Monachus quidam Ioannes nomine, in Monasterio B. Laurentij Martyris, quod apud Capuam situm est, studiosissimè in Dei seruitio conuersabatur: qui dum quadam nocte antequam Fratres ad vigilias surgerent, de lectulo more solito, omni-  
 ten-

*Ann.*  
1022.



tentem Dominum precaturus , surrexisset , dum attenta mente stans misericordem Dominum precaretur , subito respiciens clarissimam lucem in aëre , & intra ipsam venerabilis viri Ioannis animam cœlum penetrare conspexit.

Igitur facto manè certius scire volens quod viderat , venit ad Andream , qui cellæ huius Monasterij , quæ intra eandem Capuanam urbem sita est , tunc Præpositus erat , hocque , quod viderat , per ordinem retulit : & vt ad hoc Monasterium nuncium dirigeret , qui diligentissimè rem , quam viderat , inuestigaret , obnixè poposcit . Qui eius voto parere studens , nuncium mox direxit , qui diligenter hæc , quæ dicta sunt , cognosceret : citiusque reuersus indicare curaret . Tum is , qui missus fuerat nuncius , dum festinanter pergeret , & in ipso itinere alter à Monasterio veniens occurrit , qui Fratribus in prædicta cella Capuæ cōmorantibus , præfati serui Dei obitum nunciauit : à quo subtiliter inquirens , inuenit prædictum  
Dei

Dei seruum ea hora ex hac luce subtrah-  
 ctum, qua eum Ioannes religiosus Mo-  
 nachus, Capuæ positus, cœlum mira-  
 bilitè penetrasse cognouit. Tunc vter-  
 que ad eos, à quibus missi fuerant, re-  
 uersi, alter serui Dei obitum; alter ve-  
 ro visionem, quæ de eo visa est, retu-  
 lerunt.

---

*A De hoc miraculo agit etiam Petr. Dia-  
 con. lib. m. f. de ort. iust. cap. 36.*

---

Multorum <sup>A</sup> Fratrum testimonio di-  
 dici hæc, quæ nostro curauì annotari li-  
 bello. Et licet Petrus venerabilis Ostien-  
 sis Episcopus in sermone, quem in vi-  
 gilijs B. P. Benedicti legendum luculen-  
 tissimè composuit, id eleganter decen-  
 terque inseruerit, tamen inter cætera,  
 miracula, quæ omnipotens Deus ad  
 laudem sui nominis nostra etiam memo-  
 ria, vel seniorum nostrorum, quos ipsi  
 vidimus, quibusque referentibus, agno-  
 uimus, hoc in nostro Monasterio osten-  
 dere est dignatus, inserere curavi, vt in  
 cu-

cuius forte manus sermo ille non venerit, & hoc in nostro libello cognouerit, Deum laudet in mirabilibus suis, qui omni tempore, nouo videlicet cibo alit teneras mentes suorum. Igitur quodam tempore ab initio Maij mensis vsque ad extrema mensis Iulij, tanta siccitas aëris extitit, vt ne paucissimis quidem guttis arens terra, & crebris discissa rimis, aliquo modo madefieri videretur. Tunc quadam die quidam rusticus, vt stipulam triticeæ messis suo in agello succenderet, quo liberius terram excolere posset, allatum ignem incaute supposuit; cumque ignis paulatim stipulam lambendo flammam in altum porri-geret, flante aura in proximam siluam, quæ subiacet Monasterio, rustico renitente dissiluit. Igitur infinitam sibi silua ministrante materiam, ignis huc illuc per latera montis discurrens, omne Monasterium incendio se concrematurum, populis vndique spectantibus, mirabatur. Cum itaque Fratres flammis crepitantibus timore exterriti atque

turba-



turbati animo expergefacti, à lectulis  
surrexissent (nam in meridiano tempore  
illis quiescentibus, res ista contigerat)  
videntes tàm immane, tàm subitaneum  
periculum, & ei qualiter resistere pos-  
sent, nullo modo excogitare valentes,  
ad diuina se statim contulere præsidia.  
Totis itaque viribus, & ex intimo cor-  
dis affectu omnipotentem Dominũ ro-  
gare coeperunt, vt meritis B.P. Benedi-  
cti, quo ordine vellet sua virtute Mona-  
sterium ab incendio eriperet, quod hu-  
mana manu defendi posse penitus despe-  
rabant. Cumque alij erectis in coelũ ma-  
nibus, atque alij prostratis in terra cor-  
poribus, alij flexis genibus, alij in terram  
demissis capitibus omnipotentem Do-  
minum precarentur, subito parua nu-  
becula se in huius latere montis colli-  
gens, supra cacumen ipsius diuina im-  
perante potentia, dilatauit: quæ mox  
tantum imbrem ex se effundens expres-  
sit, vt & incendium omne extingueret,  
& omnino Monasterium liberaret.  
Studeamus igitur Fratres, religiosè ac  
piè

piè viuere & tantum Patronum, Deo seruiendo, propitium acquirere: quia cuius meritis nubes huius cacumen montis obtexit, atque ex se copiosum imbrem exprimens, incendiū extinxit, eius nihilominus precibus. si eum sedulè ac deuotè, præueniente bono opere, rogauerimus, ab æstuantium vitiorum flamma, diuina concedente misericordia, liberabimur.

---

*A Habetur mentio etiam in Petro Damian. serm. habito in vigilia Sancti Benedicti, & in Leone Ost. in Chron. lib. 2. cap. 65.*

---

Quodam <sup>A</sup> tempore sicut ab ijs, qui optimè nouerant, agnoui; dum Fratres huius Monasterij Ecclesiā B. Scholasticæ virginis intra Caietanam urbem quatenus dum ad aliquas res emendas ibidem pergerent, receptaculum habere possent construerent; quidam ex operarijs in summitate rupis, quæ in capite ciuitatis mari præeminet, saxa quibus  
Eccle.

Ecclesiæ parietes construerentur, frangebatur. Qui cum attentius eadem saxa malleo quateret, idem malleus de manubrio recidit, ac per ingens præcipitium, quod ibidem patebat, delapsus in mare cecidit: qui valde contristatus quod euenerat damno, ad Fratres ubi parietes Ecclesiæ ædificabant, protinus venit, & ea, quæ sibi acciderant, mœrens retulit. Cumque spes recuperationis esset ablata, & alterum sibi malleum, quo saxa ad Ecclesiæ ædificium frangerentur, fieri decernerant, vnus è Fratribus dixit: descendamus illuc Fratres, forsitan B. Benedictus suis meritis nobis malleū restituet, qui quondam Gotho ferramentum ex profundo lacus mirabiliter abstrahens reddidit, atque ad opus, quod cœperat, lætum remisit. Placuit sermo coram cæteris, & descendentes ad mare nauiculam sunt ingressi: regirantesque sinum ciuitatis, venerunt ad locum, in quo sub prædicto præcipitio ex operarij manibus dissiliens malleus ille ceciderat: in quo videlicet



82 LIBER SECVNDVS DIALOG.

tanta erat aquarum profunditas, vt spes recuperandi illum per aliquod humanum ingenium nulla omnino persisteret. Igitur cōfisi de omnipotentis Dei adiutorio & meritis B. P. Benedicti, manubrium in æquora mittunt. Mirum in modum, mox ferrum manubrio adhæsit, & extrahentes eum foras, gratias agentes Deo & B. Benedicto gaudentes ad opera sua sunt reuersi.

---

*A Recitatur etiam hoc miraculum à Petr. Diacono in serm. m. f. de oct. Sancti Benedicti.*

---

*Theophilus:* Hoc miraculum & in veteri testamento ab Heliseo, & in nouo à Sanctissimo P. Benedicto factum, reminiscor. Sed dum merita istorum, illorumque longe distantia esse perpendo, maiorem fateor admirationem de hoc nuper patrato miraculo in animo meo concipio.

*Desiderius:* Hoc factum, charissime Frater, non tantum istis imputare debemus,

bemus, quantum illi, de cuius meritis confisi, id agere tentauerunt. Veruntamen vis narrem aliquid de obsessis à dæmone, diuina largiente clementia, suffragantibus B. Benedicti meritis in hoc eius Mōnasterio curatis: vt audientium animus magis ac magis in Dei laudibus conualescat, atque in amorem summæ diuinitatis multipliciter incalascet.

*Theophilus*: Quidquid ad ædificationem audientium dicere velis, prosequere: ego autem me hæc gratanter auscultare profiteor.

*Desiderius*: Quidam puer in domo hospitem simul cum patre in lectulo cubans, cum ad necessitatem corporis in ipso noctis silentio surrexisset, subito ingens leo dentibus fremens eum paratus discerpere vnguibus, sibi horrendus apparuit, qui pauore nimio exterritus vociferans, in terram corruit. Ad cuius vocem mox turbatus pater è lecto surrexit, festinus ad eum, valdeque anxius accessit, cur ita clamasset, vel quid sibi

euenisset, prima diligentia sollicitus interrogauit. Ille immanem leonem contra se venientem tremebundus ac palpitans uidisse se retulit. Quem pater blanditijs demulcens, in vlnis proprijs acceptum reduxit ad lectulum. Sed diabolus, qui in specie leonis sibi apparuerat, in eum ingressus, post aliquot dies vehementissimè vexare coepit.

Cumque ad Ecclesiam ante altare Beati. Benedicti esset adductus, mirum in modū in pauimento clausis oculis prostratus iacens, quicumque Monasterij portam ingrediebatur, mox eius nomen exprimebat, dicens: Talis, vel talis homo per portam modo Monasterij ingreditur. Quidam autem Frater cum causa obedientiae è Monasterio ad ciuitatem descendisset, duodecim à quodā accipiens denarios, eosque propriae vtilitatis gratia occulte capiens sibi in sinum misit. Cum autem ad Monasterium reuersus, ad puerum in locum quo vexabatur, accessisset, statim diabolus hoc modo eum per os pueri coram



VICTORIS PAPÆ TERTII 85  
ram Fratribus infamare cœpit, dicens:  
Monachus iste contra Regulam sui or-  
dinis duodecim denarios à tali viro ac-  
cipiens causa proprij commodi occul-  
tatos retinet in sinu . Igitur cum à Fra-  
tribus interrogaretur , vtrumnam vera  
essent conuitia, quæ antiquus hostis per  
os vexati sibi obijceret ? mox ille suam  
clamitans culpam , omnino id ita esse  
professus est .

Alter quoque Frater, cuius nomen, ne  
verecundiam patiatur, omitto, ex alio  
Monasterio suæ salutis causa ad nostrũ  
deductus, quadam nocte ad nocturnas  
vigilias, lectionem de veteri testamento  
in Ecclesia more solito Fratribus resi-  
dentibus, recitabat, cum fortè puer, qui  
vexabatur, aderat . Et ecce subito dia-  
bolus per os eius exclamans, illa omnia,  
quæ legebantur, sese ad liquidum nosse,  
ibique fuisse protestabatur; & adiungēs  
huiusmodi lectori verbis exprobrabat:  
Sed si ea , inquit, quæ de te scio, referre  
coram præsentibus vellem , magnam  
profecto tibi verecundiam incutere.

possem. Et reuera Fratrem illum abunde in suo Monasterio seculariter vixisse compertum est. Postquam igitur pro vexato puero ante sepulchrum B.P. Benedicti diutius à Fratribus oratū fuisset. Ita sanus effectus est, vt amplius à maligno spiritu vexari minime visus esset.

Eodem etiam tempore alter puerulus ingentem Æthiopem super tectum, stantem conspexit: qui valde territus, mox fugam arripuit. Sed idem dæmon eum insequens ad ostium domus, in terram prostravit, statimque in eum ingrediens acriter miserū fatigabat. Cumque in Oratorium ad sepulchrum prædicti Patris per aliquot dies sæpe fuisset adductus, eiusdem Patris meritis, qui eum inuaserat dæmon relinquens abscessit, sic vt ad eum accedere vltterius ausus non fuerit.

Alius quidam Ioannes nomine, qui ætate prouectus adhuc superest, atque in infirmorum domo deseruit ex Pro-  
uincia Marforūm, de qua ortus fuerat,  
cum à pessimo dæmone teneretur, hoc

ad

ad Coenobium gratia recuperandæ salutis à propinquis adductus est, proculdubio credentibus eum meritis B. Benedicti salutem posse recipere: ad cuius limina multos diuersis languoribus occupatos audierant salutis pristinæ restitutos. Et ipse post non longum tempus expulso hoste sanitate recepta magnam exultationem videntibus intulit.

Theodoricus etiam Monachus atque Sacerdos, qui adhuc viuit & nobiscum in hoc Coenobio religiosam vitam ducens, conuersatur; nepotem habuit, quem valde diligebat in seculo: in quem antiquus hostis ingressus est, non tamen ut aperte eum vexaret, sed latenter languorem inferens, quasi paralyticum videntibus exhiberet. Hunc itaque prædictus auunculus eius causa recuperandæ sanitatis ad se, de B. P. Benedicti confidens meritis, adduci fecit. Sed cum in hoc Monasterio aliquandiu infirmus, ita ut venerat, perduraret, & à nullo, quod eum dæmon possideret, æstimaretur, quadam die ab eodem.



auunculo suo ad venerabilem virum,  
 Lambertum nomine, qui in hac proxima  
 silua iuxta Ecclesiam SS. Martyrum  
 Cosmæ & Damiani solitarius habitabat,  
 vt eius benedictione frueretur, delatus  
 est. Cui vir Dei panem benedictum de-  
 dit, eumque vt comederet, imperauit.  
 Cumque sibi, quod acceperat in os  
 misisset, idque comedens gustasset, dæ-  
 mon, qui hæctenus in eo latuerat, bène-  
 dictionem tanti muneris ferre non va-  
 lens, strependo, vociferando, huc illuc-  
 que dissiliendo, quæ causa languoris  
 esset, innotuit. Postquam vero cum  
 auunculo ad Monasterium est reuersus,  
 & aperte quod à dæmone possidere-  
 tur, cognitum fuit, ductus in Oratoriũ  
 est, quò omnipotentem Dominum pro  
 eo rogaturi cuncti simul fratres conue-  
 niunt. Expleta itaque oratione ac psal-  
 modia, hora sexta fratres ad refecto-  
 rium, dimissis cum eo duobus vel tribus  
 Monachis, causa reficiendorum corpo-  
 rum pergunt. Igitur cum illi, qui reman-  
 serant, diuinam pro eo misericordiam

lachrymabiliter precarentur, quatenus intercessione Beatissimi Confessoris sui Benedicti liberare captiuum hominem dignaretur, Monachus veneranda canitie eidem, qui vexabatur, ante altare stare visus est: qui antiquo hosti ab eo recedere potenti virtute imperabat. Mox dæmon, facto impetu, magno cum vomitu ab obseſſo exijt, atque ad eum vltcrius accedere minimè præſumpſit. Quem videlicet ſenem B. Maurum proculdubio fuiſſe compertum eſt, cuius reliquias fratres, qui cū eodem obſeſſo in Eccleſia remaſſerant, ſuper pectus eius magna cum deuotione ac ſpe poſuerant. Is autem liberatus à dæmone, eſt Monachus factus, & in hoc Monasterio cæteris cū fratribus in Ieſu Chriſti Domini noſtri ſeruitio perſeuerans exiſtit.

Ruſticus quidā in vicinia huius Monasterij in caſtello, quod Sancti Angeli nominatur, habitabat: qui feſtiuitatem B. Nicolai Confessoris Chriſti per annos ſingulos vna cum familia ſua prout

poterat deuotissime celebrabat. Ea igitur die, qua eius sacra à fidelibus colebatur solemnitatis, ad Basilicam illius nomini consecratam, cum vxore & filio, in puerili adhuc ætate manente, oblationem Domino oblaturus, accessit. Postquam verò expletis Missarum solemnijs, & communionem sacri corporis & sanguinis Domini participati, ad domum propriam sunt reuersi, puer à patre agrum reuiscendi licentiam petijt. Quem pater compescuit, dicens: Non est dignum, ò fili, in agrum hodie ad agri opus exercendum exire, quia, licet indigni, diuina sacra percepimus, & festiuitas Patroni nostri beatissimi scilicet Nicolai ab omnibus magna cum deuotione vbique recolitur. Sed ille puerili leuitati deditus, postquam quod petierat à patre impetrare nequit, paternam iussa paruipendens, clam de domo auolans, solus ad rura visenda contendit. Vbi vero aliquandiu in agro moratus, solem ad occasum vergere, & opacam noctem iam penè terris imminere conspexit



## VICTORIS PAPÆ TERTII. 51

spexit ad vicinam siluam, ne vacuus redire videretur, ac per hoc patris gratiam, cuius verba contempserat, recipere posset, ligna cæsurus, domumque delaturus accessit. Cumque ligna iam componere cœpisset in sarcinam, subito quasi vehemens spiritus sonitum cōtra se venire persensit; eleuatoque sursum capite nigerrimam auem in modum vulturis magno cum impetu per aëra, super se volantem conspexit, quæ haud longiuncule in semita, qua puer regredi debebat, sese obuiam posuit. Itaque cū timore perterritus ac tremebundus in eam intenderet, illa in speciem nigerrimi pueri, cuius capilli hispidi ac sursum erecti, extrema pars vestium in ruborem definere videbatur, sese transformans, ostendit. Igitur puer dum id, quod videbat, pauidus vt erat, animo inspiceret, idem antiquus hostis eum taliter allocutus est: Efficere, inquit, ò puer ex toto meus, & vna mecum ad huius proximi fluminis oram accede: ibique auri, & argenti magnam copiam  
tibi

tibi tribuam, vt non lignis, sed auro, argentoque domum reuertaris onustus: quatenus dum superfueris, omnes propinquos vicinosque tuos diuitijs excellens, nobiliter delitiora vita fruaris in terris. Hæc autem ei antiquus hostis non ideo persuadebat vt quæ pollebatur, tribueret, sed vt eum mergens necare posset in flumine. At puer frequens Christi nomen inuocans, crucis se studebat munire signaculo, flebilique voce talia responsa reddebat: Absit à me, absit, vt alicuius aliquando efficiar famulus, nisi qui me creauit, omnipotentis Dei, & qui me generauit patris mei. Cum itaque iterum atque iterum signum salutis sibi apponeret, dæmon, qui videbatur, in vndas vicinas fluminis inde se submouens, magno cum strepitu se merfit, ibique serpentum sibilare, asinorum rudere, mugire taurorum, rugire leonum more coepit, atque tantum timorem misello incussit, vt tota sibi silua rotari in vertiginem videretur. Cumque in terra ferè iaceret exanimis

& quid agerēt penitus ignoraret; ecce subito senex mitrato capite, candidus, indutus stola, sibi adstans apparuit, & inquit ad eum: Quid hic agis, cum se iam hora tardior protrahat, & recedentibus cunctis solitaria iam penè arua remanserint? Surge quantocyus, domumque redire festina, ne si amplius hic moratus fueris, graue periculum incurras. Surgens itaque de terra, cum se ad leuandam sarcinulam inclinasset, idem, qui visus fuerat, senex disparuit. Et ecce iterum malignus spiritus ante oculos eius se ingerens, eisdem quibus prius verbis affari puerum coepit. Sed ille nihilominus quæ hortabatur, se facturum omnino denegans, flens, & eiulans in terram decidit, ac prout poterat & sciebat, Saluatoris omnium Iesu Christi clementiam, vt sibi præberet auxilium, flagitabat. Mox ille venerandus senex, qui ei dudum visus fuerat, rursus apparuit, & vt citius surgeret, lignaque auferens, asportaret, hortatus est. Ad cuius aduentum, inimicus, qui videbatur, vt  
 fu-



fumus euauit. Quem vtique senem,  
 beatum fuisse credimus Nicolaum, cu-  
 ius celebrandæ festiuitati prædictus ru-  
 sticus eo die operam dederat. At puer  
 ad senis imperium surgens à terra, le-  
 uata sarcinula, summa cum velocitate,  
 domum rediit, & vt ipse postmodum  
 referebat, tam leui sibi illa lignorum  
 sarcinula facta est, vt nihil ponderis  
 habere videretur. Cum autem domum  
 regressus paululum remoratus esset, qui  
 ei apparuerat dæmon in eum ingressus  
 coepit horribiliter fatigare. Vterque tur-  
 batus parens affuit lugens, & perstrepsens  
 familiola cuncta circumstetit. Sed cum  
 nullum ei auxilium impendere posse se  
 cernerent, salubri réperito consilio, hoc  
 ad Monasterium ad limina cum B. Be-  
 nedicti perducunt, atque ad eius vene-  
 randum sepulchrum in dextera parte  
 altaris, misericordiam Domini lachry-  
 mabiliter postulantes, prosternunt, ibi-  
 que obsessus vehementer fatigatus ob-  
 dormiuit. Igitur dū sic fessus dormiens  
 iaceret, aperi sibi subito à latere visum  
 est,

est, indeque vir clarissimo aspectu candidoque amictushabitu procedens, eius aluum, pectusque diu contrectans, ei, vt surgeret ac discederet, imperauit. Qui mox expergefactus, ita sanus surrexit, vt dæmoniacam infestationem in se vltius non sentiret. Hæc omnia per ordinem, ex ore ipsius pueri, qui passus fuerat, lacrymabiliter referentis audiui.

*Theophilus* : Hæc, quæ puero contigisse narras, valde admiror, atque ad omnipotentis Dei iudicia tremens stupefco, cur illum, qui vnâ cum patre festiuitatem B. Nicolai deuotè celebrans communionem Dominici corporis & sanguinis percepit, immundo spiritui mancipare permiserit.

*Desiderius* : Si animaduertas vtique, quantum parentibus non obedire delictum sit, cum Scriptura dicat : *Honora* Exod.  
*patrem tuum & matrem tuam, vt sis lon-* 20.  
*gæus super terram.* Et item : *Melius est* 1. Reg.  
*obedire, quàm sacrificare, & auscultare* 15.  
*magis, quàm offerre adipem arietum, quo-*  
*niam quasi peccatum ariolandi est, repu-*  
*gnare,*

*gnare, & quasi scelus idololatriæ, nolle  
 Prou.1 acquiescere. Et Salomon: Audi fili mi  
 disciplinam patris tui, & non dimittas le-  
 gem matris tuæ, ut addatur gratia capiti  
 tuo, & torques collo tuo. Et alio loco:  
 Eccl.3. Quam mala famæ est, qui relinquit pa-  
 trem, & est maledictus à Deo qui exasper-  
 rat matrem. Iusto Dei iudicio id acci-  
 disse probabis. Permisit itaque Deus  
 puerum hunc pro sua inobedientia fla-  
 gellari: sed solita pietate non est passus  
 eum sub eodem verbere diutius immo-  
 rari: ut ex hoc quisque intelligat, quan-  
 tum inobedientia periculum pariat, at-  
 que ad obediendum parentibus quan-  
 tum sese humiliter subdere debeat.*

*Theoph.* Verba responsionis tuæ sa-  
 tisfecisse videntur interrogationi meæ.

*Desiderius:* In Dioecesi Teatini Epi-  
 scopatus est Monasterium nobile iuxta  
 radicem Maiellici montis, in honorem  
 Sancti <sup>A</sup> Liberatoris constructum &  
 huic nostro Casinensi Coenobio sub-  
 ditum, vbi magna Fratrum multitudo  
 commorantes iuxta almi B. Benedicti  
 man-



VICTORIS PAPÆ TERTII. 27  
mandatum Christo Domino vero Regi  
militantes deferuiunt.

---

*A De Monasterio Sancti Liberatoris in  
Diœces. Teatin. Vide Oct. in Chron. lib. I.  
cap. 44. & eruditiss. Lucium Camarram de  
antiquis rebus Teatina ciuitatis. Quod  
in illo euenit legitur etiam in serm. m. s.  
Petr. Diac. de oct. Sancti Benedicti.*

---

Quodam igitur tempore dum fratres  
in eodem Monasterio in noctis silentio  
iuxta morem quiescerent, quidam re-  
uerendus vir Monasterio indutus habi-  
tu apparuit vni eorum, eumque exhor-  
tans, vt velociter de lectulo, in quo ia-  
cebat, surgeret. Cumque ille ad eius  
imperium expergefactus perniciousiter sur-  
rexisset, inquit ad eum: Accelera & ex-  
cita omnes Fratres, & vt velociter sur-  
gant, atque ad Ecclesiam pergant, ma-  
gnis clamoribus instans, quia hæc, in qua  
quiescunt, cella sub omni est celeritate  
casura. Ille autem iussis obtemperans,  
magnis vocibus clamare cœpit: Surgi-

G

te,

te, inquit, Fratres, surgite, atque ex hac cella, quia protinus ruitura est, quantocyus exite: ne moram in ea amplius facientes, à ruinis, quod absit, opprimamini. Cum igitur illi expergefacti, eius à clamoribus turbati, vnde hæc nosset, inquirerent? Ille, quæ viderat, quæ uè sibi dicta fuerant, ordine retulit. Mox itaque fratres, inde celeriter exeuntes, Ecclesiam intrauerunt, nocturnamque synaxim more solito, pulsatis signis Domino decantare coeperunt. Cumque intentis mentibus officia consueta persoluerent, subito prædicta domus, dato magno strepitu, funditus corruit. Exterriti fratres festinè pergunt, solliciti ne quis eorum illa ruina oppressus esset inquirere: & cum delapsam materiam huc illucque deuoluerent, inuenerunt vnum è fratribus senectute grauatum, sub ruinis vndique circumiacentibus incolumem remansisse, extractumque foras quonam modo euasisset, curiosè interrogauerunt. At ille, cum domus, inquit, funditus fatiscens super me dilabere-

beretur, subito quidam splendidus vir, monastica veste indutus, mihi adstitit, ipsamque ruinam iam iamque super me ruentem meque opprimere minitantem, brachio suo sustentans, incolumem, vt ipsi cernitis, conseruauit. Qui videlicet B. Benedictus fuisse creditur, qui & antea paterna pietate Dominicum gregem sub suo magisterio militantem, sua admonitione & protectione eripuit, & senem fugere non valentem manu sollicitudinis suæ defendit.

Quidam etiam frater in eodem Monasterio <sup>4</sup> Ioannes dicebatur, qui ætate, ac ægritudine pressus, extremum vitæ spiritum trahebat. Cum igitur quadam die aliqui ex fratribus more solito decantaturi matutinas laudes ad eum venissent, ille eos voce qua potuit compescuit, dicens: Nolo, inquit, vt mihi Canonicas horas amplius decantetis, quia Dominus Abbas cum multis fratribus albis vestibus indutis ad me modò gratia visitandi venerunt, mihiq; matutinale officium decantantes post pau-



lulum se huc venturos, meque secum  
 assumpturos esse dixerunt. Dum itaque  
 fratres, qui ad eum venerant, ad eius vi-  
 sionem intenti, & si vera essent quæ re-  
 tulerat, sollicitè præstolarentur, post  
 vnius horæ spacium frater ille magna-  
 cum exultatione emisit spiritum. Ex  
 quo animaduertere possumus B. P. Be-  
 nedictum fuisse, qui ei cum illa albato-  
 rum concione apparuit, eumque secum  
 vt promiserat, assumpsisse. Hæc, quæ  
 retuli, in quadam veteri paginula impe-  
 rito satis stylo exarata reperi, nostro-  
 que nunc associare libello studui.

---

*A Narratur quoque in serm. m. s. Petr.  
 Diac. de oct. S. Benedicti.*

---

Quia vero omnipotens Deus non  
 tantum in magnis, sed etiam in minimis  
 rebus aliquando ostendit mirabilia sua,  
 vt fides credentium magis ac magis au-  
 geatur, ac in laudibus Creatoris sui,  
 vniuersa creatura prorumpat; cum in  
 cunctis vsui humano concessis paterna  
 pie-

pietate curam habere conspicitur.

Quid de lampadibus in hac Ecclesia nostris temporibus actum sit, sicut à Gregorio venerabili Monacho, qui eiusdem Ecclesię custos adhuc superest, didici, ex parte referre non negligam.

Cum <sup>A</sup> quadam die vnus è custodibus lampadem in Oratorio ante altare, igne admoto, accendisset, eamque sursum pene vsque ad laquearia eleuasset, repente delapsa, ante altare in pauimentum cecidit. (Mirabilis Deus in factis suis) non solum fracta non est, sed nec oleum effusum, nec ignis in ea accensus extinctus est.

<sup>A</sup> Ea, quæ de lampadibus referuntur, confirmat etiam Leo Oñt. in Chron. lib. 3. cap. 38. & Petr. Diac. in serm. m. f. de oñt. S. Bened. Affine his miraculis est, quod de S. Martino haustum ex Seuero Sulpicio dialog. 3. cap. 3. versu expressit Venantius Fortunatus lib. 4. de vita S. Martini.

Lapsa pauimento ampulla stat marmore tenso.  
Sed nec saxa vitrum perdunt, nec vasa liquorem.

G 3 Alio

Alio tempore cum præfatus Gregorius, lampadem ante imaginem Saluatoris, quæ supra fores Ecclesiæ depicta, erat, vellet reficere, inuenit eam extensis vncinulis ita in aëre dependere, vt nulla prorsus materia sustentaretur. Qui mox conuocatis fratribus, qui prope adstabant, eis vt tanti testes miraculi esse deberent, quod miratur, ostendit.

Præterea alio tempore in hac eadem Ecclesia B. Benedicti ea nocte, quæ præcedebat diem, qua eius festiuitas agebatur, sicut ab eis qui huic miraculo interfuere, accepi; dum ad vigilias vnus è custodibus lampadem ante imaginem eiusdem B. Benedicti, reficeret, repente delapsa in pauimentum corruit, ac illæsa permansit: quæ iterum ter fursum eleuata ter cecidit: & quod mirabilius est, nec ipsa frangi, nec oleum effundi, nec lumen in ea accensum extinguere diuina conseruante virtute, potuit.

Plura sunt in huius Monasterij Oratorio ex lampadibus huiusmodi facta miracula: quæ quia valde simplicia sunt, su-



superfluum scribere duximus. Hæc autem idcirco scripsimus, ne, quia parua sunt, omnino contemni viderentur. Vnum autem, quod in superiori libro à memoria excidit, suo in ordine referre, in quo me tibi narrare promiseram, qualiter omnipotens Deus hoc Monasterium sæpe de tyrannorum manibus eripuerit, in hoc secundo, ne à memoria laberetur, scribere opportunum duximus.

Dum prædecessoris nostri <sup>4</sup> Athenulphi tempore prædia huius Monasterij acriter ab Aquinensi Comite infestarentur, & neque Monachorum precibus, neque reuerentia almi P. Benedicti, qui fundator ac ædificator huius Cœnobij extiterat, animus eius emollesceret, vt ab huius loci læsione se aliquo modo temperaret, prædictus Abbas necessitate compulsus, postquam vidit ferocem viri animum nullo modo mitigari posse, aliquot ex Nortmannis, qui tunc temporis conductu nostrorum Principū Italiam aduentabant, in pos-

sessiones huius Monasterij, quatenus eas  
 à prædicto Comite per eos tueretur,  
 induxit. Qui postquam & domos ad  
 manendum, & stipendia, quibus susten-  
 tarentur, abunde percepere, cœperunt  
 quæque Monasterij pertinentia, more,  
 strenuorum militum, inimicis longè re-  
 pulsus, circumcirca nobiliter, fideliter-  
 que defendere. Igitur cum prædictus  
 Abbas, & qui ei in regimine secundo  
 gradu successerat, superuixere, cōducti  
 milites satis honeste in eorum fidelitate  
 manserunt: postquam verò ipsis hac vi-  
 ta subtractis, fortuna nostrorum Princi-  
 pum mutata, aliquantulū vacillare cœ-  
 pit: Nortmannica cohors, quæ ob no-  
 stram defensionem admissa fuerat, nobis  
 infida atque aduersa paulatim esse cœ-  
 pit; quæ quotidie ad nostram perniciem  
 vt canis & serpens, modo hæc modo  
 illa nobis auferens, ad dominationem  
 sui iuris sacrilega ducti cupiditate, de-  
 uoluunt. Vnde factum est, vt ex tanta  
 tamque ampla possessione, nihil aliud ad  
 nostri commodi vsus, præter ciuitatem,  
 quæ

quæ ad radicem Casini montis sita est, cum quatuor vel quinque villarum fundis, remanserit: qui etiam (sicut barbarica auaritia nescit tenere modum,) quotidie ab eis oppressi, illis opes auferentes nobis miseriam atque inopiam tribuebant. Cum igitur per aliquantispacium temporis sine vlla animi pietate id incessanter agerent, & misericors ac pius Dominus seruis suis fame, atque inopia laborantibus, sua benignitate, subuenire decreuisset, Beatissimus P. Benedictus cuidam rustico in agello cuiusdam nostræ villulæ commoranti, per visionem apparuit, eique vt egrediens se sequeretur iussit. Cumque idem rusticus ad eandem visionem animum intenderet, visum est ei, quod Beatissimus Benedictus cunctos Nortmannos, qui eius bona inuaserant, cum virga, quam manu gestabat, potenti virtute à finibus huius terræ expelleret, eosque vacuos rebus, oneratosque ignominia à sui hæreditate Monasterij eliminaret. Eodem itaque anno, præfata cohors Nortmannica



nica amplius, quam solebat per audaciam insolescens, ad nostram calamitatem, arcem, quæ S. Andreæ nuncupatur, vt securius nobis sublata retinere, posset, occupauit: quæ vtique res illorum animum ad dominationem, nostrum ad desperationem adduxit. Postquam ergo eadem arce potiti sunt, quadam die in vnum conglobati, magna cum superbia in præfatam Casini ciuitatem venientes intrauerunt: ibique nutu Dei à populo ciuitatis oppressi, aliquanti eorum vel occisi vel capti sunt, cæteri autem qui remanserunt, in munitionem prædictæ arcis fugientes se cõtulerunt. Igitur habitatores huius terræ vnanimiter factò grege, vicinis vndique auxiliantibus, ad obsidionem eiusdem arcis animû intendunt. (Mira dicturus sum) obsidione facta, dum iacula ex vtraque parte acriter impulsa mitteretur, Nortmannorum pila, velut à ventorum flamine retorta, eos à quibus missa fuerant, fauciabant. Quid multis opus est? cum se à semetipsis ita impugnari conspicerent,

rent, & iam amplius resistere minime  
 valerent, cernentes durum sibi esse con-  
 tra stimulum calcitrare ( & quod con-  
 tra se diuinam dexteram dimicare co-  
 gnoscerent ) facta deditio in manibus  
 Abbatis, & Monachorum se tradunt :  
 à quibus vix defensi, ad socios, qui in  
 Auerfano oppido commorabantur, re-  
 missi sunt. Sicque factum est, vt ab eo  
 tempore, B. Benedicti meritis, hæc in-  
 qua degimus, terra, ab eorum infesta-  
 tione illæsa permaneat, atque sub ipsius  
 Sancti tutamine secura persistat.

---

*A* Athenulphus Abbas sedit ab an. 1011.  
 & vixit vsque ad 1022. quo tempore con-  
 tingerunt ea, quæ narrat Desiderius. Vide  
*Ost. in Chron. lib. 2. cap. 71. & Petr. Diac.*  
*in serm. de oct. S. Benedicti.*

---

Modus libelli huius nos ad finem  
 tendere cogit. Sed bonum obedientiæ  
 quæ inter cæteras virtutes prima est,  
 non finit nos virtutem cuiusdam fratris,  
 qui eam tota cordis humilitate vsque  
 ad

ad mortem quoque sectatus est, penitus silentio præterire: illum videlicet imitans, qui factus obediens Patri usque ad mortem, obedientiæ nobis pariter ac patientiæ reliquit exemplum.

Qui videlicet Frater huius nostræ Congregationis <sup>4</sup> Raynerius nomine, iuuenis quidē ætate, sed moribus grandæuus fuit: cui multi ex fratribus, qui adhuc supersunt, & eum optime nouerunt, testimonium perhibent, quod tantæ humilitatis, tantæque obedientiæ fuerit, ut ex hoc mirabilis ab omnibus haberetur.

Cui dum quadam die esset ab Abbate suo iniunctum, ad aliquod opus pro utilitate Monasterij peragendum, Teatinum adire territorium: ille lato, ut semper, animo ad obedientiam promptus, iussa implere festinans, iter arripuit. Qui dum pergeret, & aliquantiā itineris spatium profligasset, à latrunculis cuiusdam potentis viri Oderisij, qui ex præcepto eius, si quid ex Monasterij huius rebus diripere possent



sent, viam obseruabant: omnibus, quæ deferebat, sublatis, interfectus est. Cuius quidem corpus, vel propter inimicorum insidias, vel quia longe erat, ad hoc Coenobium deferri non potuit, sed in quadam Ecclesia iuxta posita humi traditum est. Sed quantum illius obedientia omnipotenti Deo fuerit accepta, ad extinctum eius corpus ostendere est dignatus. Coeperunt itaque multi infirmitate detenti ad eius sepulchrū properare, & recepta sanitate ad sua incolumes remeare. Inter quos <sup>B</sup> Atto Comes, magni Attonis Comitis filius, præfati quoque Oderisij gener, cum grauitè detentus à febribus fatigaretur, ad sepulchrum istius, fama ducente venit, ibique in oratione prostratus, recedente febre ita sanus surrexit, vt malæ illius valetudinis, qua antea laborabat, nihil prorsus in se sentiret; qui pro recepta sanitate gratias referens, ob retributionem tanti muneris, optimo super eius sepulchrum oblato pallio, gaudens discessit.

*A De Raynerio Monacho Casin. occiso à latronibus agit quoque Petr. Diac. lib. de ort. Iust. Cas. cap. 45.*

*B Viuebant anno Domini 1053. & fuerunt Italorum duces aduersus Nortmannos. Vide Guillel. Apuliensem lib. 2. rerum in Italia, ac Regno Neapolit. Nortmannicarum.*

---

*Tob. 12* Et quoniam de mirabilibus Dei coepimus facere mentionem, quod mihi ipsi contigit, silentio prætereundum, non duxi, dicente Scriptura: *Quod secretum Regis abscondere bonum est, opera vero Dei manifestare ac reuelare honorificum est.* Cum intra annos pueritiæ positus, vi febrium laborarem, beatæ memoriæ Ioannes, reuerendæ dignitatis Sacerdos; qui tunc in nostra Beneuentana vrbe in Dei seruitio celebris habebatur, visitationis gratia ad me properans venit. Cumque paululum cum cæteris, qui aduenerant, consedisset, & me vehementius à tertiano typo vrgeri conspiceret, motus charitate, quam  
erga

VICTORIS PAPÆ TERTII. III

erga me habebat, surrexit, ac perfusus ora lachrymis lenta voce Dominum inuocans, manum capiti meo imposuit, & febris, quæ me acrius infestabat, mox effugata discessit.

Ea etiam, quæ Leone Abbate Monasterij S. Pauli Apostoli, secundo ab Vrbe Roma milliario constituti, vbi sacratissimum eius corpus signis prodigijsque coruscans, veneratur, & colitur, referente cognoui, in calce huius libelli scribere curabo. Dicebat enim: Quod sibi Adam reuerentissimus valde Monachus & custos Ecclesiæ huius nostri Monasterij, retulerit. Quia quadam die dum idem venerabilis Adam portam Monasterij ad aliquod opus faciendum esset egressus, duo iuvenes in habitu Monachi, sibi in ipso introitu Monasterij obuiauerunt: cumque saluatos eos, studiosè, qui essent, inquireret, audiuit ab eis, quod vnus eorum Protus, alter vero Hyacinthus diceretur. At ille obstupescens, cur venissent, cum percunctaretur, illi inquiunt:

Ad



Ad fratres, qui hodie nostri memoriam mente deuota recolunt, visitandos uenimus. Erat enim ea dies, qua pro Christo effuso sanguine, palmam martyrij, ipso donante, meruerunt. Cum ergo attonitus paululum substitisset, ac illi coepto itinere Monasterium essent ingressi, ad se reuersus, certius quod audierat, cognoscere uolens, rapido eos cursu prosequitur. Dumque eos huc illucque per Monasterium studiosè requireret, ac minimè inuenire posset, quosque sibi obuiantes interrogare coepit, ubi essent Monachi, qui modo secum loquentes Monasterium essent ingressi? Sed illi nullum in Monasterium introisse præter illum se audisse professi sunt. Qua de re apertè datur intelligi, eos qui sibi apparuerant, Sanctos Martyres Protum & Hyacinthum, quorum festiuitas eo die celebrabatur, ueraciter fuisse. Quæ omnia eodem ordine à Firmo huius Monasterij veterano Monacho, nepote scilicet ipsius Adæ, quo ille mihi Romæ positus dixerat,

VICTORIS PAPÆ TERTII. 113  
reuerſus ad Monasterium, acta fuiſſe  
percepi.

---


*A* Argumentis Ioannis Boſci relatis in  
bibl. Floriac. de iuriſdictione Monasterij  
Sancti Pauli de Vrbe tempore Leonis Ab-  
batis, cuinam Congregationi ſubeffet, Ca-  
ſin. an verò Cluniac. reſpondit Lauretus  
in lib. de exiſt. corp. S. Benedicti in monte  
Caſin. cap. 25. Miraculum verò prædictũ  
SS. Martyr. Proti & Hyacinthi, narra-  
tur etiam à Leone Oſt. in Chr. lib. 2. c. 48.  
& à Petr. Diac. lib. m. ſ. de ort. Iuſtorum,  
cap. 46.

---

Hic finem faciat huius diei Oratio:  
quatenus in honore tantorum Martyrũ,  
Liber iſte concluſus, recreato per hu-  
ius noctis ſpatium animo, ad cætera  
quæ reſtant Sanctorum acta, ipſorum  
omniumque Sanctorum precibus adiu-  
ti, fideliter enarrando veniamus.

LIBER TERTIVS  
DIALOGORVM  
VICTORIS PAPÆ TERTII.

*Qui est de miraculis alibi gestis.*



EXPLETIS duobus, Christi gratia comitante, libellis, quos de miraculis Dei, vel in hoc Cœnobio, vel in sibi subditis cellis, ipso largiente patratissimus, ad narrationem tertij cōcedente Domino veniamus. Et quia cætera, quæ extra huius Monasterij claustra facta sunt, quæque visu vel auditu percepimus, in alijs duobus libellis adhuc exaranda remanent, operæ pretium mihi videtur ab ipso capite Ecclesiæ exordium sumere, sicque postea seriatim stylo prosequente ad singula membra venire.

Dum igitur <sup>A</sup> negligentia Sacerdotum, Italia à recto Religionis tramite  
pau-



paulatim deuians labefactaretur, in tan-  
 tum mala consuetudo adoleuit, vt sacrae  
 legis autoritate postposita, diuina  
 humanaque omnia miscerentur: adeo  
 vt populus electionem, & Sacerdotes  
 consecrationem, donumque sancti Spi-  
 ritus, quod gratis accipere, & dare di-  
 uina autoritate statutum fuerat, data  
 acceptaque per manus pecunia ducti  
 auaritia venderent: ita vix aliquanti in-  
 uenirentur, qui non huius simoniacæ  
 pestis contagione foedati, mundi coram  
 Deo præcepta Dominica obseruantes  
 existerent. Itaque cum vulgus Clerico-  
 rum per viam effrænatae licentiæ nemine  
 prohibente graderetur, cœperunt ipsi  
 Presbyteri, ac Diacones (qui tradita  
 sibi Sacramenta Dominica mundo cor-  
 de, castoque corpore tractare debe-  
 bant) laicorum more <sup>B</sup> vxores ducere,  
 susceptosque filios hæredes testamento  
 relinquere, Nonnulli etiam <sup>C</sup> Episco-  
 porum verecundia omni contempta,  
 cum vxoribus domo simul in vna habi-  
 tate. Et hæc pessima & execranda con-

suetudo intra <sup>D</sup> Urbem maximè pullulabat; vnde olim Religionis norma ab ipso Apostolo Petro, eiusque successoribus vbique diffusa processerat.

Igitur dum per aliquot annos nonnulli solo nomine Pontificum Cathedram obtinerent, <sup>E</sup> Benedictus quidam nomine, non tamen opere, cuiusdam Alberici Consulis filius (Magi potius Simonis, quàm Simonis Petri vestigia sectatus) non parua à patre in populum profligata pecunia, summum sibi Sacerdotium vendicauit: cuius quidem post adeptum Sacerdotium vita quam turpis, quam foeda, quamque execranda extiterit, horresco referre, eo potius qualiter omnipotens Deus in faciè Ecclesiæ sit dignatus respicere, exordia enarrare. Denique cum rapinas, coedes, aliaque nefanda in Romanum populum aliquanta per tempora, sine vlla dilatione ageret, congregati in vnū populi, quia eius nequitiam amplius ferre nequibant, eum à Pontificatus Cathedra exturbantes, Urbe pellunt; alterum-

terumque in loco eius, <sup>F</sup> Ioannem videlicet Sabinensem Episcopum (non tamen vacua manu) Canonica paruipendentes decreta, substituant; qui tribus nō amplius mensibus Romanæ vsus est Cathedræ successione, Benedicto vndique suis cum propinquis infestante, Urbem, quia ex Consulibus terræ ortus erat, & in eis maxima virtus, Vrbe cum dedecore pulsus, suum ad Episcopatum reuersus est. Benedictus igitur quod amiserat, Sacerdotium recepit, pristinos tamen mores minime mutauit, secundum quod scriptum est: *Adolescens iuxta viam suam, etiam cum senuerit, non recedet ab ea*. Et quia durum est in corde veteri noua meditari, in eisdem prauis & peruersis operibus, vt ante, perseuerabat. Cumque se à Clero simul & populo propter nequitias suas cōtemni respiceret, & fama suorum facinorum omnium aures impleri cerneret, tandem <sup>G</sup> reperto consilio (quia voluptati deditus, vt Epicurus magis quā vt Pontifex viuere malebat) cuidam <sup>H</sup> Ioanni

Prov.  
22.



Archipresbytero , qui tunc in Vrbe, religiosior cæteris Clericis videbatur , non parua ab eo accepta pecunia, Summum Sacerdotium relinquens, tradidit: ipse vero in proprijs se Castellis recipiens, Vrbe cessit. Interea Ioannes, cui Gregorius nomen inditum est, cū duobus annis & octo mensibus Sacerdotium administrasset, Henricus Rex, qui tunc Germaniæ, Pannoniæ, Saxonæ, ac Italiæ imperabat , ad suscipiendam de manu Romani Pontificis Imperialem coronam , quatenus deinceps Augustus appellari posset , Italiam ingressus, Romanam adiit Urbem . Sed antequam Urbem ingrederetur , plurimorū Episcoporum , nec non Abbatum, Clericorum quoque ac religiosorum Monachorum , in Sutrina Vrbe Concilio congregato , Ioannem , qui Gregorius dictus est, missis ad eum Episcopis , vt de Ecclesiasticis negotijs, maximèque de Romana tunc Ecclesia, quæ tres simul habere Pontifices videbatur, ipso

*Ann.*  
1047.

*schif-*  
*ma* 14

præsidente, tractaretur, venire rogauit.

Sed

Sed hæc de industria agebantur, iam enim dudum regio animo infederat, ut tres illos, qui iniuste Apostolicam Sedem inuaserant, cum consilio & auctoritate totius Cōcilij iuste depelleret, & vnus qui secundum statuta Sanctorū Patrum Dominico gregi sollicitè præesset, Clero & populo eligente, ordinaretur. Prædictus itaque Pontifex exoratus à Rege, cæterisque Pontificibus, Sutrium, vbi Synodus congregata erat, allectus spe, quod alijs duobus depositis, sibi soli Pontificatus confirmaretur, gratanter perrexit. Sed postquam eo ventum est, & res agitari ac discuti à Synodo coepta est, agnoscens se non posse iuste honorē tanti Sacerdotij administrare, ex Pontificali sella exiliens, ac semetipsum Pontificalia indumenta exuens, postulata venia, Summi Sacerdotij dignitatem deposuit.

Post hæc Rex Urbem ingressus, cōgregato in Ecclesia B. Petri Apostoli Romano Clero & populo, vna cum Episcopis, qui in prædictam conuenerant

Synodum, cōmuni consilio<sup>K</sup> Clemen-  
tem Bambergensem Episcopum elege-  
runt, quia in Romana Ecclesia non erat  
tunc talis reperta persona, quæ dignè  
posset ad tanti honorem sufficere Sa-  
cerdotij: eumque in Apostolica Sede  
ad regendum Dominicum gregem in-  
thronizantes cōstituunt. Quo non am-  
plius nouem mensibus Sacerdotio fun-  
cto, ex hac vita decedente, <sup>L</sup> Damasus  
ex Germania oriundus, fultus authori-  
tate regia eidem succedens, Sacerdo-  
tium est adeptus, quique non amplius  
quàm viginti & tribus diebus Sacerdo-  
tio administrato, diem clausit extremū.  
Huic successit <sup>M</sup> Leo, de quo nobis est  
sermo præ manibus, vir per omnia Apo-  
stolicus, Regali genere ortus, sapientia  
præditus, religione cōspiciuus, omnique  
Ecclesiastica doctrina apprimè erudi-  
tus, ac qui (quemadmodum scriptū est)  
cœpit inuocare nomen Domini: quem-  
que etiam vidi, eiusque familiaritatem  
habere merui: sæpe etiam eo in Eccle-  
sia missas celebrante, cum illo ad diui-



num altare sacris indutus vestibus steti,  
eique Euangelium legi. A quo omnia Ec-  
clesiastica studia renouata ac restaura-  
ta, nouaque lux mundo visa est exoriri.

Hic sæpe Sacerdotale consilium ad-  
uocans, Sacerdotes, Diacones, & re-  
liquos Clericos, non regulariter ordi-  
natos, remouit, & in eorum locis ad ve-  
ri & summi Dei cultum, qui dignè mi-  
nistrare possent, constituit. Quotidie,  
quoque per se suosque discipulos, ubi-  
que missos, populis viam Domini, lite-  
ris & verbis prædicans, ostendebat.  
Qui per Apostolicam viam semper gra-  
diens, Apostolicos etiam viros in mira-  
culis est imitatus. De quo quidem plu-  
ra audire me contigit, sed multis occu-  
patus negotijs, singula quæque discur-  
rere non valens, pauca referre de plu-  
ribus satagam, vt per hæc, quanti vir  
iste meriti fuerit, quicumque in poste-  
rum legerit, agnoscat.

---

*A Vide Lauretum ad Chron. Off. lib. 2.  
cap. 78. Petr. Damian. tom. 1, lib. 2. epist. 10.*

Baron. ann. 1057. num. 15. & seq. & anno 1074. n. 28. 29. 57. Chron. Genebrardi ad ann. 1074.

B Eo usque pestis illa Nicolaitarum istis seculis inualuerat, & præcipuè in Germania, ut incestuosa coniugia Clerici non tantum publicè inirent, sed & impudentissimè propugnarent, cum omnes penè per vitiorum abrupta præcipites, & tanquam furentis equi per voluptatû suarum campos ferebantur effrænes; præsertim si vera sunt quæ Lambertus Schafnaburgensis narrat istis temporibus. Animaduertèdum tamen est nō omnes Clericos ità in profundū incontinentiæ demersos, ut uxores ducerent, sed potiùs ex eis nonnullos magis incōtinentes tumultuatos aduersus decretū Gregorij Septimi Prædecessorū vestigijs inherentis de Clericorū cōtinentia seruanda dicendo melius esse nubere quā uri, & dum consuetum cursum naturæ negaret Gregorius, fornicationi & immunditiei fræna laxaret. Sub hoc igitur prætextu uxores ducebant. Vnde verè Sacerdotibus illius qui contigit, quod dixerat Propheta Ma-

la-

*lachias primo: Vos recessistis de via & scandalizastis plurimos in lege, irritum fecistis pactum Leui, propter quod & ego dedi vos contemptibiles & humiles in omnibus populis. Vide opusc. 5. B. Petri Damian. quod inscribitur de priuilegio Rom. Eccl. Baron. anno 1074. n. 28. 29. 57. & Bellarm. de Cleric. cap. 19.*

*C Tullensis enim specialiter Episcopus fuit vocatus à Gregorio VII. in Synodo anno 1075. ad dicendam causam de simonia, & cohabitatione cum muliere, quam habebat ut coniugem. O propudium illius seculi! Vide Baron. ad ann. 1074. num. 57.*

*D Stephanus Papa X. zeli Phinees æmulatus ardorem omnes clericos Romæ, qui post interdictum Papæ Leonis IX. incontinentes extiterant, inter quos forsitan aliqui uxorati, aut ut potius dicam publici concubinarij existerant, de conuentu Clericorum & choro Ecclesiæ præcepit exire, pudor enim & honestas perierat, & dum Ecclesiastici vigoris sensim disciplina colabebatur, inundans vitiorum ac prauitatum omnium in dies pestis augebatur.*

*Vide*



*Vide Baron. ann. 1057. num. 15. & seq.*

**B** *Benedictus huius nominis Nonus, qui & Theophylactus Alberici Comitiss Tusculani filius, puer duodecim annorum, largitione, ac tyrannide patris Pontifex in sedem Romanam intruditur anno Domini 1034. O facinus toto lachrymarum fonte lugendum! Qualis deinde fuerit iste Benedictus, & quàm turpi vitæ deditus unâ cum eius infelici ad inferos damnatione, qui scire cupit, legat Baron. ad an. 1033. & seq. Ciacc. in vita Benedicti. aliosque de vita Rom. Pont. scribentes. Horrendû certè ac detestabile erat visu videre sedentem in eminenti Petri solio puerû. Quid enim non patitur Ecclesia, si Principes se immisceant in iura non sua? quæ non tentat flagrans Præfecturæ cupiditas.*

**F** *Ioannes Episcopus Sabinensis, qui Siluester Tertius Antipapa dictus. Baron ad ann 1044. num. 2.*

**G** *Benedictus suâsu Sancti Bartholomæi Abbatis Cryptæ Ferratæ discipuli Sancti Nili celsit sede.*

**H** *Hunc Ioannem alij Gratianum nomin-*

minant, qui postea fuit Gregorius Sextus,  
 & licet à Desiderio simoniæ sugillatus re-  
 periatur, sciendum tamen est hæc de Gre-  
 gorio retulisse, quia talis ferè ab omnibus  
 indoctis, & præsertim ab æmulis habeba-  
 tur, non adhuc benè nota ipsi Desiderio  
 causa zeli & charitatis Gregorij, calum-  
 niamque propterea non legitimi Pontificis  
 patiebatur sed usurpatoris ferebat nomen  
 licet re vera liberator Ecclesiæ Dei potius  
 dicendus erat, quàm simoniacæ labis in-  
 fectus, ut Otho Frisingensis fideliter narrat;  
 & si fuerit depositus tanquam simoniacus  
 ab hoc Concilio Sutrino præsentè Henrico  
 Secundo Imperatore; viri tamen grauissi-  
 mi & doctissimi illius temporis, & simo-  
 niacorum hostes implacabiles, inter quos  
 Petrus Damian. datis etiam ad ipsum Gre-  
 gorium Sextum epistolis, & Hildebrandus  
 qui postea de industria Gregorius Papa  
 Septimus nominari voluit, ut monstraret  
 Gregorium Sextum fuisse verum Pontifi-  
 cem, & male ab Henrico exturbatum,  
 non alia reuera ex causa ( quidquid deni-  
 que prætexeret ) quam quia ipso Impera-  
 tore

tore inconsulto electus fuerat; sentiunt, inquam, hoc concilium egisse quod non poterat, & Gregorium fuisse virum optimum ac sanctissimum, cum hac largitio pecuniarum ab ipso facta, non emptio sedis, sed potius redemptio vexationis dicenda foret, adeoque necessaria ad pellendos tres sedis Apostolicæ inuasores, ut meritò transactio & non simonia appellanda deberet, ideoque licita, ut tradit Layman lib. 4. tract. 10. cap. 8. num. 23. allegatis Caietano, Soto, Suarez, Lessio. Deumque ipsum miraculo attestatum esse innocentia Gregorij Sexti scribit Gregorius Polydorius in Gregoriano. Vide etiam Baron. ad ann. 1044. num. 6.

1. Videns Gregorius Papa Sanctissimus fore constandum dirum schisma, nisi Pontificatui renuntiasset, imitatus ipse Gregorius Gregorium Nazianzenum, qui ob pacem conciliandam Ecclesiæ, sponte se abdicauit, & ipse eodem animo, eademque virtute Pontificia sede sponte cessit, sic enim illa temporum iniquitas postulabat.

K. Clemens Secundus nomine Suidigerus

Bam-



*Bambergensis Episcopus creatur Papa anno Domini 1047. veneno propinato, ut quidam scribunt, confectus, ultra Montes è vita improuiso migrat nono die Octobris feria sexta.*

*L Henricus Tertius Imperator, Popponem Episcopum Brixinensem magni nominis, Romam Pontificem consecrandum mittit an. 1048. & Damasus Secundus appellatur; fuit is dies ut quidam tradunt, Iulij mensis decimusseptimus Dominicus: & Præneste die nona Augusti feria tertia è vita excessit; funus in Urbem relatum & ad Ecclesiam Sancti Laurentij extra muros conditum est, veneno sublatum opera Benedicti Noni sedis inuasoris, ut quidam referunt.*

*M Leo Nonus in summum Pontificem eligitur an. Domini 1049. antea vocatus Bruno Tullensium Episcopus Hugonis filius Comes de Dagsburg, &c. Monachus Tullensis Congregationis Cluniacensis ex nobili Francorum prosapia oriundus Idibus Februarij: fuit Romæ consecratus, audita prius Angelorum voce cantantium:*

*Ego*

*Ego cogito cogitationes pacis & non afflictionis.*

---

A Gregorij itaque Pontificis, qui ab eo educatus, ac Subdiaconus ordinatus, nunc autem in Romana Vrbe culmen Apostolicū tenens, Christi Ecclesiā verbis simul & exemplis illustrat, didici relatione, quæ narro. Cuius vtique verbis ita me credere oportet, ac si ego in præsentiarū affuissem, oculisque vidissem. Dum quodam tempore prædictus Leo venerabilis Pontifex Ecclesiasticis intentus negotijs in Gallia moraretur; à quodam Abbate Monasterij, Sancti Confessoris Christi Remigij lignarium poculum benedictionis causa oblatum, suscepit: quod videlicet, pro amore tanti Pontificis valde diligebat, ac in eo refectionis hora in mensa sedens, aureis & argenteis posthabitis, bibere consueuerat. Igitur dum quadam die ad mensam sedenti pincerna ex more poculum vellet porrigere, quæ nescio negligentia tenentis de manu cecidit,

cidit, moxque confractum in partes est. Cum denique Beatissimus Papa, bis terque vinum requireret, & pincerna hac de causa venire differret, nunciatum est ei, quod poculum in quo bibere consueverat, de manu ferentis decidisset, fractumque fuisset; quod ille, audiens valde tristatus est, non tantum damno scyphi, quantum quod vase de Monasterio S. Remigij, benedictionis causa accepto, se frustratum cernebat: sibi que astantibus, fractum, mihi, inquit, scyphum afferte. Cumque sibi allatum fuisset, cernens utramque fracturam, omnipotentem Dominum deprecatus est, ut meritis B. Remigij fractum sibi scyphum, quem pro amore eius tantopere diligebat, restitueret. Moxque alteram partem alteri adiunxit: sicque eodem momento <sup>B</sup> solidatus est, ut nullum in eo, quod fractus fuisset, indicium remaneret: cunctis qui aderant admirantibus, ac in eius veneratione acclamantibus. Ille non suis hoc, sed B. Remigij meritis imputare cœpit: cuius de Mo-



nasterio, charitatis gratia, id munus  
acceperat.

---

*A.* Is fuit Gregorius Septimus antea Hil-  
debrandus natione Tuscus, creatus anno  
Domini 1073. obiit verò an. 1085. cuius  
sanctitas veneratur in Martyrologio Ro-  
mano, sub die 25. Maij, licet à schisma-  
ticiſ & hereticis ac præcipuè à Melchior-  
re Haiminsfeldio Goldaſto in ſuis conſtit.  
Imperial. edit. 1607. aduerſus Gregorium  
delatrantibus ſimonia inſimulatus fuerit:  
ad quam deinde calumniam depellendam  
Gregorius perceptione diuinæ Eucharistiæ  
ſuam probauit innocentiam, hortatus Hen-  
ricum Regem, in cuius gratiam calumnia  
illa conſtata fuerat, vt ipſe ſimiliter in te-  
ſtimonium innocentie quoad crimina, de  
quibus arguebatur, communicaret, inuo-  
cato in teſtem Chriſto, qui in Euchariftia  
percipitur, quod Rex malè ſibi conſcius  
noluit facere. Poſtrema morientis Gre-  
gorij verba fuere: Dilexi iuſtitiam, &  
odiui iniquitatem, propterea morior in  
exilio. Pro Greg. pugnant Baron. an. 1085.

Ni-

*Nicol. Sander. de visib. Eccl. Mon. Genebrar. in Chronich. Sigon. de Regno Italia: præterea ad quinquaginta testes innocentie Gregorij producit Gretserus in apolog. pro Sanctissimo Gregorio Septimo. Consule etiam Marianum Scotum, & Lambertum Schafnaburg. qui illis ipsis temporibus claruerunt, & acta pura ac germana Gregorij per singulos annos digesserunt.*

*B Sancti Leonis Papæ de fracto calice miraculum recitatur etiam apud S. Brunonem Episcopum Signens. in vita Leonis, & Baron ann. Domini 1049. nu. 28.*

*Theophilus: In hoc utriusque, alteriusve miraculo, illud B. P. Benedicti de relicet dissimili, similiter audio, primū renouari miraculum, dum in partes diuisum reiūnxit capisterium.*

*Greg.  
lib. 2.  
dialog.*

*Desiderius: Interim te, charissime frater, silere oportet, quatenus intentus animo ad hæc de illo maiora cognoscas. Alio itaque tempore (sicut mihi præfatus Papa Gregorius retulit.) Quidam Galliarum Episcopus, ab eodem Pon-*

tifice Leone fuerat Episcopi honore  
suspensus; cuius quidam Presbyter, Gi-  
bertus nomine, facundus sermone, &  
litteris haud mediocriter eruditus, eidē  
promiserat Episcopo, se Romam veni-  
re, atque callidis suis assertionibus eun-  
dem beatū Pontificem decipere, eique  
sublatum officium restitui impetrare:  
sicque ab eo accepta pecunia, Romam  
venit. Cumque se Beatissimo Pontifici  
præsentasset, cœpit se huc illucque vt  
callidus serpens vertere, Episcopum  
suum verbis Rhetoricis excusare, blan-  
dis & humillimis precibus, vt interdi-  
ctum officium iniustè, vt assererat, abla-  
tum deberet restitui, flagitare. Sed cum  
id quod petebatur, sibi denegatum  
fuisset, nec eum vt sperauerat, decipe-  
re posset: ne ad Episcopum suum, à quo  
non parvam acceperat pecuniam sine  
effectu reuerti videretur, aliud exquisi-  
uit ingenium, adiit Apostolicæ Sedis  
Cancellarium, eique oblato pretio per-  
suasit, vt sibi furtiuas litteras, & Apo-  
stolico sigillo signatas, ad suum Episco-  
pum



pum deferendas tribueret, quæ & Episcopale officium, & gratiam Apostolicæ Sedis sibi redditam significarent. Quæ res Beatū Leonem minime latuit, moxque prædictū Presbyterum aduocans, accepta quam obtulerat pecunia, eique in manum mittens, dixit; pecunia tua tecum sit in perditionem, quia donū Dei furtim tentasti pecunijs possidere. Cuius sermonem diuina ultio mox secuta est, ita vt amissa <sup>4</sup> mente ab illa die vsque nunc, vbique vagabundus, incedat, nec vlla domus, vel claustra, ultra duos vel tres dies eū valeant retinere. AA. 8.

Qua de re apertè datur intelligi, quod quisquis temerario ausu, vel decipere, vel ad iracundiam prouocare tentaue-rit eum, qui in iustis habitat proculdubio Dominum offendit: cuius & vindicem iram in se sentiat, quam non expertam temere deuitare neglexerat.

*Theoph.* Ita est vt asseris, sed quæso te, de virtute tanti Patris, si qua adhuc occurrunt animo, incunctatè prosequere.

*Desiderius*: Dum beatissimus Pontifex <sup>B</sup> Leo quinque per annos diuinitus sibi concessum Sacerdotium, piè ac religiosissimè administraret, ab hac instabili luce ad Christum, qui vera & æterna lux est, cœlorum lætantibus ciuibus, Angelicis subuectus manibus, cōmigravit. Et illi quidem Paradisus paruit Sanctorum recepto consortio. Sed infelix mundus, qui talem Pontificem, diu habere non meruit. Cuius post obitum multa & magna ad eius tumulum, alijsque in locis per eum Domino tribuente claruere <sup>C</sup> miracula. E quibus omissis cæteris duo tantū (quia ad aliorum gesta narranda festino) ædificationis gratia huic libello subnectam.

Victor <sup>D</sup> Papa, qui in regimine Sacerdotali ei successerat (sicut à veridicis viris nobis relata sunt) audita fama miraculorum eius, quod per eum Dominus talia operaretur, fidem non accommodabat. Sed quia vt ait Apostolus: *Lingue in signum sunt non fidelibus sed infidelibus*. Omnipotens Dominus expe-

1. Cor.

14.

experimento eum docere voluit, quæ audita à pluribus minime credere volebat.

---

A. Refertur etiam hoc miraculum à Baron. ann. Domini 1049. nu. 29. Gravitatem verò criminis simonia demonstravit pariter etiam supplicium Iustini Imperatoris, qui in phrenitidis morbum, & insaniam incidit: ità ut nihil quicquam earum rerum, quæ fierent, intelligeret. Niceph. 17. hist. cap. 33. & 39. Antiochus quoque huiusmodi supplicio punitus refertur 2. Mach. 9. Cur igitur nō dissoluuntur renes eorum formidine, qui modò non timeant, sed perfricta fronte impietatem profitentur; dum hi, qui in persuasibilibus humanæ sapientiæ verbis confidunt, tamquam phrenetici, ac mente capti deinde conspiciantur, verumque experiantur illud dictum: Homo per ea quæ peccat, per eadem torquetur. O quam terribilis Deus in consilijs super filios hominum.

B. Obijt S. Leo Nonus Pontifex Max. anno Domini 1054 die 19. Aprilis feria



*tertia, & in Martyrol. Rom. inter Sanctos adscriptus, cum tenuisset Pontificatum annos quinque menses duos, & dies octo.*

*C De miraculis Sancti Leonis tam in vita, quam in morte patratis, vide S. Brun. Signien. Episcopum in vita Leonis, VVibertum Archidiaconum coetaneum dicti Leonis, Ostiensem in Chron. lib. 2. cap. 86. & 88. Baron an. Domini. 1049. & seq. Qui Sanctus Pontifex inter innumera sue bonitatis insignia quamdiu Romae remoratus est, omni tempore tribus per hebdomadam diebus à Lateranensi Ecclesia usque ad S. Petrum priuato habitu nudisque pedibus cum duobus, aut tribus Clericis nocte psallendo, & orando pergebat, affirmat. Ost. in Chron. dicti. lib. 2. cap. 88.*

*D. Victor Secundus creatur Papa anno 1055.*

---

*Curienfis quidam Episcopus, cuius nomen è memoria excidit, cum supra memorato Pontifice Victore à Germania veniens eius in obsequio Romae morabatur; hic puerum ab utero matris*

mutum habebat, quem pro mercede animæ suæ pascens ac vestiens, quocunque ibat secum ducere consueuerat, in cuius vacuo ore nec indicium quidem linguæ inesse videbatur. Qui etiam Episcopus ex mirabilibus ad B. Leonis tumultum patratis, similiter vt Papa, incredulum animum gerebat. Cum igitur quadam die ad Sedem sui Episcopatus, iam accepta licentia, reuerti decreuisset; Ecclesiam B. Petri Apostoli orationis gratia ingressus, postquam B. Petro se attentius commendauit suis cū clientibus, equis ascensis, puero in eadem Ecclesia oblito, festinus viam, quæ eum ad suam ducebat patriam, egressus Vrbe, gradiebatur. Cum itaque longiusculè adhuc esset ab Vrbe profectus, repente ei in memoriā redijt quod mutum puerum in Ecclesia B. Petri reliquisset. Qui mox substitit, ac famulos suos, à quibus puer reduci deberet, quosdam remisit. Igitur cum illi Apostolorum Principis Basilicam essent ingressi, conspiciunt puerum ante tumultum B. Leonis

nis stantem, atque cum his, qui circum-  
stabant, loquentem. Illis itaque miranti-  
bus & qualiter hoc sibi euenisset, quæ-  
rentibus, puer inquit: Postquam Domi-  
nus meus hac in Ecclesia me relinquens  
discessit, huc ad sepulchrum B. Leonis  
me contuli, si fortè omnipotens Domi-  
nus officium, quo carebam vocis, meri-  
tis eius mihi restituere dignaretur. Nec  
sum meo, quod corde poscebam, voto  
fraudatus, sed mox vt ante eius vene-  
randam memoriam lachrymans aliquan-  
tulum prostratus iacui, illico recepta  
& voce loquens, vt ipsi videtis, surrexi.  
Ab illa itaque die, quod mirabilius est,  
cœpit in ore eius lingua, quæ defuerat,  
paulatim crescere, ita vt intra paucos  
dies pleno ore linguam perfectè reci-  
peret, & verba sine impedimento sona-  
ret. Denique qui missi fuerant curare-  
runt puerum ad Episcopum ducere, &  
quem tacentem reliquerat, Beati Leonis  
suffragantibus meritis ei loquentem ad-  
ducunt. Regressus igitur Episcopus Ro-  
manum Pontificem adiit, & quid om-  
nipo-



nipotens Dominus per B. Leonem operari dignatus fuisset, ostendit. Ex tunc cœperunt ipsi eius veneranda merita, cunctis prædicare, quæ alijs antea referentibus non patiebantur audire.

---

*A* Cui nomen erat Diethmarus, qui ipse Kalendis Februarijs anni à nato Christo 1040. Episcopatu Churiensi posito Rætiae ad Rhenum fluvium præficitur, & obiit anno 1070. cum triginta annis laudabiliter ac utilissimè præfuiisset. Vide Guilimannum lib. 4. de rebus Helvetiorum, cap. 2. & Chron. Ioann. Gualteri.

*B* Hoc grande miraculum de curato muto refertur etiam à Baron. anno Domini. 1054. num. 45.

---

*Theophilus*: Placent quia mira sunt, sed magis quia nova sunt.

*Desiderius*: Illustris vir Maximus, Romanæ Urbis civis, nuper retulit mihi de eodem venerabili Præsule, quæ narro. Bernardus quidam pessimæ mentis miles extitit, qui Apostolicæ Sedi contra-

rium

rium se in omnibus, quibus potuit, modis exhibebat. Sed in bello, quod à vicinis circa Urbem manentibus, coniurantibus cum <sup>A</sup> Cadaloo Parmensi Episcopo, qui tunc Apostolicam Sedem inuadere tentabat, cum militibus qui Romanam Ecclesiam defendebant, commissum est, iusto Dei iudicio confossus interiit. Hic igitur audita fama miraculorum, quæ omnipotens Deus meritis B. Leonis fidelibus populis exhibebat, non solum non credebatur, verum etiam ore sacrilego deridebat & blasphemabatur. Cum denique quadam die in conventu appareret populi, & sermo inter eos de signis, & virtutibus Beati Leonis exortus esset, coepit irridere dicens: Si Sanctus est, vt dicis, contrahat mihi digitum meum, cumque compesceretur ab ijs, qui astabant, ne de Sancto viro talia loqueretur, dimisso conventu discessit. Cum ecce forte canis qui eum sequebatur, suam in platea inuentum inuasit. Ille vero ne porcus discerneretur, festine cucurrit, & iniecta manu

canem tenere voluit: sed mox porcus  
hianti ore digitum eius *B* momordit,  
sicque ab illa die omni tempore quo vi-  
xit digitum contractum habens, nulla-  
tenus eum extendere potuit. Vnde fa-  
ctum est, vt qui Dei famulum irridere  
præsumperat, ipse contracto digito,  
omnibus derisui haberetur. Hæc de  
tanto Patre *B. Leone* dicta sufficiant, vt  
quia ad aliorum narranda gesta prope-  
ramus, alij, cui otium est, quæ multa de  
illo & mirabilia dicuntur, scribenda  
relinquamus.

---

*A De Cadaloo. Vide Baron. ad an. 1064.  
num. 29. 30. & seq.*

*B Derisor Sancti Leonis dat pœnas, vide  
Baron. ann. 1054. nu. 46.*

---

Quod Dominus in Euangelio dicit:  
Pater meus vsque modo operatur, & ego *Ioan. 5*  
operor, quotidie cernimus adimpleri, *vers. 17*  
& antiqua nouis temporibus miracu-  
la innouari. Hæc itaque quæ dictu-  
rus sum, adeo clara sunt, vt non solum  
in



in Florentina Dioecesi, in qua facta no-  
scuntur, verumetiam in tota Tuscia, ac  
in Vrbe, quæ caput mundi est, Roma,  
constet esse notissima.

4. Petrus quidam Clericus est, qui  
occultè data pecunia regio adminiculo  
in prædicta Florentina ciuitate Cathe-  
dram Episcopatus accepit. Cum deni-  
que à Clericis & populo, vt Episco-  
pum decebat, benigne fuisset susceptus,  
post non multum spatium temporis <sup>B</sup> fa-  
ma per eiusdem Episcopatus Dioecesim  
increbuit, quod simoniacæ hæresis pe-  
ste fædatus, quod gratis, Domino iu-  
bente, accipere & dare statutum est,  
pecunia mercatus fuerit. Cumque tam  
horrenda, & tam execranda fama pri-  
mitus ad Religiosorum, dehinc ad au-  
res vulgi peruenisset, cœperunt se plu-  
res ab eius communione subtrahere:  
C Romanoque Pontifici quæcunque  
super hac re cognouerant, diuino exar-  
descende zelo, studuerunt intimare.  
Qui Episcoporum concilio congrega-  
to, eundem Episcopum, vt rem diligen-  
ter

ter agnosceret, conuocauit. Sed cum se Synodo præsentasset, accusatoribus vndique acclamantibus, sacramēto sese purgare nitebatur. Cumque coram præsentibus res aliquantulum agitata fuisset, datæ induciæ sunt, vt per easdem forsitan inductus diuinum expauescens iudiciū, quod pertinaciter negabat humiliter confiteretur, quatenus ab æterno non remoueretur altari, si ab hoc præsentī, cui ministrare iustē non poterat, se abstinuisset. Interim populus in duas diuiditur partes, quarū altera, quæ amorem Dei muneribus præferebat, Clericos & religiosos Monachos, qui contra Episcopum rem comprobendam susceperant: altera quæ munera & fauorem diligebat, Episcopum est secuta. Cum crebro igitur inter se altercaretur populus, & altera alteri obstaret parti, in tantum exorta augebatur contentio, vt inter se dimicantibus sæpe etiam vsque ad effusionem sanguinis venirent. Cumque hæc diutius agerētur & neutra pars parti cederet, <sup>D</sup> Ioannes Reuerendissimus

simus Abbas Monasterij, quæ Vmbrosa Vallis dicitur, sæpe ad hunc conflictum aduocatus, zelo Dei ductus suis cum Monachis veniebat, qui exhortando, prædicando, diuini examinationem iudicij intentando, Episcopum admonere non cessabat, quatenus ex perpetrata culpa poenitentiam ageret, & Sacerdotio minime legaliter acquisito, humiliter cederet, nec sibi suisque subiectis, quibus incremento esse debuerat, detrimento foret. Illud de Euangelio ei sæpe proponens, quomodo Dominus Iesus vendentes, & ementes columbas de templo proiecerit, cathedrasque subuerterit, & æs numulariorum effuderit, videlicet demonstrans, vt quicumque Spiritus sancti donum, quod per columbam significatur, ductus avaritia; vel vana gloria elatus, pretio acquirere, vel vendere tentauerit, ab illo coelesti templo & æterno altari se proculdubio eliminandum nouerit. Sed ille nihilominus præsentis vitæ honoris cupidus pro nihilo monita. Sancti viri ducebat,



bat, immo potius pertinaciter & armis  
& verbis, omnibusque modis quibus po-  
terat, se defendere nitebatur. Cumque  
idem venerabilis Abbas incassum pro-  
cedere sua verba videret, vtraque parte  
populi aduocata: Quoniam, inquit, ver-  
ba non profunt veniamus <sup>E</sup> ad signa.  
Construatur rogos & igne supposito ac-  
cendatur, per quem vnus è nostris ingre-  
diatur, vt vtrū vera, an falsa sint, quæ de  
Episcopo dicimus, Domino discernētē,  
probetur. Placet vtrique parti sentētia.  
Rogus mox duodecim <sup>F</sup> pedum mensu-  
ra cōstruitur: intra quem parua semita,  
qua vnus tantū hominis persona transi-  
re posset, relinquitur: quæ etiam ex ac-  
censis lignis, ne ibi aliquis locus à flāma  
vacaret, consternitur. Interim autem  
dum hæc præparantur, præfatus Ab-  
bas Ioannes <sup>G</sup> Petro suo discipulo, re-  
uerēdissimo videlicet viro, qui postmo-  
dum in Albanensi vrbe Episcopus ordi-  
natus est, quique etiam adhuc superest,  
eandem Ecclesiam regens, præcepit, vt  
indutus sacris vestibus omnipotēti Deo

K

fa-

sacrificium offerret: & sic demum confusus de misericordia Dei per accensi rogi flammam indubitanter intraret. Qui iussis Patris obtemperans, postquā sacrificium Deo obtulit, casulam se expolians, ad ignem venit, & magna voce: Oro, inquit, Deus omnipotens, si Petrus, qui Episcopus dicitur, simoniaca est peste foedatus, ne Ecclesia tua amplius polluat, iudicio sancti Spiritus tui ostende virtutem, illaesus me per hunc ignem transire concede: quod si nos fallacia pleni, causa inuidiae ducti, hanc contra eum tulimus quaestionem, ardor istius ignis me tua gratia derelictum consumat. Hæc dicens & sanctæ Crucis se signaculo muniens per medias flammam constanter ingressus est. Cum igitur vndique esset flammis circumdatus, ita ut à nemine prorsus videretur, & omnes eum iam consumptum putarent, subito ex alia parte, Christi comitante gratia, egrediens profiliuit: ita ut non modo vestimenta eius, sed ne capillus quidem læsus ab igne in aliquo

vide-

videretur. Sed vt idē venerabilis vir  
 postea referebat, cum per medias flam-  
 mas graderetur, <sup>H</sup> mappula de manu  
 eius cecidit: cumque iam pene egrede-  
 retur ex igne, vidit se mappulam in ma-  
 nibus non gestare, ac in ignem sibi eam  
 cecidisse cōsiderans, per medias iterum  
 flammās reuertitur, & secum mappulam  
 extrahens reportauit. Tunc omnes qui  
 aderant, viso tam maximo, tam obstu-  
 pescendo miraculo, immensas Deo gra-  
 tias agentes, mox diuersa pars vna effe-  
 cta; præfatum Episcopum de Ecclesia  
 pellunt: qui postea <sup>K</sup> poenitentia ductus,  
 mutata veste sub sanctæ conuersationis  
 Regula religiosam agere vitam visus est.

*A. Petrus Ticinensis cognomento simo-  
 niacus, Theuzonis Mediæbarbæ filius inijt  
 Episcopatum, anno Domini 1062.*

*B. Petri simoniam detexisse eius patrem  
 narrat Andreas Ianuensis in actis Sancti  
 Ioannis Gualber. cap. 62.*

*C. Cuius rei epistola grauißima extat po-  
 puli Florentini. Alexand. II. Papæ scripta,*

K 2 qua



*qua totius rei ordo & veritas continetur.*

*D Hic fuit Sanctus Ioannes Gualbertus Abbas Vallis Vmbrosæ cuius sanctitas veneratur in Martyrol. Rom. sub die 12. Iulij.*

*E Propter incredulitatem humanam deficientibus alijs humanis ad veritatem eruendam subsidijs præcedente tamen legitima accusatione in tribunalibus, examinatio per ignem antiquitus admittebatur, ut observari licet in Luone Carnot. epistola 74. 205. 251. 252. 254. 280. & in Rosoveid. lib. de fide hæret. seru. cap. 12. Unde appellabatur diuinum testimonium, ut in epistola 232. Arnulphus accusatus in Synodo Remensi c. 30 Meumque vernaculū Episcopis tradam, qui per ignitos vomeres incedens, Deum de te iudicare manifestis declaret indicijs. Sic Copres per ignem fidem catholicam veram esse probavit lib. 2. cap. 9. in vit. Pat. edit. à Rosov. Andreas etiam Spoletinus Franciscanus in Mauritania Fossæ Rege, & Principibus spectantibus, ut ostenderet Christi doctrinam, quam prædicabat, veram esse, flammis circumdari non renuit, & inter*

inter illas diu permansit illæsus. Franciscanus quidam pariter, & Hieronym. Sa-  
uonarola Florentiæ in ignem periculum  
facturi ingredi parati erant. Vide Petrum  
Delphinum lib. 4. epist. 68. ad Petrum Ba-  
rotium data die 15. April. 1498.

F De latitudine, longitudine ac altitu-  
dine rogi exstructi. Vide Thomam Boz. de  
sign. Ecclesiæ lib. 9. sign. 35. cap. 5. §. 18. &  
Ant. Ypes Chron. cent. 6. cap. 4. tom. 5.  
S. Atth. Sancti Antoninum 3. part. tit. 15.  
cap. 17. §. 5. Gononum & Surium in vita  
Sancti Ioannis Gualberti, aliosque aucto-  
res apud Didacum de Franchis in histor.  
Monast. Vallis Umbrosæ lib. 11.

G Hic fuit ex nobilissima Aldobrandi-  
norum Familia tantæ humilitatis, ut vac-  
carum custodiam in Cænobio libenter ac-  
ceperit, qui postea ob illustre ignis prodi-  
gium Petrus Igneus dictus est: deinde vero  
renunciatus Episcopus Cardinalis Alba-  
nensis, & in catalogo Beatorum, sub die 8.  
Ianuarij Martyrolog. Bened. adscriptus,  
vide Baron. ad ann. 1063. nu. 57.

H Mappulæ Ordo Romanus appellat; qua

*pituita oculorū, narium, & oris detergebatur; alij sudarium, & cingulum brachiale.*

*1 Contigit hoc prodigium, seu vt potius dicam, Babylonium miraculū præsentibus omnibus Clericis & laicis promiscui sexus & ætatis ferè ad octo millia in Septimiano Cænobio quinto ab vrbe Florentina miliario distante, anno Domini 1063. die 16 Febr. quarta feria in prima hebdomada quadragesimæ. Meminit huius facti Baron. in annal. d ann. sed prolixè narratur in vita S. Ioannis Gualberti, & in Thoma Bozio de signis Eccl. lib. 9. sign. 35. cap. 5. Ad lauam Maioris Ecclesiæ Monasterij inspicitur locus, quo Petrus per ignem illæsus pertransijt, ibique ad futuram facti memoriam nonnulli versus incisi leguntur; immo, mirabile dictū, ex prædicto loco tantam odoris fragrantia emanare ad hæc vsque tempora testantur Monachi in prædicto Cænobio cōmorantes, in signum miraculique euidentiæ, vt omnes penè mirentur de tam ingenti odoris suauitate dispersa.*

*K Aded aquo animo Petrus iustissimam tulit sententiam, vt etiam tonsus intra Septimia-*



*ptimianum claustrum voluerit vitam monasticam profiteri. Vide Abb. Vghellum sacrarum historiarum excellenti cognitione ac peritia insignem in sua Italia sac. tom. 3. in Episc. Florent.*

---

*Theoph.* Vt lætando miror, & mirando lætor, quod mediocritatis nostræ tempore illud antiquum, & gloriosum trium puerorum miraculum intueor, cum de camino æstuantis incendij integri, & incorrupti toto corpore prodierunt.

*Desiderius:* Venerabilis Gregorius Papa, cuius superius memoriam feci, quid contra eandem simoniacam hæresim, se præsentē Dominus ostendere voluit, sæpe mihi solitus est referre. Cum essem inquit, Subdiaconus, & à beat. mem. Victore huius Apostolicæ sedis Pontifice, in Galliam pro Ecclesiasticis negotijs discutiendis essem transmissus, curæ mihi fuit, Episcoporum conuocare Concilium, vt illis coram positis de Ecclesiasticis negotijs tractaremus. In eadem vero ciuitate in qua Synodus

agebatur, Episcopus erat, qui pretio honorem cōparasse Episcopatus à multis infamabatur. Igitur vocatus Episcopus venit ad medium. Cum ergo eum exhortari salutaribus monitis cōpissimus, ut quæ sibi opponebantur, conscientia iam fatente, humiliter confiteretur. Ille, tum quia eiusdem ciuitatis erat Episcopus, tum quia fretus auxilio Comitum terræ ipsius, plenus superbia omnino verba nostra vilipendebat. Sed cum à nobis & à cæteris qui aderant Episcopis sub iustitiæ regula, se quod non sperauerat, constringi conspiceret nec effugiendi haberet licentiam negare pertinaciter cōpit, quod ante vix audire dignabatur. Cumque verba producerentur in longum & maximum diei spatium esset consumptum, & ille nihilominus in sua pertinacia negando persisteret hoc modo eum cum cæteris qui aderant religiosis Episcopis nobis adiurare visum fuit & totum iudicium in ostensione Spiritus sancti committere; In nomine inquam, Patris & Filij & Spiritus

ritus sancti, cuius donum gratiæ te cō-  
 parasse audiuius : vt huius rei nobis  
 veritatem edisseras, adiuramus. Quod  
 si amplius vt cœpisti negare tentaueris,  
 Spiritum sanctum, donec, quæ vera  
 sunt confitearis, nominare non valeas.  
 Qui Episcopus cum abunde eloquens  
 esset, & à nobis exoraretur, vt Spiritum  
 sanctum nominaret, Patrem quidem &  
 Filium, satis diserte nominabat, Spiri-  
 tum vero sanctum, mirum in modum  
 & nominare nullo modo poterat. Tunc  
 omnibus, qui aderant, luce clarius pa-  
 tuit, quod honorem Episcopatus dato  
 pretio emerat qui non nisi Spiritus san-  
 ctis gratia largiente tribuitur. Tunc Spi-  
 ritus sancti virtute tremefactus Episco-  
 pus, humiliter coram omnibus confiteri  
 coactus est, quod ante inflatus superbia  
 Dei timore postposito procaciter ne-  
 gare præsumpserat.

*Theophilus:* Cum Pater, & Filius, &  
 Spiritus sanctus vnum sint, nec aliud de  
 Patre & Filio, quam de Spiritu sancto  
 sentire fas est: cur in Patris & Filij vo-  
 cabu.



cabulis proferendis solutam atque disertam, in solo vero Spiritus sancti nomine, quasi præcellenti, linguam mutam & omnino habuit colligatam.

*Desiderius* : Iusto Dei iudicio contingit, ut qui donum Spiritus sancti gratiæ, quod gratis & datur & accipitur, lingua placitante mercatus est, in proferendo Spiritus sancti vocabulo specialiter <sup>B</sup> linguæ officium non haberet.

<sup>A</sup> Vide Baron. tom. II. an. Dom. 1055. num. 17. cui prodigio interfuit etiam Hugo Abb. Cluniac.

<sup>B</sup> Idcirco Spiritus sanctus non potuit exprimi à simoniacò, quia ei appropian-  
tur dona gratiæ, in quæ simoniacus est  
iniuriosus vendens illa. Ex hoc discant qui  
per pecuniam ad dignitates Ecclesiasticas  
prouecti in templo Dei sedent, quàm scē-  
dum, quàm enorme, quàm horrendum sit  
simoniæ flagitium : meminerint, omnia  
crimina ad comparisonem simoniacæ hæ-  
resis quasi pro nihilo reputari, & à Diuo  
Ambros. culpam inexpiabilem nuncupari.

Vti-

*Vtinam seculi nostri mores talia non parerent monstra, & tolleretur è medio quātocyus, verbis vtor Petri Damiani, tartareæ amaritudinis aconitum, ne, quod absit, ferale venenum influat paruulorum.*

---

4 Alferius Abbas Monasterij sanctæ Trinitatis ab ipso in latere montis ædificati, qui inter Salernitanam & Amalphitanam ciuitates præeminet mari, extitit: cuius religiosam ac Deo amabilem vitam, & ipse ex parte vidi, qui apud eum aliquantulum familiariter mansi & alijs referentibus agnoui. Miraculum verò, quod diuina virtus in eo operari dignata est, quodque à quampluribus didici, æquum est silentio non transire. Denique dum quadam pro vtilitate Monasterij Salernitanam urbem adiret per viam præcisi montis gradiens deorsum cum equo, quo sedebat, per immane præcipitium cecidit: quod tanta altitudine mari superiacet, vt quinquaginta & eo amplius passus in altum prætendi videatur. Dum igitur qui cum eo pergebant,

gebant, illum sine dubio extinctum putarent, nimium tristes ac flentes, per quoddam diuerticulum ad mare, si saltem illū aliquo modo inuenire possent, vt sepulturæ traderent, descendere curauerunt. Cum autem sub radice montis molles iuxta littus maris calcantes arenas festinanter ad locum quo ceciderat, pergerent, inuenerunt eum in via sanum & incolumem, equo, cum quo ceciderat, insidentem, Salernum prope-  
rè coepto itinere tendere. Cumque illi obstupefacti, qualiter res euenisset, omnino nequirent perpendere, coeperunt Deo gratias agere, vocesque quasi tumultuantes in altum leuare. Sed ab illo repente compressi præceptum audiunt: Si meis, inquit, benedictionibus frui vultis, nulli quamdiu vixero, quæ ex me vidistis, dicatis.

Dicitur etiam de illo: quod mortuū suscitauerit: quod videlicet illis, qui eum, eiusque vitam ad liquidum nouerunt incredibile minime videtur.



*A* Quieuit in pace S. Alferius Salernitanus Monachus Cluniacensis primus Abbas Monasterij Cauensis, & discipulus Sancti Odilonis, anno Domini 1050. pridie idus Aprilis, de quo Baron. dict. anno, num. 16.

---

*A* Leo Abbas, qui ei in Monasterij regimine successit, sub eius magisterio educatus eius in obsequio Præposituræ officium gerens, qui præ cæteris fratribus ei familiariter adhærebat, nuper mihi retulit. Quia quodam tempore seculares viri, ut eius orationibus fruerentur, visitationis gratia ad ipsum venerunt. Quibus post spirituales, corporalem etiam refectiorem præbere cupiens, præfato Leoni, suo videlicet Præposito, præcepit charitatis causa mensam eis apponere & prandium præparare. Qui nihil aliud præter panem & vinum, & quinque ova gallinacea, quod eis ad manducandum præbere posset, se habere respondit: sed qualiter inter eos ipsa ova diuidi deberent, igno-

ignorare: erant illi utique septem. Cui, ille, Festina inquit, quantocyus; & eadem oua igne adhibito præpara, mihi-que ut eis apponam deporta. Cucurrit ille, & sicut sibi fuerat imperatum, oua decoxit, eique ut præceperat detulit. Qui accipiens, benedixit, & ex quinque ouis, septem viris, quod mirabile est, singulis singulæ præbuit.

---

*A* Successit S. Alferio Leo eius discipulus, & sanctitate proximus, refert Baron. anno 1050.

---

*Theophilus*: Cum septem distributa hominibus sic augeri quinque oua considero, ut singuli singula æquali sorte accipiant, illud quodammodo miraculum video, quo Auctor omnium de quinque panibus quinque millia hominum saturavit.

*Desiderius*: Amita Patris mei, Bella nomine, in Monasterio Beati *A.* Petri Apostoli intra Beneuentanam urbem, posito, in Sanctimoniali habitu à primæuo

mæuo iuuentutis floreſque ad vltimam  
 ſenectutem degit. Quæ cum eſſet de-  
 ſponſata viro, occultè de domo paren-  
 tum fugiens ad Monasterium conten-  
 dit, ibique virginitatem ſuam omni-  
 potenti Domino dicauit: & quia terrenum  
 in terra ſponſum habere contempſit,  
 proculdubio meruit habere cœleſtem  
 in cœlis. Ipſa mihi ſolita erat referre de  
 Abbatiffa ſua quæ *B* Offa dicebatur:  
 Quia in monte qui Sanctæ *C* Agathæ  
 Martyris dicitur, prope Capuanam  
 urbem, antequam regimen Monasterij  
 ſuſciperet, longo tempore habitauerit,  
 ibique vitam Eremeticā duxerit: dehinc  
 Monasterij ſuſcepto regimine, quadam  
 nocte ſororibus adhuc quieſcentibus  
 Oratorium ingreſſa accepit *D* thuribu-  
 lum, vt more ſolito, thura adoleret alta-  
 ribus. Cumque itaque thus in thuribu-  
 lum mittere vellet, è manu eius cecidit  
 & lampade à vento extincta thus inue-  
 nire non valuit. Repente vero quidam  
 iuxta illum aſtitit, & tenens manū eius,  
 thymiama, quod in thuribulum poſue-  
 rat,



rat, dedit. Tantus igitur odor ex illo incenso thymiamate emanavit, vt per totum quod reliquum erat noctis, vsque ad horam diei tertiam nō solum Ecclesiam, sed etiam omne illud Monasterium mira suauitate repleuerit. Ex qua re sine dubio datur intelligi, quod Angelus Domini fuerit, qui illud thymiamata tanti fragrantiae odoris tribuerit.

---

*A Theodata seu Theodorada Ducis Romualdi uxor ann. Domini 682. adiunxit Ecclesiae Sancti Petri Monasterium Monialium magnae deuotionis, cuius vestigia adhuc vsque tempora videntur ad radices montis Sancti Felicis, Paulus Diac. de gest. Longob. lib. 6. cap. 1.*

*B Vixit Offa circiter annum Dom. 1076*

*C Vide Sancti Capuan. Mich. Monachi in not. ad S. Offam.*

*D Ob suam tantum deuotionem, sola, ac secretò altare cum odoribus circumibat. Rem istam paululum diuersè à Desiderio narrat etiam Petrus Damiani lib. 8. epistola 5.*

Hæc

Hæc eadem religiosissima Abbâtissa dum multa per tempora sollicitè virginibus præfuisse verbis & exemplis sibi commissas Dei famulas instruere non cessans, languore tacta corporis venit ad mortem. Cumque in extremo posita, iam propè esset, ut Christo, cui seruierat, animam reddere deberet, videntibus cunctis qui aderant è lectulo se quasi ad mensuram trium cubitorum in aëre eleuans, expansis in coelum manibus stetit. Et facta oratione, iterum se in lectulo collocans, vltimum spiritum exhalauit. Sed ex hoc quantæ fuerit abstinentiæ dignosci potest, quæ dum infirma iaceret in lectulo, & à multis honestioribus viris ac mulieribus, visitationis grâtiâ ad ipsam venientibus, ut aliquantulum cibi, quo infirmum corpus sustentaretur, caperet, rogaretur, illa desueta delicijs: si aliquid, inquit, mihi de infusis leguminibus attuleritis, forsitan aliquantulum inde potero degustare. O abstinentia in foemina prædicanda, quæ in infirmitate posita, in-

fufis leguminibus pro fummis etiam delicijs utebatur! Quæ cum fuiffet defuncta, & in Ecclefia fepulta, quadam die ruficus quidam frumento onuftus per eandem Ecclefiam tranfiens, fupra fepulchrum eius, paruipendens cuius meriti effet, quæ ibi fepulta iacebat, faccum cum frumento depofuit, & fefus vt aliquantulum paufaret, iuxta confedit. Repente igitur faccus diuinitus de eodem fepulchro fublatus longèque proiectus, omne illud, quo plenus erat, frumentum paffim per eandem Ecclefiam fparfit. Ruficus ergo vehementer contritus, ab illa die didicit; quantum Dei homines in corpore venerandi fint, cum extincta illorum corpora ac in fepulchro pofita, ne ab aliquibus paruipendantur, diuina fibi virtus voluit demonftrare.

Alter quidam nobilis vir de eadem Beneuentana vrbe nescio qua caufa Monafterium aduentarat, ac nescius, forte eius fupra fepulchrum confederat: cum fubito tantus dolor vifcerum

cum



eum inuasit vt vociferans atque eiulans,  
 se eadem hora moriturum putaret. Ad  
 cuius vocem, quæ in Monasterio erant  
 virgines protinus cucurrerunt, eique  
 cuius esset sepulchrum supra quod se-  
 derat, indicauerunt. Qui pro ignoran-  
 tia venia postulata, meritis Dei famulæ  
 cœlitus meruit medicinam.

In eadem vrbe Monasteriū est, quod  
 Sanctæ <sup>4</sup> Sophiae dicitur, huic Casi-  
 nensi Monasterio subditum, in quo qui-  
 dam à pueritia sanctæ conuersationis &  
 magnæ humilitatis Monachus fuit, qui  
 infra annos adolescētiae nimio languore  
 preuentus ad extrema perductus est. Ad  
 cuius exitum congregati fratres, hymnis  
 & psalmis Deo coeperunt eius animam  
 commendare; Sanctorumque coetus in  
 eius auxilium attentius inuocare: qui  
 crescente languore defunctus est. Sed  
 dum ad lauandū eius corpus aqua præ-  
 paratur, per vnā ferè horam exanimis  
 iacuit. Cumque qui aderant, orationi &  
 psalmodiæ insisterent, subito corpus  
 eius omne contremuit, ac paulatim re-

uiuiscens cunctis mirantibus in lectulo  
 confedit. Dein interrogatus, cœpit illis,  
 quæ egressus de corpore viderat, refer-  
 re, dicens : cum anima mea vobis lita-  
 nias canentibus, Sanctosque Domini  
 inuocantibus, de corpore egrederetur,  
 mox ad preces vestras Sancti, quos in-  
 uocastis, meum in auxilium aduenerunt.  
 Cumque illi ab eo requirerent, si illos,  
 quos nunquam viderat, cognoscere po-  
 tuisset? respondit, Sanctū Benedictum,  
 & Sanctum Gregorium cognoui, B. Do-  
 natum, & Felicem cum reliquis, qui in  
 hac Ecclesia requiescunt, Sanctis, meum  
 in auxilium venire cōspexi. Inter quos  
 Beatus Mercurius patronus noster ve-  
 lut splendidum sydus rutilans videba-  
 tur : quem cum interrogassent, vtrum-  
 nam in hac vita esset moraturus? mini-  
 me, inquit, nam B. Mercurius hodie, se  
 ad me assumendum venire sponndit.  
 Quæ vt dixerat vera fuisse, rei exitus  
 comprobauit. Eodem namque die ex  
 hac luce substractus, ab illis proculdu-  
 bio est receptus, quos antea moriens,  
 suum


VICTORIS PAPÆ TERTII. 165  
suum in auxilium venire conspexit. Ego  
denique in eodem Monasterio positus,  
vnum ex illis, qui affuerant, testibus Si-  
cenolfum nomine, superstitem vidi; qui  
cuncta hæc vt dicta sunt se vidisse, &  
audiuisse profitebatur.

---

*A De Monasterio Sanctæ Sophiae, vide  
Leonem Ostien. lib. I. cap. 9. & Chronol.  
Archiep. Beneuent. Marij de Vipera.*

---

Huius Libri tertij finis, totusque quartus in M. S.  
Autographo Vaticanæ Bibliothecæ signato nume-  
ro 1203. qui Langobardorum literis descriptus, Casti-  
nensis Coenobij Patribus quondam vsui fuisse cogno-  
scitur, desiderantur.





THE HISTORY OF THE  
LIFE OF SAMUEL JOHNSON  
BY JAMES BOSWELL  
IN TWO VOLUMES  
LONDON: Printed by A. MILLAR, in Pall-mall.  
MDCCLXXVI.

THE HISTORY OF THE  
LIFE OF SAMUEL JOHNSON  
BY JAMES BOSWELL  
IN TWO VOLUMES  
LONDON: Printed by A. MILLAR, in Pall-mall.  
MDCCLXXVI.

THE HISTORY OF THE  
LIFE OF SAMUEL JOHNSON  
BY JAMES BOSWELL  
IN TWO VOLUMES  
LONDON: Printed by A. MILLAR, in Pall-mall.  
MDCCLXXVI.

THE HISTORY OF THE  
LIFE OF SAMUEL JOHNSON  
BY JAMES BOSWELL  
IN TWO VOLUMES  
LONDON: Printed by A. MILLAR, in Pall-mall.  
MDCCLXXVI.

THE HISTORY OF THE  
LIFE OF SAMUEL JOHNSON  
BY JAMES BOSWELL  
IN TWO VOLUMES  
LONDON: Printed by A. MILLAR, in Pall-mall.  
MDCCLXXVI.

RERVM, ET VERBORVM  
IN VICTORIS PAPÆ III.  
DIALOGORVM

Opusculo memorabilum  
index.

A



*Bstinentiæ atque obedientiæ  
insigne exemplum in Ianua-  
rio Monacho. 27.*

*Acto ex Comitibus Mar-  
sorū Episcopus Teatinus. 61.*

*Adam Monachus SS. Protum & Hyacin-  
thum die illis sacro videt, & alloqui-  
tur. III.*

*Agareni in Italiam transeunt, eamque  
depopulantur. 8. Ecclesias SS. Petri, &  
Pauli, sacrilego furore expilant. 9.  
Fundanam urbem incendunt. 9. Mona-  
sterium Sancti Benedicti in Campania  
situm obsident, atque illud diruere con-  
stituunt. ibid. Ab impio illo conatu di-  
uinitus prohibiti. II. In reditu ex Ita-*

L 4 lia

# I N D E X

*lia SS. Petro & Benedicto comminanti-  
bus illis naufragio pereunt . 13.*

*Agundia Sanctimonialis animam Step-  
hani Venetici instar columnæ igneæ cælum  
petere videt . 68.*

*Albericus Consul largitione filium in Pe-  
tri cathedram intrudit . 116.*

*Alexander II. Rom. Pontif. epota aqua,  
qua Ioannes Abbas post Missæ sacri-  
ficium manus lauerat , febre libera-  
tur . 19.*

*Alferius Abbas cum equo in præcipitium  
lapsus diuinitus seruatur incolumis . 155*

*Oua diuinitus ab eo multiplicata . 157.*

*Alix Diaconus . Eius ambitio . 50. Quo  
modo Ioānem Archidiaconum æmulum  
suum circumuenerit ? 51. Eligitur Ar-  
chiepiscopus Beneuentanus , sed à ciui-  
bus contumeliose repellitur . 53. Exul  
Deo vindice moritur . ibidem .*

*Apollinaris Abbas super aquas sicco ve-  
stigio ambulat . 6. Iamdudum fun-  
ctus sese videndum obijcit per quietem  
Bassatio Abbati, illumque & monachos  
ab imminente Agarenorum periculo li-  
be-*



R E R V M.

*berandos esse denuntiat . 10.*

*Ambitio Alicis quomodo punita? 53.*

*Angeli cantant ante consecrationem Leonis I X. 127.*

*Thymiana miræ fragrantia in thuribulum, quod Offa Abbatisa tenebat, infundunt. 160.*

*Angelus Monachus. Eius animam à Sancto Benedicto in cælum delatam demon queritur. 64.*

*Antonius Monachus ope Diui Benedicti pristinae sanitati restituitur. 71.*

*Aqua, qua vir Sanctus post Missæ sacrificium manus lauerat, salutifera. 19.*

*Aquam, qua Sacerdos peracto sacro manus abluit, curandis morbis bibendi mōs apud Græcos olim viguit. ibidem.*

*Aquensis Comes tyrannus ac inuasor bonorum Monasterij S. Benedicti. 103.*

*Arreptitij meritis Sancti Benedicti à demone liberantur. 86.*

*Arx S. Andreæ à Nortmannis occupatur. 106.*

*Athenulphus Abbas condueto milite prædia Monasterij aduersus Comitem Aquen-*

# I N D E X

*Aquensem tuetur. 103.*

*Atto Comes ad sepulchrum Raynerij monachi profectus pristinam valetudinem recipit. 109.*

*Azzo Sacram Beati Michaelis Archangeli Aedem à Saracenis dirutam restituit. 66  
Eius anima ab eodem Archangelo in cœlum assumitur. 67.*

## B

**B** Affatius Abbas ab Agarenis Monasterium eius obsidentibus nil damni se accepturum cœlitus obiecto visu fit certior. 10.

*S. Benedictus Agarenis, qui sacram eius adem diripuisse iactabant, exitium cōminatur. 12. Intercessorem apud Deum assiduum se fore discipulis suis pollicetur. 13. Per visum sese videndum obijcit Ioanni, eique Virgam pastorem trahit. 57. Eius opē Antonius Monachus pristinae sanitati restituitur. 71.*

*Monasterium Casinense ab incendio prodigiose liberat. 78.*

*Mal-*

# R E R V M.

*Malleus in precipitium delapsus eius  
meritis recuperatur . 81.*

*Arreptitij à demone per eum liberan-  
tur. 86. & 94. Monachum à ruinis do-  
mus corruentis incolumem servat . 99.*

*Ioanni Monacho moribundo sese vi-  
dendum obijcit , atque illum secum in  
cælum ducturum promittit . 100.*

*Nortmannos Monasterium vexantes  
Virga percutere , & eliminare per vi-  
sum à quodam cernitur . 105.*

*Benedictus IX. puer duodecim annorum  
in Petri cathedram largitione Alberici  
patris intruditur . 116.*

*Vita eius flagitiosa. ibid. A Populo Ro-  
mano dignitate Pontificia , & Vrbe pel-  
litur . ibidem .*

*Gradum recuperat . 117. Abdicat se  
summo Sacerdotio , illudque, accepta  
pecunia , Ioanni Archipresbytero ce-  
dit . 118. Infelix eius obitus . 124.*

*Benignitas insignis erga latrones à Mo-  
nachis quibusdam exercita : 40.*

*Bessarion Abbas sicco vestigio super a-  
quas graditur . 7.*

Ber-



# I N D E X

*Bernardus miles derisor S. Leonis Papæ  
dat pœnas. 140.*

*Bestiæ. Earum ministerio viros Sanctos  
Deus pascit. 58. Huiusmodi Sancto-  
rum varia exempla. ibid. & seq.*

*Bruno Tullensium Episcopus in Summum  
Pontificem eligitur, & appellatur Leo  
Nonus. 127. Ante eius consecrationem  
Angeli auditi cantantes. ibid.*

## C

**C***Adalous Parmensis Episcopus contra  
Sedem Apostolicã conspirat. 140.*

*S. Cassius Episc. bibacitatis à Totila ar-  
guitur. 23. Defenditur ab ea calumnia  
à S. Gregorio. ibidem.*

*Castellum Sancti Angeli. 89.*

*S. Charitine in mare proiecta per aquas  
incedens ad littus peruenit. 7.*

*Clemens Episcopus Bambergensis. Henrico  
Imp. adnitente ad Pontificatum euehi-  
tur. 120. Eius mors. ibidem.*

*Civis Romanus. quam late hoc ius no-  
menque olim pateret? 4.*

*Cleri-*

R E R V M.

Clericorum dissolutio descripta. 115. &  
122. Eorum effrenata licentia quam  
perniciosa sit? 115.

Cœcus ope B. Felicis Monachi vsum ocu-  
lorum recipit. 61.

Columna ignea Stephano Venetico mo-  
riente calum petere visa est. 69.

Concha castellum. 35.

Conradus Imper. Italiam cum exercitu  
penetrat, & quam potissimum ob cau-  
sam. 31. & 32. Monasterium Sancti  
Benedicti ab iniuria Pandulphi vindi-  
cat. ibidem.

Eundem Pandulphum Principatu Ca-  
puano priuat. 33.

Curienſis Episcopus. 136.

Curienſis Episcopatus ad Rhenum fluvium  
ſitus. 139.

D

**D**æmon queritur animam Angeli mo-  
nachi à Sancto Benedicto ſibi abla-  
tam. 64. Cur hominibus adeo aduerſe-  
tur, & ſque inſidias continuo ſtruat? 65

Cui-

# I N D E X

*Cuidam puero instar leonis apparet  
ingrediturque in eum. 83. & 84. Pa-  
tescit defectus quorundam monacho-  
rum. 84. & 85. Puerum inobedientem  
patri suo perdere conatur, & in eum  
ingreditur. 91.*

*Damasus Henrico Imperat. adnitente ad  
Summum Pontificatum euehitur. 120.  
Moritur. ibidem.*

*Daniel Propheta visis mysterijs spiritalia-  
libus languore corripitur. 48.*

*Desiderius postea Victor Papa III. in vita.*

*Diethmarus Episcopus Curiensis. 139.*

*Dialogi à S. Victore Papa III. conscripti  
quantum utilitatis omnibus præsent  
in epist. ad Lect.*

## E

**E***ccllesia Christi è persecutionum pro-  
cellis semper emersura. 13.*

*Ecclesia S. Michaelis Archangeli in Gar-  
gano Monte. 73.*

*B. Scholastica. 80.*

*Episcopus Simoniacus crimen negas quo-  
modo*



# R E R V M.

*modo à Petro per ignem conuictus sit ?*

146.

*Alius ob crimen commissum Spiritum sanctum nominare nequit. 153.*

*Exempla virtutum magis, quam exhortationum verba mouent. 3.*

## F

**F** Allacia ac fraus Christianum hominem quam dedeceat. 54.

**B. Felix Monachus.** Cæco ad eius sepulchrum oranti visus restituitur. 61.

*Fidem alteri datam violare Principi licere politicorum improbum dogma. 55.*

*Fragrantiam odoris corpus Gregorij monachi post mortem exhalat. 63.*

*Mira item odoris fragrantia è loco, quo Petrus Igneus per ignem illæsus transijt,*

*hodieque emanat. 150.*

**SS. Frontosius, & Socij Martyres** super aquas, præcisa capita gestantes, gradiuntur. 7.

**Gar-**

# I N D E X

## G

- G** Arganus Mons: 73.
- G** Gibertus Presbyter versipellis Led-  
nem IX. Pontificem decipere tentans  
Deo vindice plectitur, & quomodo? 133
- Græcorum olim pietas bibendi aquã, qua  
Sacerdos post sacra manus abluir. 19.
- Gregorius Papa VI. rogatu Henrici Se-  
cundi Imperatoris Concilio Sutirino in-  
teruenit. 119. Tanquam simoniacus à  
præmemorato Concilio per iniuriam de-  
ponitur. 125. A simoniae labe plurium  
insignium virorum allatis testimonijs  
purgatur. *ibid.* Largitio pecuniarum  
ab ipso facta quomodo appellanda sit?  
126. Eiusdem in Pontificatu sponte se  
abdicando animi magnitudo. *ibidem*.  
Innocentia eius, diuino numine per mi-  
raculum attestante, innotuit. *ibid.*
- Gregorius VII. Summus Pontifex simo-  
niæ insimulatus suam innocentiam quo-  
modo probauerit? 130. Postrema eius  
morientis verba. *ibidem*.

Gre-

# R E R V M.

Gregorius Monachus. Ex eius corpore  
post mortem mira odoris fragrantia  
emanat. 63.

Guinizzo Monachus. 20. Eius virtus ac  
sanctitas. 22.

## H

Agionorus mons, olim Athos nun-  
cupatus. 54.

Heliseus Propheta. 82.

Henricus Imp. Gregorium Papā VI. Sum-  
mi Sacerdotij dignitatem deponere co-  
git. 119. Eiusdem opera Clemens Bam-  
bergens. Episc. ad Pontificatum evehi-  
tur. 120. Item Damasus. 120. Et Leo  
Nonus. ibidem.

Homini cur diabolus adeo aduersetur, &  
insidias continuo struat. 65.

S. Hyacinthus expanso super aquas pal-  
lio flumen traiecit. 7.

## I

Iacula à Nortmannis emissæ in ipsos  
met diuinitus ventorum impetu retor-  
quentur. 106.

## M

Ia-



# I N D E X

Ianuarius Monachus ut crapulæ & ventri deditus irridetur. 21. Suam abstinentiã ignito ferro manibus illæsis prodigiose arrepto probat. *ibid.* A magistro suo corripitur, & cur? 22.

Ignis. Probatio per ignem quando & quomodo olim licite admitteretur. 148.

Multorum veritatem per ignem probantium exempla. 148. & seq.

Incendium Monasterio Casinensi exitium minitans diuinitus extinguitur. 78.

Inimicorum dilectio. 40.

Inobedientia, ac contumacia in parentes, Deo permittente, in puero per diabolum punita. 91. Quam graue delictum non obedire parentibus. 95.

Ioannes Presbyter donum lachrymarum à Deo adeptus. 15.

Arreptitiam lachrymis, precibusque ad Deum fusis continuo liberat. *ibidem.*

Vox eius ab ægra muliere, dum pro ea ad altare precatur, haud modico interiecto loci interuallo prodigiose audita simul ac valetudo illi restituta. 17.

Eius anima luce circumdata, cælum penetra-

# R E R V M.

netrare visa est. 76.

Ioannes Archidiaconus. Eius humilitas,  
 & innocentia. 50. Ipse & Alix Diaconus  
 de seculo relinquendo consilium  
 ineunt. 51. Institutum Sancti Benedicti  
 amplectitur. 52. Hierosolymiam profi-  
 cisitur, & montem Sinai incolit. 53.  
 Eidem cum Eremita mensa accumbenti  
 versus sauu mellis in prandiu affert. 56.  
 Videt per somnium S. Benedictum, &  
 ab illo virgam pastorem accipit. 57.  
Creatur Abbas. 58.

Ioannes Archipresbyter Pontificatum a  
 Benedicto Papa cessione accipit Grego-  
 rij VI. nomine sibi imposito. 117. Ab  
 Henrico Imp. exoratus Pontificatu spon-  
 te se abdicavit. 119. Arguitur simonia,  
 sed defenditur a viris pietate, & do-  
 ctrina conspicuis. 126.

Ioannes Gualbertus Episcopum simonia-  
 cum crimen negantem quomodo conui-  
 cerit. 144.

Ioannes Veneticus. 70.  
 Iustinus Imp. ob simonia crimen diuini-  
 bus pleclitur. 135.

M 2 Lam-

# I N D E X

## L

**L** Ambertus Eremita porrecto cuidam puero pane benedicto, daemon, qui in eo latebat, se prodidit. [88.](#)

Lampades. Mira circa eas diuinitus patrata. [101.](#) & seq.

Latrones cellarium Monasterij diripientes, foras mire egredi nequeunt. [38.](#)

Quomodo se ipsos prodiderint. [40.](#)

Monachorum erga eos benignitas. [ibid.](#)

Leo in Monachum instituti sui desertorem irruere visus. [27.](#)

S. Leo I X. Pontifex creatur. [120.](#) Eius virtutes. [ibid.](#) Disciplinam Ecclesiasticam restituit. [121.](#) Ante eius coronationem Angeli audiuntur cantantes. [127.](#)

Poculum ligneum confractum diuinitus redintegrat. [129.](#)

Gibertus Presbyter eum decipere studens Deo vindice plectitur, & quomodo? [133](#)

Post felicem eius obitum miraculis plurimis [coruscat.](#) [134.](#) Ter per hebdomadam à Laternanſi Basilica, vsque ad

S. Pe-



# R E R V M.

*S. Petrum nudis pedibus pergere solitus. 136. Puer mutus ad eius sepulchrū orans, linguæ usum obtinet. 137. Eius derisor diuinitus plectitur. 141. Liris fluius. 6.*

## M

**M**achetes Abbas. *Eius, dum illi litteræ à parentibus afferuntur, sententia. 28.*

*Maiellicus mons. 96.*

*Malachias Propheta. Eius de Sacerdotibus vaticinium. 123.*

*Malleus in præcipitium delapsus ope Diui Benedicti prodigiose recuperatur. 81.*

*Mancusus Monachus tadio regularis disciplinae è Monasterio aufugit. 26. Ex morbo decumbens leonem in se irruentem cernit, eoque territus ad Monasterium redit. 27.*

*Mappula quid sit? 149.*

*B. Maurus. Eius reliquiarum virtute diabolus ex arreptitio eijcitur. 89.*

*Mentiri, & alterum circumuenire quàm turpe sit? 54.*

M

3

B. Mi

# I N D E X

*B. Michael Archangelus animam Azzonis in cœlum defert, & quo eius merito? 67.*

*Mirabilia à diuino Numine patrantur ad fidem in nobis corroborandam. 100.*

*Cur omni æuo Deus ea operari voluerit? in epist. ad Lect.*

*Monachi contumacis & aliena ab instituto suo sectantis insigne exemplū. 26.*

*Aliud alterius Monachi Monasterium deserentis. 29.*

*Monacho patria exitialis est. 28.*

*Monachi magnatum aulas frequentantes notati ac perstricti. 29.*

*Monachi Monasterij Sancti Liberatoris è ruinis cellæ corruentis diuinitus erepti? 97.*

*Monachus defunctus reuiuiscens mira quæ mortuus viderat s' refert. 163.*

*& seq.*

*Monasterium S. Benedicti in Campania.*

*situm ab Agarenis intactum diuinitus seruatur. 8. & seq. Ab incendio ope*

*D. Benedicti mire illæsum permanet. 78.*

*Eius prædia è tyrannorum atque inuasorum*

R E R V M.

*forum manibus erepta . 103.*

Monasterium Sancti Vincentij. 20. *S. Li-*  
*beratoris . 96. S. Sophia . 163.*

Mons Sanctæ Agathæ, nunc Sancti Nico-  
lai. 31. *Hagionorus, olim Athos nuncu-*  
*patus . 54.*

*Maiellicus . 96.*

Mortuus reuiuiscens, narratis ijs, quæ  
viderat, paulo post iterum obit. 163.

Mutus ad sepulcrum S. Leonis IX. orans,  
linguæ vsum diuinitus obtinet. 137.

N

SS. **N** Azarius, & Celsus in mare pro-  
iecti super aquas prodigijs am-  
bulant. 7.

S. Nicolaus Episcopus. Dies eius festus à  
rustico magna pietate colitur. 90.

Filium præmemorati rustici ab insidijs  
diaboli tuetur. 93.

Nicolaitæ hæretici, & impia eorum de  
incestuosis coniugijs dogmata. 122.

Nortmannus piscatorem Monasterij San-  
cti Benedicti exspoliare cupiens Deo



# I N D E X

*vindice, submergitur. 37.*

*Normanni conducti ab Athenulpho Ab-  
bate ad tuenda prædia Monasterij ad-  
uersus impetus Comitis Aquensis. 103.  
Fortiter ac strenue primum suo mune-  
re funguntur. 104. Deinde in perfidi-  
am desciscientes multa damna Mona-  
sterio inferunt. ibid. Arcem S. Andreæ  
occupant. 106. Fugantur tandem diui-  
nitus & opprimuntur. ibidem.*

## O

*Obedientia, eiusque excellentia. 107.  
Oderisius latronum antesignanus.*

*108.*

*Offa Abbatisa. Dum thuribulum tenet,  
Angelus thymiana miræ fragrantie in  
illud mittit. 160. Eius in infirmitate  
mira abstinencia. 161.*

*Moriens in æra è lectulo rapitur. 161.*

*Sepulchrum eius quo honore dignum  
esset portentis diuinum Numen osten-  
dit. 162.*

*Opera bona propria quomodo celanda,  
quam-*

R E R V M.

quamvis ob causam patefacienda ? 23.

B. Oringa nuptias fugiens fluvium sicco  
vestigio transit . 7.

Otho Imp. Alicem ad Archiepiscopatum  
Beneventanū euehit. 53. Moritur. ibid.

Ouorum multiplicatio à B. Alferio diui-  
nitus patrata . 157.

P

PAndulphus IV. Princeps Capuanus.

Eius crudelitas . 30. Bona Mona-

sterij Sancti Benedicti inuadit, diripit-

que . ibid A Conrado Imp. Principatu

exuitur. 33. Eius filij ad summam ino-

piam redacti. 34. Eius ad inferos con-

demnatio. 43. Eiusdem anima post mor-

tem in lacu ob calicem aureum surreptū

cruciari cernitur . ibid. Calicem Mo-

naſterio ab uxore restitui rogat, quidue

de hoc dicendum ? 46.

Pandulphus alius Castellum Monasterij

Sancti Benedicti occupare nititur, sed

spē sua diuinitus frustratur . 35.

S. Paulus Apostolus quomodo se Ciuem Ro-

manum dixerit ? 4.

Pau-

# I N D E X

- Paulus Monachus. *Eius anima instar lucis cælum penetrare visa.* 74.
- Patria Monacho exitialis. 28.
- S. Petrus Apostolus. Agarenis, qui templum eius se expilasse iactabant, vindictam comminatur. 12.
- Petrus Clericus simoniæ accusatus. 142.
- Armis se contra accusatores in Episcopatu tueri nititur. 143. Quo signo veritas innotuerit? 145. Viso miraculo pœnitentiam agit. 147.
- Petrus Monachus dictus Igneus ad veritatem contra Episcopum simoniacum crimen negantem probandam coram ingenti hominum multitudine, anno 1063. per ignem illesus transit. 146.
- Quantæ fuerit humilitatis? 149.
- Ex Aldobrandinorum nobilissima gente oriundus. ibidem.
- Renunciatur Episcopus Cardinalis Albanensis. ibidem.
- Ex loco, ubi præmemoratum accidit portentum, mira odoris fragrantia hodieque emanat. 150.
- SS. Protus & Hyacinthus die illis sacro
- Mo-



# R E R V M.

*Monacho sese videndos obijciunt, & ad Fratres visendos se venisse asserunt.*

## III.

*Politicorum de fide alijs data violanda improbum dogma. 55.*

*Portæ inferi, quæ dicantur? 13.*

*Puer à demone obsessus, meritis B. Benedicti liberatur. 86. Alius patri suo inobediens, Deo permittente, mire punitus. 91. Puer duodecim annorum Pontifex creatur, diciturque Benedictus Nonus. 116.*

*Pythagoras famulus Sergij videt animã Pandulphi Principis post mortem in lacu profundo cruciari ob calicem aureum surreptum. 43. Ex terrore visionis morbum contrahit, & extinguatur. 44.*

## Q

*S. Q Virinus saxo ad collum ligato in mare demersus super aquas ambulat. 7.*

Ray-

# I N D E X

## R

**R**aynerius Monachus. Eius humilitas & obedientia. 108. A latronibus interficitur. 109. Miraculis post mortem claret. ibid.

Reliquiæ Sanctorum demones ex corporibus obsessis pelluntur. 89.

Richerius Abbas Monachum dissolutum, & aliena ab instituto sectantem corripit. 25.

Romanus quid significet? 4.

Ruinæ. Monachi Monasterij S. Liberatoris e ruinis cellæ corruentis quomodo erepti? 97.

## S

**S**acerdotum negligentia plurima mala in Ecclesiam introducta. 115.

Eorum effrænata libido maxime in Urbe grassata. ibidem.

Sancti bona opera quæ faciunt, occultare satagunt, & cur? 23.

Ea

R E R V M.

Ea quandoque patefaciunt, & quam  
ob causam? *ibid.*

A brutis animantibus diuina prouidentia cibos afferentibus aluntur. *58.*

*Imperium inferas exercent. 59.*

Eorum virtutes ac meritū latere Deus non permittit, & cur? *62.* Ex eorum corporibus post mortem suavis odor emanat. *63.*

Saraceni ydem qui Agareni. *146.*

Secretum Regis abscondendum. *110.*

Sergius Magister militum. *41.*

Septimianum Cœnobium. *150.*

Siconulphus Monachus. In vita Vict.

Silere præstat, quàm rem falso mendose  
narrare. *3.*

Simonix vitium quàm latè semper vagatum fuerit? *115.* Quam graue delictum

sit, ostensum in Giberto Presbytero. *132.*

Item in Iustino Imp. *135.* Eius grauitas exaggerata. *144.* & *154.*

Spiritualium mysteriorum visioni homo impar, atque ea ut plurimum opprimitur. *48.*

Spiritus sancti ab Episcopo quodam simonia



## I N D E X

- nia labe infecto exprimi nequit . 153.*  
Stephanus Papa. *Eius in Clericos concubenarios constitutio . 123.*  
Stephanus Veneticus, *Eius anima instar columnæ igneæ cælum petere visa est . 68.*

## T

- T**arsenses Ciues Romani quomodo dicti? 5.  
Teatina Ciuitas, de qua nuperrime egit Lucius Camarra. 60.  
Testimonium diuinum quale olim diceretur? 148.  
Theodoricus Monachus, *Eius nepos à diabolo obsessus, meritis S. Benedicti liberatur . 88.*  
Tullensis Episcopus de simonia & cohabitatione cum muliere à Gregorio Papa vocatus in iudicium . 123.

**V**ictor Papa **III.** Quo nomine ante Pontificatum appellaretur. In eius vita. Eius origo, parentes, & quo anno natus. *ibidem.* Eius pueritia. *ibid.* Parentes eum uxore ducere cogunt. *ibi.* **In** nuptijs sponsam relinquens, eremum petit. *ibid.* Monachum induit. *ibid.* Creatur Abbas, & Apocrisarius mittitur ad Michaelē Imper. *ibid.* Artes liberales, ac literas pristino splendori restituit. *ibid.* Musices, & artis medicæ peritissimus. *ibidem.* Ad Summum Pontificatum euehitur. *ibidem.* Eius in non admittendo summo Sacerdotio modestia, ac fuga. *ibid.* Eius obitus. *ibid.* Eius encomium. In epistola ad Lect. Fides eius in ijs quæ narrat, quam magni æstimanda sit? *ibid.* Ex eius scriptis quanam utilitas hauriri possit. *ibid.* Libri, quos scripsit. In vita. Eximia de eodem scriptisque eius plurium **infi-**gnium auctorum testimonia. *ibidem.*

San-

## INDEX RERVM.

*Sanctitas eius quo pacto probetur. ibid.*  
*Inter Martyres à quibusdam ascribi-*  
*tur, & cur? ibid. Cuius ætatis tempo-*  
*re obitus. ibidem.*

*Visioni mysteriorum spiritualium homo*  
*impar ei plerumque succumbit. 48.*

*Vitia inueterata deserere durum ac diffi-*  
*cile. 117.*

*Vrsus Ioanni Abbati cum eremita mensæ*  
*accumbenti sauum mellis in prandium*  
*affert. 56.*

*Vulturū annis. 20.*

Y


**Y** La fluuius. 7.



## L A V S D E O.









4-3 11



E  
—  
9 R